

Ilanngussaq L



Aningaasaqarnermut Akileraartarnermullu Ataatsimiititaliaq
Att.: Sakarias Amondson

Aningaasaqarnermut Akileraartarnermullu Ataatsimiititaliap AIS2021-mut apeqqutaanut akissutit

Brevdato: 16-11-2020
Sags nr. 2020 - 6155
Akt id. 15359903

Matumuuna Aningaasaqarnermut Akileraartarnermullu Ataatsimiititaliap ulloq 10. november 2020 2021-mut Aningaasanut Inatsisissatut Siunnersuummut aallarniutaasumik apeqqutaanut oqaatigisaanullu akissutit nassiuunneqarput. Taamattaq akissutini Aningaasaqarnermut Akileraartarnermullu Ataatsimiititaliap ulloq 10. november 2020 2021-mut Aningaasanut Inatsisissatut Siunnersuummut ilassutitut apeqqutigisaanut oqaatigisaanullu akissutit ilaapput.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Ataatsimiititaliap kingusissorujussuakkut apeqqutinik nassiussinera pissutigalugu, apeqqutit akineqarnissaanut piffissaq sivikitsuararsuaq atorneqartariaqarsimavoq. Minnerunngitsumik nutsikkat pitsaassusaasa qulakkeernissaata pisariaqarnera pissutigalugu, siunissami akissuteqarnissamut sivilunerusumik piffissaqartarnissaq Naalakkersuisut kissaatigaat.

Akissuteqaatit Naalakkersuisoqarfinit attuumassuteqartunit pissarsiarineqarput Aningaasaqarnermullu Naalakkersuisoqarfimmit katersorneqarlutik, taakkulu akissuteqarnissamut killiliussa q tikitsinnagu akissutit pitsaassusaannik isumannaarinniarsimapput.

3.1 Coronap atuunnera tamatumalu sunniutai, qupperneq 165

- a) Coronap atuunnera aalisarnermik suliaqartunut aammalu aalisarnermik suliaqartut avammut tunisaanut ataatsimoortunut aningaasaqarnikkut qanoq kinguneqartussatut Naalakkersuisunit naatsorsuutigineqarpa?
- b) Coronap atuunnera aalisarnermik suliaqarnerup imminut akilersinnaaneranut aningaasaqarnikkut qanoq kinguneqartussatut Naalakkersuisunit naatsorsuutigineqarpa?
- c) Nunani tamalaani niuerfik nunatsinni aalisarnermi tunisassiassanik tunisinermi avammullu tunisinermi akinut qanoq sunniuteqartussatut Naalakkersuisunit naatsorsuutigineqarpa?
- d) Coronap atuunnera avataasiorluni aalisarnermut aammalu sinerissap qanittuani aalisarnermut assigiinngitsumik eqquissasoq Naalakkersuisunit naatsorsuutigineqarpa?
- e) Aalisarnermut akitsuutinit ukiuni aggersuni iluanaarutissat Naalakkersuisunit qanoq naatsorsuuteqarfigineqarpat?

3.1. a-mit e-mut akissut:

Nunarsuarmi niuerfinni piumanninnerni akillu pinngorarneranni akit nikerartarput. Taakku coronap atuunnerinnaannik patsiseqarnerisut oqaatigineqarsinnaanngilaq.

Tunisiniarnermik ajornakusoortitsisoqarneraasoqarsimanngilaq, avammulli tunisat akii ukiut siuliinut, tassani akit aamma pitsaasorujussuunerat eqqaamaneqartariaqartumut, sanilliullugu appasinnerusutut inissisimapput.

Aningaasaqarnermut Akileraartarnermullu Ataatsimiititaliap ulloq 8. november 2020 siunnersiueqatigiinnermi ilisimatinneqartutut, Naalackersuisut pingajussaaneerinninnermi aalisarnermik pisuussutinik iluaquteqarnermut akileraarusiinnermit iluanaarummut AIS2021-mut allannguutissatut siunnersuummik saqqummiussinissartik naatsorsuutigaat. Maanna ajorseriaatip 59,7 mio. kr-unissaa naatsorsuutigineqarpoq.

f) Aalisarnermut ikiorsiissutissat aningaasanut inatsisissatut siunnersuummut ilaatinneqanngillat. Aalisartunut ikiorsiissutissat aningaasanut inatsimmut qanoq sunniuteqartussatut Naalackersuisunit naatsorsuutigineqarpat?

3.1. f-mut akissut

Aalisarnermut immikkut ikiorsiissutit maanna atuuttut ulloq 31. december 2020 atorunnaassapput, taamaalillutillu 2021-mut aningaasanut inatsisissatut siunnersuummut sunniuteqassanatik.

g) Coronap atuunera Ilulissani Nuummilu aammalu Qaqortumi mittarfiliornermut aningaasaqarnikkut qanoq kinguneqartussatut Naalackersuisunit naatsorsuutigineqarpa?

3.1. g-mut akissut

Coronap tunillaassuunnerata Ilulissani Nuummilu mittarfiliortitsinernik maanna ingerlasuni aningaasaqarnikkut sunniutaanut tunngatillugu, taakku 2021-mut aningasaanut inatsimmut sunniuteqassanganneqanngillat, KAIR-immi maannamut missingersuutini nikeriaatit nammineq isumagissavai.

Qaqortumi mittarfiliornissamik pilersaarummut tunngatillugu, suliariumannittussarsiuussineq nutaamik suliariumannittussarsiuussinissaq siunertaralugu taamaatinneqarpoq. Suliariumannittussarsiuussineq 2021-p qiteqqunera neqeroorummik tunniussivissanngorlugu ingerlanneqassasoq ilimagineqarpoq. Taamaammat maannakkuugallartoq nunatta karsianut sunniutaasinnaasut annertussuseriumaagaannik ilimagisaqartoqanngikkallarpoq.

3.2 Coronap atuunera nunattalu karsiata aningaasaatai tigorianaanaat, qupperneq 165

h) Coronap atuunnerata nassataanik aningaasartuutaanerusussat nunatta karsianit akissa-qartinneqarnissaat qulakkeerumallugu anngaasalersuutissat sipaarutissallu pisariaqartut pillugit periusissamik Naalackersuisut suliaqarsimappat?

Akissut:

Naalackersuisut aningaasat uninngasuutit ingerlaavartumik ineriartornerat eqqummaariffisorujussuaat, AIS 2021-milu – pisariaqartitsisoqassasoq paasinarsissappat – 1,5 mia. kr-it angullugit taarsigassarsisoqarsinnaanerani piginnaatitsissut ivertinneqarpoq. Sinaakkutip taassuma pissutsit qanoq ineriartorumaarnerat apeqqutaatillugu pisariaqartumik inuiaqatigiinnut pitsaanerpaamik iliuseqarsinnaalersitsissaaq.

a) Coronap atuunnerani isumaginninnissamut Naalackersuisut periusissiorsimappat?

Akissut:

Aap. Naalackersuisut Nunatta Nakorsaaneqarfianik Politimesterimillu qanimut suleqateqarlutik tamanit ilisimaneqartumik suliniarnerannik avammut nalunaarutigisat innersuussutigineqarput.

Suliniarnej taanna Den strategiske coronastabimit innuttaasunullu sammititamik corona-hotlinemik ikorfartorneqarpoq.

b) Ikorsiissutit assigiinngitsut sunniutaat Naalackersuisunit uuttortarneqarsimappat?

Akissut:

Aningaasaqarnermut Akileraartarnermullu Ataatsimiititaliaq ikorsiissutini asigiinngitsuni atulersinneqartuni atuneq pillugu ingerlaavartumik ilisimatinneqartarpoq. Maannakkuugallartoq suliffeqarfiit ikiorserneqartut taamaattoqarsimanngippat akiliisinnaajunnaarsimassagaluarnerisut oqaatigineqarsinnaanngilaq. Aningaasaqarnermut Siunnersuisooqatigiit ikorsiissutit sapinngisamik piaarnerpaamik atorunnaarsinneqarnissaannik kaammattuutaa eqqummaariffigaat.

3.3 Sanaartornermut aningaasaliissuteqarnissamik pisariaqartitsinerup pingaarnertut, suliassaqarfiit akimorlugit ungasissumullu isigisumik iliuseqarfigineqarnissaannik pisariaqartitsineq pillugu, qupperneq 134

a) Nunap immikkoortuisa tamarmiusut aningaasaliissutinit pissarsisinneqarsinnaaq-qullugit illoqarfiit anginerusut avataanni sanaartornermut aningaasaliissutit annertusineqartariaqartut ataatsimiititaliaq nalinginnaasumik isumaqarpoq – minnerunngitsumik karsimik misissuisimanerit eqqarsaatigalugit. Illoqarfinni anginerni sisamani aammalu illoqarfiit nunaqarfiillu sinnerini sanaartornermut aningaasaliissutit kingullit qanoq agguataarneqarsimappat?

b) Illoqarfinni anginerni sanaartornerit annertuut illoqarfinnit allanit nunaqarfinnillu sulisussanik qularnanngitsumik tigooqaassapput. Nutserneq

taanna illoqarfiit anginerusut avataanni sanaartornerit annertussusiannut akiinullu qanoq sunniuteqassava?

a-mut b-mullu akissut:

2020-mi ilassutitut aningaasaliissutitut takussutissiivik:

Suliniutip aqqa	Suliniut nr.	Sumiiffik	Aningaasaliissutit	Oqaatigisassat
2014-mi immikkut iluarsartuussineq aqqissuinerlu 2014	25188	(010000) Kalaallit Nunaat	800.000,00	
Qaarsut mittarfiata qalliutaa	25212	(010752) Qaarsut	5.900.000,00	
Upernaviarsuk savaatillit ilinniarfiat	51026	(010323) Upernaviarsuk	3.000.000,00	
Uummannami umiarsualivik	24131	(010750) Uummannaq	33.100.000,00	
Tulattarfinnik pilersitsineq	24136	(010000) Kalaallit Nunaat	1.300.000,00	Qaqortumi, Alluitsup Paani Qassiarsummilu tulattarfiit
Helikopteritut eqqussivik	25213	(010000) Kalaallit Nunaat	18.100.000,00	Qaanaami Tasiilamilu eqqussivimmik pilersaarusiorneq = 1,5 mio. kr. Upernavimmi eqqussivimmik sanaartorneq = 24,5 mio. kr.
Atuarfimmi pinnguartarfik, Nuussuaq (UPV)	30028	(010766) Nuussuaq	1.200.000,00	
Altaninik iluarsaassineq, Qaqortoq	31050	(010320) Qaqortoq	16.700.000,00	
Altaninik iluarsaassineq, Paamiut	31051	(010450) Paamiut	11.400.000,00	
Altaninik iluarsaassineq, Maniitsoq	31053	(010570) Maniitsoq	19.800.000,00	
Altaninik iluarsaassineq, Sisimiut	31055	(010580) Sisimiut	15.000.000,00	
Isumaginninnermut immikkoortumi kommunit ataatsimoortumik ESDH-mik atortorissaarutaat	40089	(010000) Kalaallit Nunaat	11.000.000,00	
Qassiarsummi atuartut angerlarsimaffianik pilersitsineq / iluarsaassineq	52092	(010335) Qassiarsuk	16.700.000,00	
Kollegialiornissanik pilersaarutit assigiinngitsut	52104	(010000) Kalaallit Nunaat	105.400.000,00	Suliariumannittussarsiuussineq pillugu isumaqatiginninniarnert naammasippata sumiiffilerneqassapput
Helikopteritut eqqussivik	25213	(010000) Kalaallit Nunaat	7.900.000,00	Qaanaami Tasiilamilu eqqussivimmik pilersaarusiorneq = 1,5 mio. kr. Upernavimmi eqqussivimmik sanaartorneq = 24,5 mio. kr.
Sisimiut Kangerlussuullu akornanni aqqusineq	29108	(010580) Sisimiut	5.000.000,00	
Pilutap immikkoortuanik pilersitsineq	40090	(010580) Sisimiut	3.000.000,00	
Iluarsartuussinerit isaterinerillu assigiinngitsut	34527	(010000) Kalaallit Nunaat	18.000.000,00	Illoqarfinni assigiinngitsuni kinguaattorutitut pilersaarusiornemut aningaasaliissutit
Inissiat nutaat 2019, Qaqortoq	30025	(010320) Qaqortoq	6.900.000,00	
Inissiat	32124	(010000) Kalaallit Nunaat	18.000.000,00	Aasianni inissianik 60-nik sanaartornermut atugassanngortitsinnermut immikkoortitsineq –

				suliariumannittussarsiuussineq naammassippat pilersaarut immikkut sumiiffilerneqassaaq
Inuusuttunut inissiat - typehus	32140	(010000) Kalaallit Nunaat	2.300.000,00	Assigiinnik sanaartornissamut pilersaarusiorneq
Sanaatorfimmik qimatsineq	46032	(010460) Nuuk	3.000.000,00	
Najugaqarfik Elisibannguaq- nutaamik sanaartorneq iluarsartuussinerlu	40091	(010570) Maniitsoq	6.900.000,00	
Qaqortumi isaterinerit assigiinngitsut	31030	(010320) Qaqortoq	4.700.000,00	

Nummi illoqarfinniluunniit allani annertusuni sanaatorneq nunatsinni piffinni allani sulisussaaleqinerup annertunerulerneranik kinguneqanngitsoq Naalakkersuisut isumaqarput.

c) Kiisalu ataatsimiititaliaq isumaqarpoq coronap atuunera ungasissumut isigisumik sanaatornermut aningaasaliissutinik pingaarnersiulluni tulleriarinermut kinguneqartariaqartoq. Tamatumunnga Naalakkersuisut qanoq oqaaseqaatissaqarpat?

Akissut:

Ungasissumut pilersaarusiorneq attanneqarnissaa pingaaruteqartoq Naalakkersuisut isumaqatigaat, aamma pissutsit maannakkutut inneranni.

d) Attaveqarnermut aningaasaliissutit nioqqutissanik pilersuinermut ilaasunilluunniit angallassinermut taamaallaat sammitinneqarnissaat naammanngilaq. Aalisarnerup inuiaqatigiit aningaasaqarnerannut sapinngisamik pitsaanerpaamik iluanaaruteqaataanissaa qitiutittuassallugu pingaaruteqartutut ataatsimiititaliamit isigineqarpoq. Nunatsinni inuussutissarsiutit pingaarnersaata tassanngalu isertitat siuariartornerunissaannik pilersitsiumalluni sanaatornermut aningaasaliissutit sinerissamut qanittumi aalisarnermut aamma ikorfartuutaanissaat aalajangiisuvoq. Tamanna pillugu Naalakkersuisut qanoq eqqarsaateqarpat?

Akissut:

Attaveqaatinut aningaasaliinerni siammasissumik inuiaqatigiit aningaasarsiornerat aallaavigineqartarnissaat Naalakkersuisut pingaartippaat. Aningasaliinerit inuussutissarsiutinut pioreersunut siunissamilu inuussutissarsiutinut siuariartortussanut ikorfartuisuunissaat pingaartuuvoq. Tamatuma saniatigut aningaasaliinerit inuiaqatigiit aningaasarsiornerisa patajaatsuunissannik siuarsaanissamik siunnefeqartassapput.

e) Aningaasaliissuteqarnissamik pisariaqartitsinermut immaqa pisariaarussimasumut aningaasanik uninngaannartitsisoqarsinnaanera annikillisarinarlugu sanaartugassanut aningaasaliinissamik pisariaqartitsinerup ingerlaavartumik nutartarneqartarnissaa Naalakkersuisunit qanoq qulakkeerneqartarpa?

Akissut:

Sanaatornermut Iluarsartuussisarnermullu Aningaasaateqarfik naatsorsuuserinermi periutsini nunatta karsiani aningaasaateqarfiuvoq, suliniutini

aalajangersimasuni aningaasaliissutit ukiumi naatsorsuuseriffimmi ukiumut naatsorsuuseriffimmut allamut pisariitsumik nuussisinnaanngortitsisoq. Taama aaqqissuussineq naleqquttuuvoq. Ukiuni amerlasuuni aningaasanik katersinissaq aningaasaateqarfiup siunertarinngilaa. Assersuutigalugu Nukissiorfinnut atatillugu tamanna siusinnerusukkut pisarsimasoq Naalakkersuisut eqqummaariffigaat. Naalakkersuisut taamatut periuseqaqqittarnissaq akuersaalersaanngilaat.

3.4 Sillimmatit missingersuutinillu iluarsinerit pillugit immikkoortoq, qupperneq 187

Missingersuutinik ammut iluarsineq siunnersuummi tamarmiusumi annertuumi amigartoorutissatut missingersuutigineqartunut annertunerusumik sunnuteqanngitsoq ataatsimiititaliamit paasineqarpoq. Akerlianilli piffissap missingersuuteqarfiusup ingerlanerani allaffissornikkut sipaarutissat 112 mio. kr.-it siunnersuummi ilanngunneqarsimasut paasissutissiissutigineqarpoq. Pisortani allaffissornikkut aningaasartuutit ataatsimut isigalugu amerlavallaarujussuarsorineqartut piffissami kingullermi annertuumik isiginiarneqarsimapput. Taakku malunnaateqarluartumik ikilisinneqartariaqartut ataatsimiititaliaq isumaqarpoq.

a) Allaffissornikkut aningaasartuutit malunnartumik ikilisinneqartariaqartut Naalakkersuisut qanoq iliorpat?

b) Namminersortunut sanilliullugu pisortani atuneq sulisoqarnerlu malunnaatilimmik qaffariarfiusimasoq Kalaallit Nunaata Aningaasaqarnera pillugu Siunnersuisoqatigiit nalunaarusiaanni kingullermi takuneqarsinnaavoq. Pisortat ingerlatsineranni allaffissornikkut aningaasartuutit tamarmiusut aammalu pisortat ingerlatsinerisa annertussusia imminnut qanoq ataqatigiippat?

a-mut b-mullu akissut:

Allaffissornikkut sipaarniutit annertuut inernerisassatullu missingersuutigineqartoq toqqaannartumik ataqatigiiffeqarput. Allaffissornikkut sipaarniutit 112 mio. kr.-it taaneqartut ilaanngippata, IS-p inernerisa taakku annertoqqataannik ajorseriassaaq.

Inuiaqatigiinni nalilinnik pilersitsisarnermut sanilliullugu nunatsinni pisortat ingerlatsiviat annertoqarjussuusoq ilisimaneqarluareerpoq. Pisortat ingerlatsiviata annertussusaa aningaasartuutillu tassunga attuumassut, Inatsisartut pisortat ingerlatsiviannut isumagisassatut suliaqissutaannik sullissinissallu qaffasissusissaatut Inatsisartut aalajangersagaannut attuumassuteqarluinnarpoq.

3.5 Immikkoortoq 7, Nutaamik missingiinerit aammalu akinik akissarsianillu nalimmassaaneq, qupperneq 190

Ingerlatsinerimut tapiissutinullu aningaasaliissutit akinut akissarsianullu nalimmassarneqanngitsut, tamannalu 75 mio. kr.-it missaannik missingersuutitigut pitsanngoriarnermik nassataqartoq, Naalakkersuisut paasissutissiissutigaaq.

Tamanna ima isumaqarpa 2021-imi amigartoorutit annertuut ukiuni marlunni affarmilu taamatut periuseqarluni matussuserneqarsinnaasut?

Akissut:

Naamik. Aningaasanut Inatsimmi aningaasaliissutit ukiumi aningaasanut inatsiseqarfiusumi aningaasartuutit annertussusaanni takutinneqarput. Taamaattumik ukiuni missingersuusiorfiusuni aningaasaliissutit ukiuni nalinginnaasuni ukiuni aningaasanut inatsiseqarfiusup akinut aningaasarsianullu iluarsiiisutaata annertoqqataanik iluarsiiisuserneqassapput, taamaalillutik ukiut pineqartut imminnut sanillersuunneqarsinnaaqqullugit. AIS21-mi aningaasaliissutit ukiumi aningaasanut inatsiseqarfiusumi ukiuniluunniit missingersuusiorfiusuni taaneqartut iluarsiiisutitaqanngillat.

Tamatuma saniatigut ungasinnerusoq isigalugu immikkoortuni akit ineriartornerannik eqqorneqartartuni akinut aningaasarsianullu iluarsiiisusiisannginnissaq naapertuuttuussanngilaq.

4. Suliassaqarfik 10 - 12 Naalackersuisut Siulittaasuata Naalackersuisoqarfia

4.1 Konto pingaarneq 10.10.10 Naalackersuisut

Allaffissornikkut sipaarniarluni suliniuteqarneq Naalackersuisunut aamma atuuttariaqartoq ataatsimiititaliamit naatsorsuutigineqarpoq.

a) Suliassat siunnersortinit avataaneersunit isumagineqartartut inatsisinut immikkoortoqarfimmit isumagineqarsinnaaqullugit Naalackersuisut qanoq iliuseqarpat?

Akissut:

Piffissami kingullermi inatsisilerinermi naliliinerit ilaat avataani siunnersortit akuliutsinnerisigut pisarnerat ilumoorpoq – tassani Kammeradvokat atorneqarnerusarpoq. Tamanna apeqqutit inatsisilerinikkut naliligassatut pisariaqartinneqartut immikkuullarissorujussuunerannik tunuliaqutaqarpoq. Taamaammallu suliassat pineqartut nammineq inatsisilerituunik qulaajaavigitissallugit kissaatiginartuunngilaq.

Taamattaarlu inatsisilerinermut immikkoortumi atorfiit inuttalerniarnerat piffissap ilaani ajornakusoortuusarnera ilisimaarneqarluarpoq, soorluttaaq inatsisilerinikkut piginnaanertuunik atorfinnut pilerilersitsiniartarneq ajornakusoortuusartoq.

b) Inatsisilerituut sulisorineqartut Naalackersuisoqarfimmut assigiinngitsunut siamarneqarnerannut taarsiullugu, apeqqutinik inatsisinut tunngasunik Naalackersuisunut qitiusumit ikiuulluni suliassaminik isumaginnissinnaaqullugu, inatsisinut immikkoortortap nukittorsarneqarnissaa Naalackersuisunit isumaliutigineqarsimava?

Akissut:

Siuliani immikkoortoq a) oqaatigisat saniatigut namminersorlutik oqartussani inatsisilerituut tamaasa inatsisilerinermut immikkoortumut katersornissaat, maanna inatsisilerinikkut piginnaasanik amikkittoornermut aaqqiissutaasinnaangilaq. Naalackersuisoqarfiit assigiinngitsut inatsisilerituunik suliassaqarfiit assigiinngitsut suliassaannik immikkut aallussillutik sulisinnaasunik inatsisileritooqarnerat naapertuuttuuvoq.

c) Misilittakkat immikkullu piginnaaneqarneq Namminersorlutik Oqartussani pigineqaleqqullugit nalunaarusiornissamut nassuiaasiornissamullu Naalackersuisuni nukissat pigineqartut nukittorsaavigineqarnissaat Naalackersuisunit isumaliutigineqarsimava? Ataatsimiititaliap isumaa malillugu tamanna siunnersortinik avataaneersunik annertoorujussuarmik atuineri sipaarfigineqarsinnaavoq. Ataatsimiititaliap isumaa malillugu taamatut qitiusumit ingerlatsilernikkut suliassaqarfimmik ajornartorsiuteqarfimilluunniit paasinarsitsiniarnerup qularnanngitsumik assigiimmik siunertaqartumik, imaqartumik inerneqartumillu siunnersortinit avataaneersunit arlalinnit aaq-

qiiviginiarneqartarneratigut qaleriittumik marloqiusamillu sulineq pinngitsoortinneqarsinnaavoq.

Akissut:

Ajornartorsiutit taanna inatsisilerituut pillugit siuliani taaneqartunit tunngaviatigut allaanerungilaq. Maanna ilinniagaqartunik atorfeqartitsisarnermit pitsaanagerusumik atorfeqartitsiinnarsinnaanermik ajornarunnaarsitsisunik atorfeqarnermi atugassarititanik sulinermilu atugassarititanik neqerooruteqarsinnaanermik Naalakkersuisut suliaqarput. Apeqqummut tassunga imaaliaallaannarluni aaqqiissutissaqarunangilaq.

Nassuiaatinik assigiinngitsunik suliarinninnermi siunnersortinik avataaneersunik atuinnermut atatillugu, tamanna amerlanertigut immikkut ilisimasaqarnissamik piumasagaateqarfiusarpoq, ilisimasallu taakku pisariaqartinneqarnerat aalaakkaasuunanilu pisuni arlalinni siumut eqqoriarneqarsinnaanngimmat, nammineq sulisorisanik isumagitinniassallugu ajornarluniluunniit naapertuuttuungilaq.

d) Nalunaarusiarpassuit nassuiaaterpassuillu ukiut ingerlaneranni suliarineqartarsimasut siunertaat, imarisaat, inernerit kiisalu iluaqutaassuseqarnerat Naalakkersuisunit tamakkiisumik ilisimaneqarpat?

Akissut:

Nalunaarusiat nassuiaatillu arlallit Inatsisartut Naalakkersuisunik peqqussuteqartarnerat pissutigalugu suliarineqartarput. Taakku iluaqutaasinnaassusiat assigiinngissitaarsinnaavoq. Misissueqqissaarnerit allat inuiaqatigiinnut annertuunik aalajangiinissanut aalajangernissamik tunngavissamik piareersaasiornermut atatillugu ingerlanneqartarput, taakku Naalakkersuisut arlalitsigullu aamma Inatsisartut paasissutissanik toqqammaveqarlutik aalajangernissaannut ajornarunnaarsitsisuusarput. Naalakkersuisoqarfiit tamaasa akimorlugit ukiut ingerlaneranni nalunaarusiat nassuiaatillu amerlassusaat pigineqanngilaq, taamatullu paasisaqarnissamut isumalluutininik atuinnisaq pissusissamisoortinneqanngilaq.

e) Oqaatigineqartut malillugit assersuutigalugu inuussutissalerinnermut tunngasuni nalunaarusiortoqarsimavoq pingasunik quppernilimmik 300.000 kr.-inik akilimmik. Pisuni taamaattuni nalunaarsukkat paasissutissallu pineqartut pissarsiarineqarnissaasa qulakkeerneqarnissaannut periarfissat allat atorneqarsinnaanerat Naalakkersuisunit isumaliutigineqarsimava?

Akissut:

Naalakkersuisut assersuutitut atorneqartumik ilisimasaqanngillat.

f) Siusinnerusukkat sulisorineqarsimasut soraarninngorsimasut Danmarkimut nunassissimasut siunnersortitut avataaneersutut Naalakkersuisunit qanoq annertutigisumik atorneqarnerisut paasissutissiissutigineqassasoq ataatsimiititaliamit kissaatigineqarpoq.

Akissut:

Qitiusumik allaffeqarfissuarmi atorfiit aalajangersimasut inuttaqannginnerannut atatillugu, siornatigut sulisuusimasut sulianik aalajangersimasunik ingerlaavartunilu suliaqartussat piffissami sivikinnerusumi atorfeqartinneqartarnerannut assersuutissaqarpoq. Taamatut periuseqarnikkut misilittakkat immikkullu ilisimasat kiisalu nunatsinni pissutsinik ilisimasat siusinnerusukkut sulisorineqarsimasut pigisaasa atorneqarnissaat periarfissinneqartarpoq. Tamannalu maanna seniorpolitikerineqarmut, naalackersuisoqarfinnilu ilisimasanik tigumminiinnarnissamut naapertuuppoq. Taamaaliortoqanngikkaluarpat avataanit siunnersortit sulisorineqarsimassagaluarput.

Naalackersuisoqarfiit assigiinngitsut aperineqarnerminni ima paasissutissiipput:

Naalackersuisoqarfik	Avataanit siunnersortit siusinnerusukkut namminersorlutik oqartussani atorfilittaasimasut
Naalackersuisut Siulittaasuata Naalackersuisoqarfia	
Aningaasaqarnermut Naalackersuisoqarfik	0
Ilinniartitaanermut, Kulturimut Ilageeqarnermullu Naalackersuisoqarfik	
Ilisimatusarnermut Avatangiisinullu Naalackersuisoqarfik	
Aalisarnermut, Piniarnermut Nunalerinermullu Naalackersuisoqarfik	1
Ineqarnermut Attaveqatigiinnermullu Naalackersuisoqarfik	0
Isumaginninnermut, Ilaqutariinnut Inatsisinillu atuutsitsinermut Naalackersuisoqarfik	
Peqqissutsimut Naalackersuisoqarfik	
Nunanut Allanut Nukissiuuteqarnermullu Naalackersuisoqarfik	0
Inuussutissarsiutinut Suliffeqarnermullu Naalackersuisoqarfik	

Aatsitassanut Naalakkersuisoqarfik	2
---------------------------------------	---

g) Sulisut aningaasallu pineqartut assersuutigalugu Namminersorlutik Oqartussat namminneq sulisuisa assersuutigalugu immikkut piginnaasaqalernissaannik, ilisimasaqalernissaannik periuseqalernissaannillu pilersitsinissamut atornagit sulisunik aningaasanillu Namminersorlutik Oqartussat aammalu Kalaallit Nunaata avataaniittunut taama annertutigisunik atuineq naapertuunnersoq ataatsimiititaliap isumaa malillugu Naalakkersuisunit isumaliutigineqartariaqarpoq. Ataatsimiititaliamit naatsorsuutigineqarpoq piginnaasanik taamatut pilersitsiartuaarneq ungasinnerusoq isigalugu Namminersorlutik Oqartussat inunnik Kalaallit Nunaata avataaniittunik pisariaqartitsinerannik annikinnerulersitsissasoq aammalu suliassat isumagineqartarnerat akikinnerulissasoq, tamatumalu peqatigisaanik sulisut aningaasallu nunani allaniunngitsoq nunatsinnili atorneqarnerisigut aningaasaqarneq iluaquserneqassasoq. Aningaasat amerlaqisut nunanut allanut – immaqalu piffinnut inunnullu taakkununnarpiaq – tutsinneqaannartannginnissaat namminerli sularisat siunertamut tassunga piginnaasamikkut ungasissoq isigalugu qaffassaavigineqarnissaat siunertaralugu siunnersortinik avataaneersunik atuineq pillugu anguniagassanik (politikimik) suliaqarnissaq Naalakkersuisunit isumaliutigineqarsimava?

Ajornartorsiuteqarfiup tamatumaa Namminersorlutik Oqartussanut pitsaanerpaamik qanoq aaqinneqarsinnaaneranut assersuummik Naalakkersuisut Siulittaasuat takutitsisariaqartoq ataatsimiititaliaq isumaqarpoq.

Akissut:

Ataatsimiititaliap isumaliutigisai Naalakkersuisut isumaliutigisaannut naapertuupput. Naalakkersuilli akisussaassusilimmik pitsaasumillu sulianik isumaginninnermik qulakkeerinissamut soorunami ipisussaaffeqarput, tamannalu naapertuuffiatigut avataanit isumaluutininik atuinnissamut pissutissaqartitsilersarpoq. Avataanilli siunnersortinik atuineq pillugu nalunaarusiaq sularineqaaqqammersoq Naalakkersuisut ilanngullugu innersuussutigissavaat, tassani taamaattunik atuinermi pisinnaaffiani ilisimasat aalajangersimasunik sulisunut ingerlateqqinniarnaqartarnissaat kaammattuutigineqarpoq.

4.2 Konto pingaarneq 10.13.10 Akitaateqarluni ingerlatseqatigiiffinnit iluanaarutit, agguagarsiassat tunisinerillu

a) Tunniussinerit Namminersorlutik Oqartussat ingerlatseqatigiiffiutaasa ataasiakkaat akornanni qanoq agguataarneqartussatut naatsorsuutigineqarpat?

Akissut:

Namminersornerullutik Oqartussat aktiaateqarluni piginneqatigiiffiisa siulersuisui oqaloqatigereernerisigut ingerlatseqatigiiffiit ukiumut naatsorsuutaat 2021-milu aningaasaqarnermut ukiumi naatsorsuutigineqarpoq iluanaarutinit makku pissarsiaritinneqassasut:

- Tele Greenland A/S, nalinginnaasumik pissarsiaritinneqartussat 32 mill. kr.-t, immikkullu pissarsiaritinneqartussat 50 mill. kr.

Royal Greenland A/S, nalinginnaasumik pissarsiaritinneqartussat 60 mill. kr.

KNI A/S, nalinginnarmik pissarsiaritinneqartussat 20 mill. kr.

Assigiimmit akeqartitsinerup pitsaasumik sunniuteqarnissaa ilimagalugu immikkut pissarsiaritinneqartussat 8,4 mill. kr.-t.

b) Coronap ajornakusoortitsinera konto pingaarnermut matumunnga qanoq sunniuteqassava?

Akissut:

Ingerlatseqatigiiffiit Namminersorlutik Oqartussanit pigineqartunit ataatsimut iluanaarutisiat allannguuteqarnissaat naatsorsuutigineqanngilaq. Ingerlatseqatigiiffiit akunneranni agguataarnerit allannguuteqarsinnaapput.

4.3 Konto pingaarneq 12.01.01/12.01.10/12.01.14 Kalaallit Nunaata K benhavnimi aallartitaqarfia

a) K benhavnimi aallartitaqarfik Nunanut Allanut Naalakkersuisoqarfiup ataaniinnani sooq Siulittaasup Naalakkersuisoqarfiata ataani inissinneqarsimava?

Akissut:

Kalaallit Nunaata sinniisoqarfiata sinniisoqarfiillu allat pingasut assigiinngissutaat tassaavoq, Kalaallit Nunaata sinniisoqarfiata Danmarkimi inissisimanagera, tassa naalagaaffeqatigiit killeqarfiata iluani, tamatuma Kalaallit Nunaata sinniisoqarfiat allanut pingasunut sanilliullugu aallartitaqarnerup iluani allanik tunngavissaqarnera nassataraa.

Tamatuma saniatigut Kalaallit Nunaata sinniisoqarfiata Naalakkersuisut Siulittaasuata Naalakkersuisoqarfiata ataanut inissinneqarnera akisussaaffeqarfinnik agguataarinninnikkut aalajangerneruvoq.

4.4 Sulisut Kalaallit Nunaanni Namminersorlutik Oqartussanik sullissisut Kalaallit Nunaanni sulillutillu najugaqartariaqarput. Namminersorlutik Oqartussani sulisut qassit Danmarkimi najugaqarlutillu sulippat, naak Nuummi Namminersorlutik Oqartussani atorfeqartinneqarlutik?

Akissut:

Naalakkersuisoqarfiit paasinaaffigineqarlutik tulliuttut paasissutissiissutigaat. Akissutini oqaaseq "atorfilik" "aalajangersimasumik atorfilittut" paasineqarpoq, taamaammallu siunnersortit avataaneersut kisitsisinut ilanngunneqanngillat.

Naalakkersuisoqarfik	Aalajangersimasumik atorfillit Danmarkimi
----------------------	---

	(Savalimmiut/Island ilanngullugu) atorfeqartut
Naalakkersuisut Siulittaasuata Naalakkersuisoqarfia	12 (Sinniisoqarfik)
Aningaasaqarnermut Naalakkersuisoqarfik	4
Ilinniartitaanermut, Kulturimut Ilageeqarnermullu Naalakkersuisoqarfik	1
Ilisimatusarnermut Avatangiisinullu Naalakkersuisoqarfik	
Aalisarnermut, Piniarnermut Nunalerinermullu Naalakkersuisoqarfik	2
Ineqarnermut Attaveqatigiinnermullu Naalakkersuisoqarfik	3
Isumaginninnermut, Ilaqutariinnermut Inatsisinillu Atuutsitsinermut Naalakkersuisoqarfik	
Peqqissutsimut Naalakkersuisoqarfik	2
Nunanut Allanut Nukissiuuteqarnermullu Naalakkersuisoqarfik	0
Inuussutissarsiornermut Suliffeqarnermullu Naalakkersuisoqarfik	0
Aatsitassanut Naalakkersuisoqarfik	2

4.5 Danmarkip Kalaallillu Nunaata akornanni angalanermut atatillugu Namminersorlutik Oqartussani sulisut angalanerannut, ullormusiaannut najugaqartinneqarnerannullu aningaasat qanoq amerlatigisut atorneqartarpat?

Akissut:

Namminersorlutik Oqartussat atorfilittaasa Danmarkip Kalaallillu Nunaata akornanni angalanerannut atatillugu, angalanernut, ullormusianut ineqartinneqarnermullu aningaasartuutininik immikkut nalunaarsugaqanngilaq. Ataatsimut isigalugu 2019-mi suliffimmut

atatillugu angalanernut, ullormusianut ineqartitaanermullu aningaasartuutit 111,2 mio. kr.-t nalunaarsorneqarput. Ukiut siuliini angalanernut ataatsimut aningaasartuutitut sanilliullugu, Danmarkimut angalanerit annertussusaat tunuliaqutaralugu, 2019-mut aningaasat uku missingiunneqarsinnaapput:

Danmarkip Kalaallillu Nunaata akornanni suliffimmut atatillugu angalanerit - 27,6 mio. kr.

Ullormusiat - 10,9 mio. kr.

Suliffimmut atatillugu angalanermit ineqartitaaneq - 15,8 mio. kr.

Kisitsisit missingiussat pineqarnerat erseqqissaatigineqassaaq, taamaammallu kisitsisiviusunut nikingasinnaallutik.

4.6 Namminersorlutik Oqartussani atorfillit diplomatiunngitsut Kalaallit Nunaanni immikkoortuni atorfeqarfigisaminni sulisariaqarput. Soorluttaaq ingerlatseqatigiiffiit Kalaallit Nunaannit ingerlanneqarlutillu aqutsivigineqartariaqartut.

Akissut:

Ataatsimiititaliaq apeqqutiliunngilaq.

5. Suliassaqarfik 20 - 24 Aningaasaqarnermut Naalakkersuisoq

5.1 Suliassaqarfik 20 – 24

Covid-19 pillugu suliaq suliassaqarfimmut matumunnga aningaasatigut qanoq sunniuteqarsimava?

Akissut:

AIS2021-mut tunngatillugu pingajussaaneerinninnermut atatillugu isertitassatut missingiutitut allannguutissatut siunnersuummik saqqummiussisoqassaaq. Akileraarutit akitsuutillu AI2020-mi tunngavissaatinneqartunut naapertuutissangatinneqarput, aalisarnermilu pisuussutinik iluaquteqarnermi akitsuut AI2020-mit appasinnerussasoq missingerneqarluni. Ataatsimiititaliaq ulloq 8. november siunnersuisoqatigiinnermi kontoni pingaarnerni annertussutsit pillugit ilisimatinneqarpoq.

5.2 Konto pingaarneq 20.01.08 Eqqartuussisutigoortitsiner mut aningaasaliissutit, eqqartuussivimmi suliat, Aningaasaqarnermut Naalakkersuisoqarfik aamma Akileraartarnermut Aqutsisoqarfik

- a) Eqqartuussisutigoortitsinissamut aningaasanik immikkoortitsisoqarsimangilaq. Taakku Aningaasaqarnermut Akileraartarnermullu Ataatsimiititaliamit akuersissutigineqaratik konto pingaarneq aqutugalugu akilerneqarsinnaasut oqaasertaliussami oqaatigineqarpoq. Taamatut periuseqarnermut suna pissutaava?

Akissut:

Oqaasertaliussaq pineqartoq ukiut siuliini aningaasanut inatsisinit ingerlaqqittuuvoq. Aningaasaqarnermut Akileraartarnermullu Ataatsimiititaliaq akuersiseqqaarnagu 2,5 mio. kr.-nik killilerneqartut avataasigut aningaasanik atuisoqarsinnaanngitsoq oqaasertani aalajangersarneqarpoq. Aalajangersakkakkut Naalakkersuisut pisariaqalerfiani Namminersorlutik Oqartussat soqutigisaannik isumannaarinissamut periarfissinneqarput. Matumani aaqqissuussineq naapertuuttupilussuaq, Kalaallit Nunaanni Namminersorlutik Oqartussat inatsisitigut soqutigisaasa naapertuuttumik isumaginneqarneranik pisinnaanngortitsisoq pineqarpoq.

5.3 Konto pingaarneq 20.10.25 Ineqarnermut taarsigassarsiat akilerneqarneri

- a) Taarsigassarsiat piffissaq sioqqullugu akilerneqanngippata akiliutigineqartut aningaasartaat qanoq agguataarneqarsimasussatut naatsorsuutigineqarpat? Inatsisip atuutilernerata kingorna ukiuni siullerni taarsigassarsianik piffissaq sioqqullugu akiliisoqarsinnaanera annertunerpaajussasoq naatsorsuutigineqarpoq. Oqaasertaq taanna AIS2020-mit assiliinnagaarpasippoq kiisalu piffissaq sioqqullugu akiliinerit taakku ukiuni 2021-2023-mi katillugit 20 mio. kr.-nik isertitsissutaassapput, taamaalillunilu taarsigassarsiat taamaattut ikittuinnangussallutik, tamanna eqqorpa?

Akissut:

Konto pingaarneq manna pillugu aappassaaneerinninnermut atatillugu allannguutissatut siunnersuummik saqqummiussisoqarpoq, tassani

missingersuutitut tapiliussanut oqaasertat missingersuutillu, ukiut siuliini naatsorsuutitigut naammassisanut 2020-milu ulloq manna tikillugu naammassisanut nalimmassarneqarput. Tassani missingersuutip ukiuni missingersuusiorfiusuni taarsigassarsiat ikiliartuinnarnerat pissutigalugu annikillilerneqarput. Taarsigassarsiat utertinneqarfissaat Namminersorlutik Oqartussat naatsorsuuserinermi atortorissaartuaanni takuneqarsinnaannginnerat pissutigalugu, taarsigassarsiat qanoq amerlatigisut taarserneqartussanngorsimanerat paasissutissiissutigineqarsinnaanngilaq. Immikkoortoq 2020-mi DcR-imit IAN-imut nuunneqarpoq, tassanilu tamatumarpiap paasinarsinneqarnissaa pissutigalugu saliineq aallartinneqarpoq.

5.4 Konto pingaarneq 20.11.51 Aaqqissusseqqinnerit sunniutaat

a) Ingerlatseqatigiiffiit akileraarutaannik appaaneq ukiuni missingersuusiorfinni tamani assigiimmik sunniuteqassava?

Akissut:

Aap. Taakkununga nalornissutit annertuujutinneqarmata sunniuteqaatit taaneqartut ivertissuunneqanngillat.

b) Akiliisiteriaatsip Ilanngaassiviup 1.1.2022-mi atuutilernerata ukiuni 2022-2024-mi assigiimmik sunniuteqarnissaa tagginneqarpoq, tamanna piviusorsiorpa?

Akissut:

Ilanngaassivik maanna sanarfineqarpoq siusinnerusukkullu oqaatigineqartut atortorissaarut 2022-mi atulissasoq ilimagineqarpoq. Taamaamat atortorissaarutissap iluaqutissartai maannakkuugallartoq missingiussaapput. Atortorissaarut akiliiffiit ataasiakkarlugit atulersikkiartussangatinneqarpoq, soorlu assersuutigalugu, ineqarnermut akiliutinut, kingorna akilersuutitut allanut siammarneqarluni.

5.5 Konto pingaarneq 20.11.56 Missingersuutitik iluarsineq, allaffissorneq

a) Pisariillisaanerit sipaarutillu anguniarnerat arriippoq aammalu qarasaasiatigut aaq-qissuussinernut suleqatigiilluanningsunut aningaasat atorneqartut amerlapput. Ukiut sisamat ingerlaneranni 20 mio. kr.-it missaaat sipaarutigineqarnissaat missin-gersuutigineqarpoq. Matumani sipaarutissat amerlanerit nassaarineqarsinnaappat?

Akissut:

Qarasaasiatigut ataatsimoortumik atortorissaarutit atulersinneqarnerisigut missingersuutitigut kinguneqaatit, sunniutissanut piviusorsiorpuusut Naalakkersuisut naliliutigaat. Digitalinngorsaanerup annertuup malitsigisaanik ungasinnerusoq isigalugu pisariillisaanerit suliariaatsinillu pitsannguinerit malitsigisaannik sunniutit annertusiartornissaat ilimagineqartariaqarpoq. Digitalinngorsaanerimili sipaarutit suliniutit aallartinneranni ilimagineqartunit sivilisnerusumik piviusunngoriartortartut paasinarsivoq.

5.6 Konto pingaarneq 24.11.12 Raajanut akitsuutit

a) 2019-imi piviusunnngortinneqartunut 264 mio. kr.-usunut saniliullugu 278,6 mio. kr.-inut malunnaatilimmik qaffariarneruvoq. Covid19-illi sunniutaa pillugu 2021-mi 20 mio. kr.-inik appaasoqarluni. Ukiut missingersuusiorfiit tulliit pingasut ukiumut 20 mio. kr.-iunerat qanoq piviusorsiorfigaa?

Akissut:

Naalackersuisut isertitanut missingiussat nutaat innersuussutigaat, tak. ulloq 8. november 2020 siunnersiueqatigiinneq.

b) Raajat Svalbardip Barentsillu imartaanni pisarineqartut akitsuutaasa immikkut procenteqartinneqarnissaannik oqaasertaliussa. Taanna qanoq aqutsivigineqartussatut eqqarsaatigineqarpa?

Akissut:

Svalbardimi Barentillu imartaanni raajanut akitsuut 2020-mi immikkut aalajangersaavigineqarpoq, taamatullu aaqqissuussinerup 2021-mi nangingneqarnissaa siunertaavoq. Immikkut akitsuummik procentiliineq Svalbardimi Barentillu imartaanni raajat tunineqartut agguaqatigiissillugu akii, ingerlatseqatigiiffiit akitsuummik akiliinerminnut atatillugu Akileraartarnermut Aqutsisoqarfimmut tunniunissaannut pisussaaffigisaat, tunuliaqutarlugit aalajangersarneqartarpoq.

5.7 Konto pingaarneq 24.11.25/24.11.26 Qaleralinnut akitsuut aamma aalisakkanut ikerinnarsortunut akitsuut

a) Kontomut ataatsimut ukiuni missingersuusiorfiusuni ukiumut isertitat 4 mio. kr.-it missaannik amerleriassapput. Tamatumunnga tunuliaqutitut paasissutissat nutaat qanoq ippat?

b) Covid-19 pissutigalugu taaneqartunik 4 mio. kr.-inik ikililerisoqartoq missinger-suutitut ilanngussami allassimavoq. Kisitsit taanna qanoq pissarsiarineqarpa?

a-mut b-mullu akissut:

Naalackersuisut isertitanut missingiussat nutaat innersuussutigaat, tak. ulloq 8. november 2020 siunnersiueqatigiinneq.

c) Aalisarnermut tunngasuni akitsuutit pillugit Naalackersuisut qanoq anguniagaqarpat (politikeqarpat)?

Akissut:

Immikkoortumut politiki allanngunngilaq. Kalaallit Nunaat nunat tamat akornanni nutaaliaasumik, inuussutissarsiorlut ingerlalluarneranni annertunerusumik iluanaarutissiisartumik – akerlianillu inuussutissasiortunut atugassarititat pitsaanngitsuuneranni annikinnerusumik iluanaarfiusumik pisuussutininik iluaquteqarnermi akitsuusersueriaaseqarpoq.

d) Akitsuutit ukiuni aggersuni qaffariarnissaannik missingersuuteqarnermut tunngavissaqarpa?

Akissut:

Naalakkersuisut isertitanut missingiussat nutaat innersuussutigaat, tak. ulloq 8. november 2020 siunnersiueqatigiinneq.

Suliassaqarfik 27, Nunanut Allanut Nukissiuuteqarnermullu Naalakkersuisoq

6.1 Hovedkonto 27.01.02 Grønlands repræsentation i Bruxelles

- a) Bruxellesimi Sinniisoqarfiup suliassanik pingaarutilinnik amerlasuunik isumaginnittartup nukittorsarneqarnissaanut iliuutsit suut piariaqartutut Naalakkersuisunit isigineqarpat?

Akissut:

Bruxellesimi Kalaallit Nunaata sinniisoqarfia sulisumik (piffimmi najugaqartumik) EU-mi aningaasaliissutinik nutaanik, Kalaallillu Nunaannut EU-mik isumaqatigiissutit piusut malillugit aningaasaliissutaanik pissiarsiniartussamik atorfinitsitsiniarnermik suliaqarpoq.

Suliassat taakku nutaajupput, atorfinitsitsinikkullu suliassanik sinniisoqarfimmi sulisooreersut isumagineqartunik oqilisaassisuussanngilaq.

Tuluit Kunngaqarfissuata UK-p EU-mit ilaasortaajunnaarneratigut sinniisoqarfimmi suliassat amerlissallutillu nutaanik suliassaartoqalernissaa naatsorsuutigineqarpoq.

UK-p imarpik akimorlugu nunatai immikkoortuulu (OLT-t) imarpiup akiani kattuffimmit OCTA-mit anissapput. OLT-t ikinnerusut OCTA-mi inuttaliinissaat tamatuma nassatarissavaa. Kalaallit Nunaata Sinniisoqarfiata, Kalaallit Nunaata ilaasortaanerani siunissami OCTA-mut tunngasunik suliassat amerlanerusut isumagisalisagat tamatuma nassataraa.

UK-mut attaveqarnerup isumagineqarnera pillugu apeqqut suli paasinarsisinneqanngilaq. Isumaginninneq Nuummit ingerlanneqassappat, tamanna sinniisoqarfimmut suliakkersuutaassanngilaq. UK-mut attaveqarneq Bruxellesimi sinniisoqarfimmit isumagineqassappat, tamanna sulisut aallartitat amerlineqarnissaanik naliliinissamik pissutissaqartitsilissaaq. Pineqartoq aamma EU-mut tunngasunik sulianik suleqatigiinnermilu kalluarneqartunik suliaqassaaq, taakkulu isumagisassarpasuppupput. Periarfissaq alla tassaavoq UK-mi sinniisoqarfimmik ammaaneq.

Aallaqqaammut piffimmi najugaqartumik atorfinitsitsineq piviusunngortinneqassaaq, suliniutinillu allanik aallartitsisoqartinnagu sunniutaa nalilersorneqqaassaaq.

- b) Aningaasaliunneqartut amerlineqarsinnaanerannut pisariaqartitsisoqarsinnaanera Naalakkersuisunit qanoq isumaqarfigineqarpa?

Akissut:

Pissutsit maannatut itsillugit allaffissornermi siammasissumi aningaasartuutunik qaffaanissamik siunnersuuteqarnissamik Naalakkersuisut annertuumik tunuarsimaarput. Taamatut annertuliineq aamma Aningaasaqarnermut Akileraartarnermullu Ataatsimiititaliap sipaggarissuunissamik nammineerluni oqariartuutaanut akerliussapput.

6.2 Konto pingaarneq 27.01.09 Kalaallit Nunaata Washington D.C-mi Sinniisoqarfia

a) Thule Air Base pillugu ataatsimiinnernut isumaqatigiinniarnernullu atatillugu anga-lanerit aningaasalersorneqarnissaannut aningaasaliissutit 2021-mit 150.000,- kr.-inik amerlineqarput. Aningaasaliissutit amerleriarnernannut pissutaasutuaq tassaava Thule Basemi US Air Forcemik sullissinissamik, ingerlatsinissamik aserfallatsaaliinissamillu isumaqatigiissutip danskit suliffeqarfiutaannut Greenland Contractorsimut utertinnissaa?

Akissut:

Kalaallit Nunaata, Danmarkip USA-llu akornanni sullissinissamik isumaqatigiissutip tullianik suliariumannittussarsiuunnissaani suut tunngavigineqarnissaat pillugu isumaqatigiissuteqartoqaqqammvoq, taannalu tamanut saqqummiunneqareerpoq. Pituffimmi sullissinissamik isumaqatigiissutip USA-mik sakkutooqarnikkut isumaqatigiissummi allassimasutut kalaallit-qallunaat suliffeqarfiannut isumagisassanngortinneqarnissaa annertunerpaamillu Kalaallit Nunaannut inuiaqatigiinnullu kalaallinut iluaqutsiinissaa siunertaavoq. Taamaattoq suli U.S. Air Force tunngavissatut isumaqatigiissutigisat toqqammavigalugit sullissinissamik isumaqatigiissummik isumaginnittussamik toqqaasussaassaaq. Kalaallit Nunaata Washington D.C.-mi sinniisoqarfia qanorluunniit aalajangertoqaraluarnernani suli Permanent Committeemi ataatsimiinnerni isumaqatiginninniarnernilu peqataasarnera oqaatigineqassaaq, tassani Thule Air Basimut attuumasut ilanngullugit. USA-mik suleqatigiinneq suli annertusiartortoq angalanernik ataatsimiinnernillu amerlanerusunik malitseqassaaq.

b) Taamaassimappat aningaasartuutaanerusut danskit naalagaaffiannit matussuserneqartariaqanngillat?

Akissut:

Naalakkersuisut kalaallit soqutigisaannik isumaginnittuupput.

c) Kalaallit sinniisoqarfiisa sulisunit kalaallinit sullissiffigineqarnerat aammalu kalaallit inuussutissarsiornikkut soqutigisaannik sullissinissaat Naalakkersuisunit qanoq qulakkeerneqartarpa?

Akissut:

Tamanna piginnaasaqarluartunik ilinniarsimalluartunillu sulisunik eqqortunik piginnaasalinnik atorfinittinneqarsinnaasunik pigisaqarnikkut pitsaanerpaamik isumannaarneqarsinnaavoq. Kalaallit sinniisoqarfii kalaallinit aallartitanit inuttalerneqartarput, taakkulu kalaallit inuussutissarsiornikkut soqutigisaannik siuarsaanissaq suliassaannut ilaapput.

d) Kinami sinniisoqarfissap aningaasanut inatsimmut sulilannunneqannginneranut suna pissutaava?

Akissut:

AIS2021-p saqqummiunneqarnerata nalaani pilersitsinissamik sulilannunneqanngilaq. Soorlu Aningaasaqarnermut Akileraartarnermullu Ataatsimiititaliap ilisimaarissagaa, tamanna aatsaat Inatsisartut immikkoortumik UKA2020/201 ulloq 4. november 2020 akuersineranni pivoq. Pingajussaaneerinninnermi aalajangiunneqartumut naapertuuttumik allannguutissatut siunnersuummik saqqummiussisoqassaaq.

6.3 Konto pingaarneq 27.90.02 Nukissiorfiit

a) Biilit ilanngullugit angallassissutit nunakkoortit aammalu immakkut angallatit qassit Nukissiorfinnit pigineqarpat aammalu taakku pisiarineri ingerlanneqarnerilu qanoq akeqarpat?

Akissut:

Nukissiorfiit immakkut angallatit ilanngullugit 256-inik nunakkut angallassissutaateqarpat. Taakkunanga Pickupit nioqutissanillu angallassissutit 100-t, imermik assartuutit/lastbiilit 23-t, qamuteralaat 55-it, knallertit 6, entreprenørmaskiinat 33-t, ATV-t 26-t kiisalu angallatit umiatsiallu 13-t. Angallassissutit pisiarineqarneranni akii 78 mio. kr.-t missaanniipput. 2019-imi angallassissutinut aningaasartuutit 11,3 mio. kr-upput, tassani nalikilliliinerit sillimatinullu aningaasartuutit ilanngullugit.

b) Pisiarisat illoqarfinnut agguataarlugit qanoq isikkoqarpat?

Akissut:

Sted	Pickups/varevogne	Vandvogne/lastbiler	Snescooter	Knallert	Entreprenørmateriel	ATV	Båd/joller	I alt
HOVEDKONTORET	1	-	-	-	-	-	-	1
EL MYNDIGHED	1	-	-	-	-	-	-	1
NANORTALIK	4	1	1	-	2	1	-	9
Alluitsup Paa	-	-	-	-	1	-	-	1
QAQORTOQ	6	1	4	-	4	1	1	17
Eqalugaarsuit	-	-	-	-	1	-	-	1
NARSAQ	4	-	1	-	1	1	-	7
Igaliku	1	-	-	-	-	-	-	1
PAAMIUT	7	1	2	-	1	1	-	12
Arsuk	-	-	1	-	1	2	-	4
NUUK	15	1	2	-	5	-	1	24
Qeqertarsuatsiaat	-	-	-	-	-	1	-	1
Kapisillit	-	-	-	-	-	1	-	1
MANIISOQ	7	-	3	1	-	-	-	11
Atammik	-	-	-	-	-	1	-	1
Kangaamiut	-	-	-	-	-	1	-	1
SISIMIUT	10	3	5	3	2	-	2	25
Sarfannuit	-	-	1	-	-	-	-	1
KANGAATSIAQ	1	-	2	-	-	-	-	3
AASIAAT	6	1	4	-	1	-	1	13
QASIGIANNGUIT	3	2	1	-	1	-	1	8
Ikamiut	-	-	-	-	-	2	-	2
ILULISSAT	13	3	5	2	3	5	1	32
QEERTARSUAQ	5	2	2	-	1	1	-	11
UUMMANNAQ	4	2	4	-	1	1	1	13
UPERNAVIK	3	3	1	-	1	1	1	10
Tasiusaq	-	-	1	-	-	-	-	1
Nuussuaq	-	-	1	-	-	-	-	1
Kullorsuaq	-	-	1	-	-	-	-	1
QAANAAQ	4	2	2	-	3	-	1	12
Savissivik	-	-	-	-	1	-	-	1
TASIILAQ	5	-	2	-	-	2	3	12
Kulusuk	-	-	1	-	-	-	-	1
Kuummiut	-	-	1	-	-	1	-	2
ITTOQQORTOORMIIT	-	1	7	-	3	3	-	14
I alt	100	23	55	6	33	26	13	256

c) Kisitsit taakku assingi assersuutigalugu Mittarfeqarfinnut Asiamullu tunngasut qanoq isikkoqarpat?

Akissut:

Mittarfeqarfiit 328-nik qamutunik motorilinnik peqarput, maskiinat sulinermit atortut, biilit qatserissutit, busit, gaffeltruckit, knallertit, lastbiilit, biilit inunnik assartuutit, kalittakkat, aputaajaatit, qamuteralaat, orsiissutit, tankit kalittakkat, trailerit, traktorit, imermik assartuutit nioqutissanillu assartuutit.

Mittarfeqarfiit aqqaneq marlunnik imaatigut angallateqarput, taakku inatsisit naapertorlugit angallataapput annanniutik pullattakkanik annianniutillit.

Mittarfeqarfiit 2019-mi nunami angallassissutinut immakkullu angallatinut kingoraartissanut 4.714.342 kr-it atorpaat.

Mittarfeqarfiit 2019-mi nunami angallassissutinik immakkullu angallatinik iluarsartuussinermut aserfallatsaaliinermullu 2.443.835 kr-it atorpaat.

Asiap marlunnik biileqarlutik oqaatigaa, aappaa qanganisaaneruvoq. Umiatsiamittaaq anginerusumik peqarput, pullattakkanillu 9 imaatigut angallateqarlutik.

Asiaq ima paasissutissiivoq:

Biilit:

- GL12742 VW Transporter, købt 2018 pisiarinqartoq. 415.000
- GR60914 Mitsubishi L-200, sep. 2011 pisiarinqartoq kr. 230.000 (naleerunnikuvoq, ukiut 2-t ilusni taarserneqassaaq)

Både:

(Gummibåd 1) , kr. 7.000	Mariner, 15 hk, 2-takts LMG kr. 13.000		
(Gummibåd 2) , kr. 7.000	Elmotor RHINO R-VX54, 12V kr. 2.500		
(Gummibåd 3) , kr. 7.000	Suzuki 2,5 HK L&G kr. 5.000 (Byttes rundt til andre både)		
(Gummibåd 4) , kr. 27.000	Glasfiberfront kr. 8.000, Påhængsmotor Suzuki DT15AL kr. 12.80		
(Gummibåd 5) , kr. 5.500	Singlebeam Seafloor kr. 45.000 pr. stk.		
(Gummibåd 6) , kr. 7.000	Singlebeam Reson kr. 33.000		
(Gummibåd 7) , kr. 7.000	Sontek Hydroboard kr. 421.263,68		
(Gummibåd 8) kr. 5.500	Qliner Portable discharge measurement kr. 160.388		
(Gummibåd 9) kr. 5.500	Intet udstyr specifikt til denne – deler med de øvrige ovenfor		
Aluminium Lan kr. 182.000	Honda BF 50 – stelnr.:		
MOPA – (Købt juni 2019)	BBEJ-1310045		
CE: DKMOPA4007E919	Trailer - special bygget		
Længde=5m, Bredde=2,1m	Kaleche agter, styrepulte		
	Stole med fjedre		
	Dæmperhus,		
	Hydraulik styring		

d) Ingerlatsinermit aningaasaliissutit tamakku taarsiullugu suliffeqarfinit namminersortunit attartornikkut atorreqarsinnaanerit, taamaalillunilu taakku inuiaqatigiinnut iluaqutaasumik pitsaanerpaamik atorreqarsinnaanerit, Naalakkersuisunit isumaliutigineqarsimava?

Akissut:

Ingerlatsinermit atortunik attartorneq nalinginnaasumik pisinermit akisunerusoq Naalakkersuisut isumaqarput. Tamatumali suliffeqarfinit namminersortitani taaneqartuni, piffinni naapertuuffiatigut ingerlatsinermit ataatsimoorussisoqarsinnaanera soorunami ajornarsitinnigilaa.

e) Atortulersuutit taamaattunik attartornissamut periarfissap Namminersorlutik Oqartussat ataanni suliffeqarfinit atuutsinneqalersinnaanera Naalakkersuisunit isumaliutigineqarsimava?

Akissut:

Siuliani apeqqutip d-p akissutaa innersuussutigineqarpoq.

f) Pigisat siuliani taaneqartut inuinnarnit atorneqannginnissaat Naalakkersuisunit qulakkeerniarneqarsimava? Taamaassimappat politik qanoq ittoq peqqussutigineqarsimava?

Akissut:

Nukissiorfiit allakkanik peqqussuteqarput, Nukissiorfiit biilissa sumut atorneqarsinnaanerannik, kikkut biilini atuisinnaanerannik nassuiaasunik. Biilit suliffimmut tunnganngitsumik atorneqartillugit akileraaruseriffimmut tamanna nalunaarutigineqartarpoq.

Mittarfeqarfiit biiliutiminnik atuinnermut politikeqarput. Tassani biilit angerlaanneqartarnerat pisortanit akuerineqarnermik tunuliaqutaqarluni pisartoq, pineqartorlu tamanna pillugu malittarisassat atuuttut naapertorlugit akileraarusiivigineqartartoq atuarneqarsinnaavoq.

g) Inissianut kiassanernut pumpinik ikkussuinerup Nukissiorfinnit akuerineqartariaqarneranut suna tunuliaqutaava?

Akissut:

Silaannarmik kiassaait kiassarneq qamittagaq naapertorlugu innaallagissamik atuineri akilersorneqassatillugit, silaannarmik kiassaammik ikkussinissamut akuersissummik Nukissiorfinnut qinnuteqartoqassaaq. Silaannarmik kiassaammut innaallagissamut nalinginnaasumik akilersuisoqassatillugu, ikkussinissamut qinnuteqartoqassanngilaq.

6.4 Konto pingaarneq 27.90.04 Nukissiorfiit, erniat.

a) Nukissiorfiit sanaartornermut Namminersorlutik Oqartussanut akiitsuusa taama annertutigiinnarnissaat Naalakkersuisunit naapertuuttut isigineqarpa?

Akissut:

Konto pingaarneq pineqartoq suliffeqarfiup namminersortitap Nukissiorfiit aningaasaliinerminik ingerlatsinermini nunatta karsianit taarsigassarsiaanik takutitsivoq. Atuisut soorlu innaallagissamik, imermik kiassarnermillu pilersuinnermut Nukissiorfiit sullissineranut akiliinermik kut aningaasartuutini matussusiisamerat pissusissamisuuginnarpoq.

b) Sanaartornermut taarsigassarsisarnermik aqqissuussineq kimit aningaasatigut iluaqutissarsiffigineqartarpa, iluaqutissarsisarnerlu taanna aningaasaqarnikkut qanoq annertussuseqarpa?

Akissut:

Matumunnga atatillugu Namminersorlutik Oqartussanut Nukissiorfinnulluunniit aningaasatigut iluaqutisiineq atussallugu eqqortuunngilaq. Nukissiorfiit namminersortitaavoq, taamaattumillu nunatta karsia Nukissiorfiit sinnerlugit pisariaqarfiatigut taarsigassarsissussisarnissaa pisaqariaqarluni. Taamatut aqqissuussineq ukiuni arlalinni naapertuuttumik ingerlareerpoq.

Namminersorlutik Oqartussat aallaavittut Nukissiorfinnit
avissaartinneqarsimasumit appasinnerusumik ernialinnik
taarsigassarsisinnaassuseqarpoq. Tamannalu atuisunut iluaqutsiivoq.

c) Niuerfinni atugassarititaasut nalinginnaasut atorlugit nutamik
taarsigassarsisitsineq Mittarfeqarfiit Namminersorlutillu Oqartussat akornanni
akiligassarineqartunut qanoq kinguneqassava?

Svar:

Siuliani apeqqut b-mut akissut takuuk.

d) Sanaartukkat matumani suut pineqarpat?

Akissut:

Nukissiorfiit taarsigassarsianut pineqartunut sanaartukkanik aalajangersimasunik
qularnaveeqqusiissuteqanngillat. Taamaammat apeqqut akineqarsinnaanngilaq.

7. Suliassaqarfik 30 - Isumaginninnermut, Ilaqutariinnermut Inatsisinillu Atuutsitsinnermut Naalakkersuisoq

7.1 Konto pingaarneq 30.10.37 Nuna tamakkerlugu meeqqanut inuusuttunullu angerlarsimaffiit

a) Aningaasanik atuinerup sunniutaasa uuttortarneqarnissaat pisariaqartinneqartoq Naalakkersuisut isumaqarpat?

Akissut:

Ulloq unnuarlu angerlarsimaffinni pitsaassutsip ingerlaavartumik nalilersorneqartassasoq Naalakkersuisut isumaqarput.

Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat nr. 1, 25. januaari 2019-imeersumi pitsaassutsimut uuttuutit suut nalilersuinermi atorneqarnissaat nassuiarneqarpoq. Nakkutilliisut ingerlaavartumik ulloq unnuarlu angerlarsimaffinnut tamanut takuniaallutik nalilersuutissat taakku naapertorlugit nalilersuinerneq ingerlatsippat.

b) Meeqqat amerlanerusut angerlarsimaffinnut inissinneqarpata aningaasaliissutitigut qanoq pisoqassava?

Akissut:

Ulloq unnuarlu akigitinneqartoq nikinngilaq, taamaammat aningaasaliinerneq sinaakkutit annertoqqataanik qaffariarput.

c) Aningaasaliissutinut aningaasalersuutit, tassungalu ilanngullugu kommunit tapeeqataassutaasa 2019-imit 172 mio. kr.-init AIS2021-mi 200 mio. kr.-inut amerleriarnersa, itisilerneqarnissaat ataatsimiititaliamit kissaatigineqarpoq.

Akissut:

Qaffariaat inissat 32-nik amerlineqarsimanerannik patsiseqarpoq.

d) Suliassami kisitsisissatut naatsorsuutigisani inissat amerlassusissaattut 2019-imi N-imi naatsorsuutit kisitsisitaat takussutissiami qupperneq 218-imiittut (kalaallisuuani) missingersuutigisanut naapertuuppat.

Akissut:

2019-mi inissattut missingiunneqartut 168-iupput, tak. AI2019. 2019-mi inissaviit 182-iupput, tamatumalu amerlavallaartunik ineqartitsisoqarnera nassataraa, tak. AIS2021.

7.2 Konto pingaarneq 30.10.49 Sumiginnaasarneq akiorniarlugu isumaginninnikkut suliniutit

a) Aningaasaliissutit sooq 0 kr.-itut nalunaarneqarsimappat?

Akissut:

Konto pingaarnermut nassuiaatit takukkit, tassani ima allassimasoqarpoq:
“... Naalackersuisut aningaasaliissutit atorluarneqarnerunissaat
qulakkeerniarlugu ukiut aningaasaliiviusut akornanni aningaasanik
nuussinissaminnut tunngavissinneqarnissaat.

IA-suliaq nr. 19-858-imi "Angajoqqaat qitornaminnik sumiginnaasarnerat
akiorniarlugu nuna tamakkerlugu Iliuusissanut pilersaarutip
piviusunngortinnissaanut aningaasanik immikkoortitsisoqarnissaa pillugu
ilassutitut aningaasaliissuteqarnissamik qinnuteqaat", kontup pingaarnerp,
30.10.49 Sumiginnaasarneq akiorniarlugu isumaginninnikkut suliniutit, 20 mio.
kr.-nik aningaasaliissuteqarfigalugu pilersinneqarnera Aningaasaqarnermut
Akileraartarnermullu Ataatsimiititaliap ullormi 18. december 2019-imi akueraa.
20 mio. kr.- nik aningaasaliissutit IA-suliami oqaasertaliussat akuerineqartut
naapertorlugit 2020-mi atugassanngorlugit nuunneqarput. Tamatuma kingorna
2020-mi IA-suliaq nr. 20-884-imi oqaasertaliussat akuerineqarput, taamaalillutik
2020-mi aningaasat atunngitsuukkat siunertamut 2021-imi atugassanngorlugit
nuunneqarsinnaalerlutik.”

b) Ukiut sisamat ingerlaneranni atorneqartussatut 80 mio. kr.-inik
aningaasaliisoqarsimasoq danskit 2020-mut aningaasanut inatsisaanni
paasissutissiisutigineqarpoq. Aningaasat taakku konto pingaarnermut uunga
ilanngunneqarlutillu atugassiisutigineqarnissaat siunertaava, taakkulu qanoq
atorneqassappat?

Akissut:
Naamik

c) Aningaasaliissutini meeqqap qitiutinneqarnissaa ataatsimiititaliamit
pingaartutut isigineqarpoq. Kiisalu ataatsimiititaliap paasinninnera malillugu
angerlarsimaffiit ilaat suliassanik isumaginninnissaminnut sakkussanik
pisariaqartunik amigaateqarput. Taamaattumillu taamaaliortoqareersimanngippat
suliniutit iliuuserineqartut sunniutaannik suliaqartoqassasoq ataatsimiititaliamit
inassutigineqarpoq. Naalackersuisut oqaaseqaateqarnissaat ataatsimiititaliamit
qinnutigineqarpoq.

Akissut:
Ulloq unnuarlu angerlarsimaffiit meeqqat ataasiakkaat unammillernartitaannut
piginnaasanik amigaateqartarnerat misigineqartarpoq. Taamaammatt sulisut
piginnaanngorsarnissaat annertuumik sammineqarpoq, taamaaliornikkut meeqqat
eqqortumik passunneqarnissaasa qulakkeernissaannut piginnaasat eqqortut
isumannaarneqarsinnaaqullugit.

Maanna meeqqanut inuussuttunullu ulloq unnuarlu angerlarsimaffiit
akuerineqarnissaannik suliat ingerlaleruttorput. Akuersisarnermut periuseq ulloq
unnuarlu angerlarsimaffiit saaffiginniffiitut, periusiitut, piginnaasaannut
suliniutaannullu ersarinnerulersitsissaaq. Ilisimasaq meeqqap pisariaqartitai
naammassiniarlugit piginnaanngorsagassat suut pisariaqartinneqarnerannik
paasissutissiissaaq.

Isumaginninnermut immikkoortoq akimorlugu meeqqanut pitsaanerpaatitsineq qitiutillugu suliniutit arlallit ingerlanneqarput.

Suliniutit ingerlatallu arlallit kalaallit qallunaallu akimuisumik sulineq nukittorsarniarlugu Kalaallit Nunaanni meeqqanik inuusuttunillu ulorianartorsiortunik kiisalu angajoqqaat meeqqaminnik sumiginnaanerat pillugu nuna tamakkerlugu Naalakkersuisut iliuusissatut pilersaarutaat 2020-2030 ataanni ingerlanneqarput.

Periusissiat taakku siuariartorerat isumaginninnermi immikkoortoq akimorlugu uuttorneqartarpoq. Tamatuma saniatigut suliniutinut suliassanullu ataasiakkaanut immikkut anguniagassaqarpoq.

Kalaallit qallunaallu Kalaallit Nunaanni meeqqanut inuusuttunullu ulorianartorsiortunut suliniutit nukittorsarniarlugit akimuisumik sulineranni suliniutinik atulersitsinnermi nalilersuinnerut pingaarnertut toqqammaviit makkuupput:

- Nalunaaruteqartarnerit amerlassusaasa ineriartorerat
- Kommunit ingerlatsiviini meeqqanik inuusuttunillu ulorianartorsiortunik suliat suliarineqanngitsut amerlassusaasa killiffii
- Meeqqat inuusuttullu kinguaassiutitigut kannguttaatsuliorfigineqarsimasut katsorsarneqarnissamut periarfissaat
- Persuttaanerit, angerlarsimaffinni eqqissiviilliornerit kiisalu kinguaassiutitigut atonerluinerit/kannguttaatsuliornerit pillugit nalunaarutiginninnerit amerlassusaat
- Inissiat amerlassusaasa ineriartorerat
- Meeqqat inuusuttullu imminnut toquttartut amerlassusaat.

2030-p tungaanut angajoqqaat meeqqaminnik sumiginnaanerat pillugu nuna tamakkerlugu Naalakkersuisut iliuusissatut pilersaarutaat paasisutissiivinnik pioreersut aallaavigalugit sunniuteqaatinik arlalinnik qulakkeerinnissaaq.

d) Ataatsimiititaliap paasinninnera malillugu ulloq unnuarlu angerlarsimaffinnut namminersortunut qaammammut aningaasarpassuarnik atuisoqartarpoq. Nalunaarut nutaaq aaqjissuussaannermik atonerluisoqarneranik nassataqarsimasoq Naalakkersuisut misigisimappat, tamatumani ulloq unnuarlu angerlarsimaffinnut imminut pigisunut akisunaarlugit attartortitsinissaq siunertaralugu namminersortut illusisarlutik?

Akissut:

Erseqqissuutitsinissaq pillugu ulloq unnuarlu angerlarsimaffiit imminut pigisut konto 30.10.49 sumiginnaasarneq akiorniarlugu isumaginninnikkut suliniutit ilaatinneqannginnerat erseqqissaatigineqassaaq.

Nalunaarut nutaaq aaqjissuussinnermik atonerluinnermik nassataqarneranik malussartoqanngilaq. Akerlianik nalunaarut nutaaq missingersuutit imarisaannik misissuisinnaannermik periarfissiivoq, tassani ulloq unnuarlu angerlarsimaffiit

inissisimaffiani inissianik attartornermut akit qaffasissusaat ilanngullugit. Meeqqanut ulloq unnuarlu paaqqinniffinnik pilersitsineq ingerlatsinerlu pillugit **Namminersorlutik Oqartussat** nalunaarutaat nr. 1, ulloq 25. januar 2019-meersumi § 39-mi ima allassimasoqarpoq:

”Ulloq unnuarlu paaqqinniffiup imminut pigisup missingersuutaa ulloq unnuarlu paaqqinniffimmi pitsaassutsip pisariaqartinneqartup qulakkeerneqarnissaanut naapertuutissaaq, aamma aki pitsaassuserlu naammaginartumik ataqatigiissapput kiisalu maleruagassat allat malinneqarlutik.

Imm. 2. Illuutinik aalaakkaasunik attartornermut akiliutinut aningaasartuutit, illut pisiarinearnerinut aningaasartuutinut naleqqiullugu, illuutinik attartornermi aningaasartuutinit naleqquttunit annerussanngillat.”

Piginnittut ulloq unnuarlu angerlarsimaffinnut attartortitsisarnerannik suliffeqarfimmik aaqjissuineq, aningaaseriviit ulloq unnuarlu angerlarsimaffinnut taarsigassarsisitsinerannut atatillugu taarsigassarsisitsinerumut nalilersuinerannik patsiseqarpoq.

e) Ivaaraq Qaqortumiittoq tassanilu sullitat najugaqartut Naalakkersuisunit qanoq iliuuseqarfigineqalersaarpat?

Akissut:

Ivaqqap matuneqarnissaa pilersaarutaanngilaq, ullorli unnuarlu angerlarsimaffimmi najugaqartut illutanut naleqqussarnissaat, ullorlu unnuarlu angerlarsimaffiullu ingerlanneqarneranut sulisussanik pilerilersitsiniarnermi suut piviusorsioruunerannut nalimmassaasoqassaaq.

Ivaqqami najugaqartut annertuumik innarluuteqartuupput, taakkulu ataatsimoortumik naliliineq aallaavigalugu naapertuunnerusunik atortuuteqarnissaaq, immikkuullarinnersumik ikorfartorneqarnissaaq iluaqutigissavaat taamatullu sulisutigut piginnaasat Sisimiuni Gertrud Rasks Minde Pissassarsiullu inissisimaffigisaanni neqeroorutigineqarsinnaanerat nalilerneqarpoq.

Aningaasaqarnermut Akileraartarnermullu Ataatsimiititaliamut ilassutitut aningaasaliivigineqarnissamik qinnuteqaat nassiunneqarpoq, taannali akuerineqanngilaq. Aalajangerneq tamanna tusaatissatut tiguneqarpoq. Tamatuma kingorna Isumaginnermut Aqutsisoqarfik sinaakkutitigut sulisutigullu isumalluutit meeqqanut inuusuttunullu innarluutilinnut, Ivaqqami najugaqartunut naammassinneqqarsinnaasut iluanni pitsaanerpaamik aaqjissusiorniarluni suliniarpoq.

f) Ulloq unnuarlu meeqqanut inuusuttunullu angerlarsimaffinnik namminersortunik atuinerup ingerlaavartumik atorunnaarsikkiartuaarnissaa, tassungalu taarsiullugu pisortat ulloq unnuarlu angerlarsimaffiutaat ungasinnerusoq isigalugu akikinnerusutut nalilerneqartut atonerulernissaat Naalakkersuisunit isumaliutigineqartariaqarpoq. Ingerlatsinerup namminersortunit aammalu pisortanit ingerlanneqarnerani assigiinngissut ilimagineqartariaqarpoq tassaasoq namminersortutut ingerlatsisut iluanaar-

nissamik siunertaqarnerat, pisortalli sullitanik qitiutitsinissaat
naatsorsuutigineqarluni. Naalakkersuisut oqaaseqaateqarnissaat
ataatsimiititaliamit qinnutigineqarpoq.

Akissut:

Ulloq unnuarlu angerlarsimaffiit maanna amerlassusaat inissatigut
pisariaqartitanut takutitsisuupput.

Kommunit ulloq unnuarlu angerlarsimaffinnut inissiinissamik akuersisartuupput,
taamaalillutillu ulloq unnuarlu angerlarsimaffiup ullormut akigitittagaanik
akuersisuusarlutik. Kommuninit, namminersorlutik oqartussanit namminerlu
pigisunit ulloq unnuarlu angerlarsimaffinnit allaanerusumik agguataarinissaq
kommunit kisaatigigunikku, taava kommunit Namminersorlutilluunniit
Oqartussat siunertamut sanaartornermut aningasaliissutinik amerlanerusunik
immikkoortitsissapput.

Ulloq unnuarlu angerlarsimaffiit pisortanit pigineqartut kiisalu namminersortunit
pigineqartut angerlarsimaffiutiminni meeqqanik aallussisuusut Naalakkersuisut
naliliutigaat.

g) Nalunaarutit attuumassuteqartut ulloq unnuarlu angerlarsimaffinnit
malinneqarnerat Naalakkersuisunit qanoq qulakkeerneqarpa?

Akissut:

Isumaginninnermut, Ilaqutariinnut Inatsisinillu Atuutsitsinermut
Naalakkersuisoqarfimmi nakkutilliisoqarfik ulloq unnuarlu angerlarsimaffinnik
nammineq pigisunik ingerlaavartumik nakkutilliillutillu, taakku immikkoortumut
maleruagassanik atuuttunik eqqortitsinerannik nakkutilliisuupput.

h) Ataatsimiititaliap isumaa malillugu meeqqat ilaqutariittut avatangiisilimmi
ingerlalluartuni paarineqartariaqarput. Taamatut aaqqissuussineq suliaasaqarfinni
allani sipaaruteqarnermik nassataqassasoq ataatsimiititaliaq isumaqarpoq.
Naalakkersuisut oqaaseqaateqarnissaat ataatsimiititaliamit qinnutigineqarpoq.

Akissut:

Meeqqap aallaavittut ilaqutariinni avatangiiseqarnissaanik ataatsimiititaliap
isumaa Naalakkersuisut isumaqatigaat. Taamaamat kommunit aamma
isumaginninnikkut nalilersuinerit pisinnaatippassuk, meeqqamik ilaqutariinnut
inissiinissamik periarfissaqarput. Meeraqarporli ulloq unnuarlu
angerlarsimaffinnik taakku pisariaqartitaasa naammassineqarsinnaanerannik
qulakkeerinittunik peqarnissaanik pisariaqartitsisunik.

Kalaallit qallunaallu suleqatigiinnerisa, angajoqqaat sumiginnaasarnerat
akiorniarlugu Naalakkersuisut iliuusissatut pilersaarutaat, Naalakkersuisut
ilaqutariinnut politikiat Inuuneritta III-llu sunniutaasa, meeqqat akinnerusut
angerlarsimaffiit avataannut inissinneqartarnissaat, meeqqat atualertillutik
ilikkagaqarnissamut piareersimanissaat meeqqallu amerlanerusut
ilinniagaqalernissaat qulakkiissavaa. Tamakku tamarmik ikiorsiiniarluni
iliuserpassuarnut kommunit Namminersorlutillu Oqartussat meeqqamut

pitsaanerpaasussamik isumannaariniarlutik pilersissimasaannut ungasinnerusoq isigalugu aningaasartuutikillisaasuussapput.

i) Aningaasaliissutit sunniutaannik uuttortaanissaq aammalu inissiisarnermut aningaasartuutit ikilisinneqarnissaannut periusissaq ataatsimiititaliamit ujjartorneqarput.

Akissut:

Kalaallit Nunaanni meeqqat inuusuttullu ulorianartorsiortunut suliniarneq nukittorsarniarlugu kalaallit qallunaallu akimuisumik suliniarneranni aamma Angajoqqaat meeqqaminnik sumiginnaasarnerat akiorniarlugu Naalakkersuisut nuna tamakkerlugu iliuusissat pilersaarussiaat 2020-2030 sunniuteqaatinut anguniakkanut takussutissiisoqarpoq.

j) Sumiginnaasarneq akiorniarlugu isumaginninnikkut suliniutinut tunngasumik ajornartorsiutit ulloq unnuarlu angerlarsimaffinnut taakkulu ingerlanneqarnerannut taamaallaat tunnganngimmata ataatsimiititaliamit ilisimaneqarpoq. Kiisalu ajornartorsiut ima annertutigaaq inuiaqatigiit tamarmiisut sunnerneqarlutik. Ilaqutariit namminneq meeqqaminnik paarsinissaannut piginnaaneqarnissaasa piunassuseqarnissaasalu siuarsarnissaanut annertuumik suliniuteqarnerup aallarnisarneqarnissaa sulinerup ingerlaqqinnissaanut aalajangiisuussasoq ataatsimiititaliaq isumaqarpoq. Naalakkersuisut oqaaseqaateqarnissaat ataatsimiititaliamit qinnutigineqarpoq.

Akissut:

Aaqqiissutissat ulloq unnuarlu angerlarsimaffinni nassaarineqarsinnaannginnerannik ataatsimiititaliap paasinninnera Naalakkersuisut isumaqatigaat. Taamaammat Kalaallit Nunaanni meeqqat inuusuttullu ulorianartorsiortut pillugit suliniarnerup nukittorsarnissaanik, angajoqqaat meeqqaminnik isumassuisinnaanermut piginnaasaannik siuarsaasussamik, kalaallit qallunaallu akimuisumik suleqatigiinneranni kiisalu aamma Angajoqqaat meeqqaminnik sumiginnaasarnerat akiorniarlugu Naalakkersuisut nuna tamakkerlugu iliuusissat pilersaarussiaat 2020-2030 suliniutinik aallartitsisoqarpoq.

k) Tamatuma kingorna apeqqutaalersoq tassaassaaq ulloq unnuarlu angerlarsimaffinnut inissiinitsinni suut anguneqarnissaat kissaatigineripput aammalu tassunga atatillugu pigisat pinnagit meeqqalli qitiutinneqarnissaa qanoq qulakkeersinnaaneripput. Naalakkersuisut oqaaseqaateqarnissaat ataatsimiititaliamit qinnutigineqarpoq.

Akissut:

Ikorsiinermi iliuusissat aalajangersarneqarneranni meeqqap ikorfartorneqarnissaminut pisariaqartitaasa aallunneqarnissaasa isumannaarinnissaat pingaaruteqarpoq. Meeraq katsorsarneqarnissamik pisariaqartitsippat ilinniakkatigut piginnaasat eqqortut pigineqarnissaat, ullorlu unnuarlu angerlarsimaffiit taakkuninnga piginnaaneqarfiunissaat pingaaruteqarpoq. Katsorsaanissamut neqeroorut eqqortoq, meeqqap

pisariaqartitaanik naammassinnittoq nanineqartillugu, meeraq inuiaqatigiinni allat tamaasa assigalugit toqqissisimasumik attaveqalernissamut periarfissinneqassaaq.

Namminersorlutik Oqartussat ulloq unnuarlu angerlarsimaffiutaannut taakkulu ineriartortinneqarnissaannut ukiunut qulinut periusissiamik suliaqarnerup aallartinneqarnera Naalackersuisut ilanngullugu paasissutissiissutigisinnaavaat.

8. Suliassaqarfik 34 Peqqissutsimut Naalackersuisoq

8.1 Suliassaqarfik 34

Ataatsimut isigalugu suliassaqarfinni tamani piviusorsioortumik missingersuusiortoqarnissaa ataatsimiititaliamit kissaatigineqarpoq. Missingersuusiorneq naalackersuinikkut aningasaqarnikkut pingaarnersiuiernermit Inatsisartunit kissaatigineqartunut takussutissaavoq, minnerunngitsumik inuiaqatigiit siumoortumik nassuiaatitalimmik ineriartornissaat eqqarsaatigalugu. Suliassaqarfiit ilaasa iluini ukiup aningaasanut inatsiseqarfiusup ingerlanerani annertunerusumik pingaarnersiueqqinnissamut immikkut pisariaqartitsisoqalersinnaammat ataatsimiititaliamit paasineqarsinnaavoq – peqqissutsimullu suliassaqarfik suliassaqarfiuvoq taamaattoq. Taamaakkaluartoq ataatsimiititaliaq isumaqarpoq aningaasanut inatsisip aalajangersarneqarneranut atatillugu missingersuusiorneq aningaasanik atugassiissutigineqartussat naatsorsuutigineqavissunik ersersitsisusariaqartoq, aningaasaliissutimmi ilarpassui ukiumit ukiumut nussorneqartuassappata naammaginangilaq. Aningaasat atugassiissutigineqartussat naatsorsuutigineqartut AIS-imi saqqummiunneqartumi sapinngisamik annertunerpaamik ersersinneqartarnissaat Naalackersuisunit anguniarneqartariaqarpoq, taamaalilluni piviusorsioortumik aallaavik tamanna naalackersuinikkut piviusumik pingaarnersiuiernermit tunngavigineqarsinnaaqullugu.

- a) Aningaasaliissutit sunniutissaattut siunniunneqartutut sunniuteqarnissaat aalajangiisuuvoq. Peqqinnissaqarfimmuut aningaasaliissutit atorineqarnerisa sunniutaannik uuttortaannermik suliaqartoqarsimava?
- b) Napparsimasunik Kalaallit Nunaanneersunik katsorsaanissaq pillugu Naalackersuisut Islandimut qanoq isumaqatigiissuteqarpat isumaqatigiissullu qanoq annertutigisumik atorineqartarpa?
- c) Isumaqatigiissutit tamatumata nakorsanit sapinngisamik annertunerpaamik atorineqarnissaa siuarsarniarlugu peqqinnissaqarfik qanoq iliortarpa?

Akissut:

- a. Aningaasanut inatsisini peqqinnissamut immikkoortumi oqaasertaliussamik suliamilu kisitsisini aningaasaliissutinik atuinissami peqartoqarpoq.
- b. Peqqinnissaqarfik peqqinnissamut tunngasumik Islandimik ulloq 1. juli 2010-mi suleqatiginnilerpoq. Suliat

annertussusaat takussutissiani marlunni tulliuttuni
nassuarneqarpoq.

Islandimi uninngatitsinerit katillugit	
Ukioq	Amerlassutsit
2017	10
2018	21
2019	8
2020	1

Nakorsiat Islandimi aqqusaartut	
Ukioq	Amerlassutsit
2017	337
2018	284
2019	286
2020	76

- c. 2020-mi amerlassutsit killeqarnerannut COIV-19 patsisaavoq. Tunngavissarititaasut arlallit Islandimik isumaqatigiissummik atuisinnaanermik ajornakusuulersitsipput. Ilaatigut attaveqatiginnikkut unammilligassaqarpoq, timmisartuussinikkummi attaveqaatit killeqarput, tamatumalu saniatigut Københavnimisulli unnuinissamut periarfissaqartoqanngilaq, soorluttaaq nutserinermi kalaallisullu oqaasilinnik sullissinerit allat ikittuinnaasut. Tamatuma saniatigut Islandimi Peqqinnissaqarfimmi peqqissutsikkut sullissinernik neqeroorutigineqartut killeqarsimangillat.

8.2 Konto pingaarneq 34.01.04 Peqqinnissaq pillugu Isumalioqatigiissitaq

- a) Peqqinnissaq pillugu Isumalioqatigiissitap suliani sumut killippaa?
b) Suliakkiissutip Naalakkersuisunit suliarineqartussap assilineranik pissarsisinneqarnissani ataatsimiititaliap kissaatigaa.

Akissut:

- a) Peqqinnissamut isumalioqatigiissitap siulittaasoqarfia arlaleriarluni ataatsimiippoq, 2020-mullu, 2021-mut 2022-mullu

iliuusissatut pilersaarusiortuni. Nalunaarusiat siulliit suliarineqareerput, arlallillu maanna suliarineqarput. Isumalioqatigiissitap tullianik ataatsimiinnerani iliuusissatut pilersaarut akuerineqartussanngorlugu saqqummiunneqassaaq.”

b) Ilanngunneqarpoq.

8.3 Konto pingarneq 34.11.03 Dronning Ingridip Napparsimmavissua / 34.12.01 Nunap immikkoortuini peqqinnissaqarfii, nakorsanit sullinneqarneq

a) Piffinnut assersuutigalugu pilattaanermik suliaasaqarfimmi, Dronning Ingridip Napparsimmavissuani suliarineqarsinnaagaluartunik, neqeroorutini atuisinnaanngitsunut angalasartussanik pilersitsinissaq Naalakkersuisunit isumaliutigineqarsimava?

b) Peqqinnissaqarfiup pinaveersaartitsiniarnermik suliniuteqarnera qanoq ingerlava? Ataatsimiititaliaq isumaqarpoq inooriaatsimik (assersuutigalugu pujortartarnermik aammalu imigassartarnermik) pissuteqartumik nappaatit kiisalu assersuutigalugu naartuersittarnerit annertussusii pissutigalugit isumaqarnartoq pinaveersaartitsisumik pissusilersornerup naleqassusianik innuttaasut ataasiakkaat ilisimannissusiat qaffassartarialerujussuusoq. Nappaatinik pinaveersaartitsinermik peqqissutsimillu siuarsaa-nermik peqqinnissaqarfimmi suliniutit qanoq initutigippat?

c) Napparsimasut Nuummukartinneqartarnerannik, tamatumani pilersaarutit malillugit suut tamaasa ingerlanerannik, Peqqinnissaqarfik qanoq misilittagaqarpa? Katsorsaanerit ajornartorsiuteqarfiunngitsut kiisalu katsorsaanerit pilersaarutaasut ingerlanngitsut pillugit peqqinnissaqarfik kisitsisitigut paasissutissioortarpa? Sinerissamit Nuummut napparsimasut angalanissaasa ingerlanneqannginnerisigut sulisutigut aningaasatigullu maangaannartitaasimasinnaasut missingerlugit peqqinnissaqarfimmit naatsorsorneqarsinnaappat?

d) Napparsimasup angalanerata aammalu Nuummiinnerata pilersaarutit malillugit ingerlannginneranut taamaalillunilu akisunerulerneranut pisut suut pissutaagajuttapat?

e) Nunap immikkoortuini napparsimmavinni pissutsit napparsimasut assigiimmik katsorsarneqarsinnaaneritut periarfissiisuunissaat aammalu napparsimmavinni atortulersuutit katsorsaanerimut tapertaanissaat qulakkeerniarlugu peqqinnissaqarfimmi qanoq iliortoqartarpa?

Akissut:

a. Peqqinnissaqarfik nunap immikkoortuinut angalaqatiginnik aallartitsisarpaq. Pilattaasarfimmit, pinasuartumik nakorsaasersuinerimullu immikkoortumit angalaqatigiit ukiumut sapaatip akunneri katillugit 200-nik amerlassusillit missaat angallavigisarpaat, taakkulu peqqinnissaqarfiup pingaarnertut suliniutinullu pilersaarutaani nassuiarneqarput.

b. Peqqinnissaqarfiup aningaasaliissutit 1 procentiisa missaat pinaveersaartitsinerimut suliniutinut atortarpai. Taakku Steno Diabetes Center Grønlandimut, BUS-mik aningaasaliissutinut

(meeqqanut inuusuttunullu periusissiaq), MANU-pilersaarummi akiliutit ilaattut sundhedsplejersinullu atorneqartarput.

Tamatuma sanitigut ataasiakkaanut/napparsimasunut sammititanik annertuumik suliniartoqartarpoq, - assersuutigalugu TB-mik tunillatsinnerup kingorna.

Aamma peqqissaanermi sulinermi pinaveersaartitsineq pingaarutilittut ilaavoq.

Tassunga atatillugu pinaveersaartitsinermik suliniuteqarfik Paarisa 2019-ip qiteqqunnerani oqartussaaffinnik allannguinermi isumaginnittoqarfimmut nuunneqarnera erseqqissaatigineqassaaq.

- c. Billetinit ukiumut peqqinnissaqarfiup inniminnertagaanit 16.000-17.000-nit ikittuaraannaat pilersaarutit malillugit pisanngillat. Peqqinnissaqarfik 2021-mut missingersuusiornermi napparsimasut angalaneranni isumalluutini atuinermik immikkut allussaqrpoq.
- d. Napparsimasut passutarineqarneranni sunniisartunut ilaasut tassaapput sila, angalanissamik pilersaarutini allannguinerit, tassangaannartumik katsorsagassat, napparsimasullu angalanissat pilersaarutaasumut takkutinnitsoortut.

Sunniinerpaasartuq tassaavoq sila. Silap mittarfiit matugaangagit, tamanna peqqinnissaqarfiup napparsimasunik katsorsarneqartussanik angallassisinnaannginneranik kinguneqartarpoq. Peqqinnissaqarfik allattuiffinnut ilanngussinissanut, misissuutissanik suliassanillu allanik katsorsaanernut pilataanissanullu piareersaatissanik inniminniisarloq, taamaalilluni innuttaasup Nuummiinnissaa siviisallaqqunagu, erngertumillu ilaqtaminut suliffimminullu utersinnaqqullugu. Silap nassatarisaanik Dronning Ingridip Napparsimavissuani suliassat amerlasuut sunnerneqartarput.

Peqqinnissaqarfik tamatigut napparsimasumik allamik piffissami atugassaalersinnaasumik atuisinnaasumik nassaarsinnaaneq ajorpoq. Tamatuma nassatarisaanik napparsimasuq kinguaattoorluni tikittoq aatsaat kingusinnerusukku piffissamik atuiiffusinnaasarloq.

COVID-19-ip malitsigisaanik Air Greenland angallassinissamut pilersaarutiminik allannguivoq. Tamatuma peqqinnissaqarfiup napparsimasunik naammassillugit

misissukkanik angerlamut oqqussisinnaannginnera kinguneraa. Ingammik napparsimasut Qaanaameersut nunattalu kangianeersut sivirusumik angerlarnissartik utaqqisarpaat. Illoqarfiit arlallit sapaatip akunneranut ataasiaannarlutik marloriaannarlutilluunniit timmisartuussivigineqartarput, Innuttasullu Paamiuneersut aatsaat Narsarsuakkoqqaarlutik Kangerlussuakkoqqaarlutilluunniit Nuummot annguttarput.

Innuttaasut ajutoorneranni peqqinnissaqarfiup
tassanngaannartumik passutassat pilersarusiuullugit
napparsimasunit passunneqartussanit
sallinngortittariaqartarpai.

Tamanna aamma napparsimasunut namminneq nunap immikkoortoqarfigisaminni katsorsarneqarlutilluunniit misissorneqarneqartunut atuuppoq, taamaattoqarnerani peqqinnissaqarfik immikkut ilisimasalimmik suleqatigiinnilluunniit immikkut ilisimasalinnik nunap immikkoortuani peqqissaavimmukartitsisarpoq, taamaalilluni innuttaasoq angerlarsimaffimminut qanittumi misissorneqarlunilu ilitsersorneqarsinnaaqullugu. immikkut ilisimasalik suleqatigiinnilluunniit immikkut ilisimasallit pilersaarut naapertorlugu anngutinngikkaangata, tamanna napparsimasup sivirusunerusumik utaqqineranik nassataqartarpoq.

- e. Nunap immikkoortuini napparsimasunik katsorsaannermut sullissinernik politikikkut akuerisanik suliaqartoqarpoq. Tamatumani politikikkut periusissiat nalunaarutigisallu kiisalu peqqinnissaqarfimmi suliasanik isumaginninnerup ataqatigiinnerinik qulakkeerinninniarnermik siunertarineqarpoq. Tamatuma saniatigut peqqinnissakkut suliasat assigiinngitsut peqqissaaviit naammassisinnaasaat nassuiarneqarput. Sullissinerni ilinniarsimassutsikkut pitsaassuseq, peqqinnissaqarfimmi suisut pisariaqartumik piginnaasallit peqqinnissakkut suliasanik naapertuuttunik isumaginninnerisigut qulakkeerneqartarpoq. Peqqinnissaqarnikkut suliasat nuna tamakkerlugu ilinniakkatigut malitassiat pitsaassusissallu, napparsimasut ataqatigiissumik passunneqarnissaannik qulakkeerisussat tunuliaqutarlugit naammassineqartarput.

8.4 Konto pingarneq 34.11.09 Pinerluttulerinermi inatsit malillugu paaqqinniffimmut inissiineq

a) Eqqartuunneqarnerup kinguneranik aningaasartuutit naalagaaffimmit akilerneqarnatik konto pingarneq una aqqutigalugu akilerneqartarnerannut suna tunuliaqutaava?

Akissut:

Peqqinnissaqarfimmik akisussaaffik tiguneqareerpoq, taamaammallu aningaasartuutit pineqartut Namminersorlutik Oqartussanit akilerneqartarput.

b) Konto pingaarnermi matumani aningaasaliissutit naalagaaffimmit akilerneqarsin-naanerannut qanoq periarfissaqarpa?

Akissut:

Apeqqut a-mut akissut takuuk.

8.5 Konto pingaarneq 34.13.01 Peqqinnissaqarfiit, kigutigissaaneq

Pisariaqartitsineq malillugu akeqanngitsumik passunneqarnissamik katsorsarneqarnissamillu neqerooruteqarnissap malinneqarnissaanut kigutigissaanermi nukissat nalinginnaasumik pigineqarpat?

Akissut:

Kigutininik passussinissamut pisariaqartitsineq annertuvoq annertussusileruminaallunilu. Kigutilerisunik atorfinitsitsiniarneq ajornakusoorpoq, tamatumalu akeqanngitsumik kigutigissarnermik kigutileritinnermillu neqeroorutissatut kissaatigineqartut naammassinissaannut sulisussakinneq nassataraa.

9. Suliassaqarfik 40 Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq

9.1 Konto pingaarneq 40.01.08 Ilinniartitaanermut immikkoortunut pilersaarut

- a) Suliniummut "Naalagaaffeqatigiinnermut ilisimasat"-nut aningaasat atorneqqassasut taaneqarpoq. Suliniutit tigussaasut suut pineqarpat?

Akissut:

Naalagaaffeqatigiinnermi nunani pingasuusuni innuttaasut naalagaaffeqatigiinnermi immikkoortut allat pillugit ilisimasaqarnerulernissaannik pisariaqartitsineq, minnerunngitsumillu Savalimmiuni, Kalaallit Nunaanni Danmarkimilu inuusuttuaqqat imminnut ilisimasaqarfigilernerulernissaannik pisariaqartitsineq Savalimmiuni ulloq 12. juni 2018-imi naalagaaffeqatigiit ataatsimeeqatigiinneranni statsiministerimit, lagmandimit Naalakkersuisullu siulittaasuannit oqaluuserineqarpoq.

Danmarkimi kultureqarnermut ministeriaqarfik, atuarfeqarnermut ministeriaqarfik aammalu ilinniartitaanermut ilisimatusarnermullu ministeriaqarfik, Savalimmiuni suleqatigisat kiisalu Ilinniartitaanermut, Kultureqarnermut Ilageeqarnermullu Naalakkersuisoqarfik aammalu Pinngortitamut, Avatangiisinut Ilisimatusarnermullu Naalakkersuisoqarfik iliuserisinnaasanik siunnersuuserput.

Ataatsimut isigalugu iliuusissat Danmarkip, Savalimmiut Kalaallit Nunaatalu akornanni attaveqatigiinneq qitiutillugu imaattunik imaqarput:

- Piviusunik tunngaveqartunik filmilianut il.il. aningaasatigut tapersiisarneq
- Inuusuttuaqqat højskolernerannut tapiissuteqartarneq
- Ilinniartitaanermut tunngassutillit samminerullugit iliuusissanut immikkoortunut aningaasaliissutit
- Ingerlaqqiffiusumik ilinniartitaanerni immikkut ittumik unammisitsinerit

Danmarkimi kultureqarnermut ministeriaqarpoq AI2019-imi ukiuni sisamani atuuttussanik suliniummut 25 mio. kr.-inik immikkoortitsivoq.

Suliniutaasinnaasut nammineq killissarisat iluanni nassaariniarneqartussaammata aningaasanut inatsimmi konto pingaarnermi 40.01.08-mi oqaasertat konto pingaarnermit matumangga suliniummut aningaasanik atuinissamut tunngavissiipput.

Kontomit pingaarnermit siunertamut immikkut atugassanik immikkoortitsinissaq maanna pisariaqartinneqanngilaq. Taamaattorli ilinniartitsineri atortussat attuumassuteqartut Kalaallit Nunaanneersut pillugit nalunaarsugaq suliarineqarpoq aammalu Danmarkimi atuarfeqarnermut ministeriaqarfimmu nassiunneqarluni.

- b) Aningaasat ilinniartitaanermut immikkoortunut pilersaarummut naatsorsuussaat ilaat amerlanerpaat ilinniarnertuunngorniarfinni ataatsimut allaffissornermut ineriartortitsinermullu atorneqartut paasissutissiissutigineqarpoq. Tamanna tigussaasumik qanoq paasineqassava? Ilinniarfiit ataasiakkaat ulluinnarni allaffissornerannut aningaasat atorneqarnissaat ataatsimiitaliamit naatsorsuutigineqanngilaq.

Akissut:

Ilinniarfiit ataasiakkaat ulluinnarni aquneqarnissaannut aningaasat atorneqarneq ajorput. Ilinniarnertuunngorniarfimmu suliassaqarfik Ilinniartitaanermut, Kultureqarnermut ilageeqarnermullu Naalackersuisoqarfimmu toqqaannartumik atammat allaffissorneq ineriartornerlu ilinniarnertuunngorniarfinnut suliassaqarfimmu tunngatillugu Naalackersuisoqarfimmi qitiusumik ingerlanneqarput aammalu ilinniarfiit sisamaasut akimorlugit suliassat ingerlanneqarlutik. Aningaasat pingaartumik soraarummeernernik qitiusumik ingerlatsiveqarfimmu, Pædagogikumimut (ilinniartitsinermu tunngasunut), ilinniagassat pillugit siunnersortinit sullinneqarnermut, ilinniartitsissutinik pilersitsinermu, naliliisarnermut, ilitersuinermi atortussanut, ilinniartitseqqinnermut aammalu ineriartortitsinermi suliniutinut attuumassuteqarput. Assersuutissat ilagaat ilinniarnertuutut soraarummeernissamut allatanik qitiusumik suliakkiissutinik suliaqarnissaq nassiussuinissarlu Naalackersuisoqarfimmit qulakkeerneqassammat, tamatumani ukiut tamaasa suliassaliortussanik pilersitsisoqartarluni soraarummeerutissanillu nutaanik suliaqartoqartarluni.

9.2 Konto pingarneq 40.10.11 Ado Lyngep Atuarfia

- a) Suliassaqarfimmu aningaasaliissutinut sanilliullugu Ado Lyngep Atuarfiata ineriartornissamut periarfissai qanoq ippat?
- b) Atuarfiup ineriartoqqinnissaa eqqarsaatigalugu Ado Lyngep Atuarfiata unammilligassai annertuut suuppat?

Akissut:

a) Atuarfiup maanna 8,1 mio. kr.-inik aningaasaliissutai atorlugit atuarfiup angerlarsimaffiullu ineriartortinniarnerat unammillernartoqarpoq. 6,2 mio. kr.-it aningaasarsianut aningaasartuutinut atorneqartarput aammalu sinneri 1,9 mio. kr.-it kiassarnermut, innaallagiamut, biilit atorneqarnerannut, nerisassanut, atuartitsissutinut pequtinullu atorneqartarlutik. Kiassarnerinnarmut aningaasartuutit 360.000 kr.-iupput. Atuarfiup illutaa pisoqarujussuuvoq, ineriartortitsinissamut periarfissat killilerpai aammalu tamanna pissutigalugu aningaasaliissutit ilarparujui aserfallatsaaliinermut atorneqartarlutik.

b) Aningaasaliissutitigut unammilligassat siuliani allassimasut pissutigalugit atuarfimmi atuartitsinerup perorsaanermilu siunertat ineriartortinnissaat unammillernartinneqarpoq.

Tamatumani ilaatigut pineqarput:

- Akunnaami illup atuartitsinermu, perorsaanermi ingerlatanut aammalu angalaartitsinermu/lejrskolertitsinermu atugassap ingerlanneqarneranut aningaasartuutit nutaat. Tamatuma

saniatigut atortussanut angallatillu ingerlanneqarneranut aningaasartuuteqarpoq.

- Ineriartormikkut kinguarsimasunut atuartitsinermi atortussat akisoorujussuupput, ilaatigut atuarfimmi atuartut immikkut pisariaqartitaannut naleqquttunik atortussat isiginnaaneqarsinnaasut aalajangersimasullu pineqarmata.
- Ineqarfittut immikkoortortami pequtit, taakku ulluinnarni atorineqartorjuummata nungullarneqartarlutillu aammalu silaannarissarneqartarnissaat pisariaqarmat.
- Sunngiffimmi atortussat, soorlu sisoraatit timersormilu atortussat allat.
- Ukiukkut snescootereqarnissaq kissaatigineqarpoq, atuartut ilaat timikkut akornuteqarnertik pissutigalugu sisoraariarfissaminut angallanneqarnissartik pisariaqartimmassuk
- Pisut ilaanni atuartoq juullimi aasaanerilunniit feeriarluni angalanermi marlunnik ingiarneqarnissaminik pisariaqartitsisarpoq, tamannali aningaasaliissutaasut iluanni ilaatigut akilerneqarsinnaaneq ajorpoq.

9.3 Konto pingaarneq 40.12.35 GUX

- a) Suliassaqarfimmut aningaasaliissutinut sanilliullugu Ado Lyngep Atuarfiata ineriartornissamut periarfissai qanoq ippat?

Akissut:

Konto pingaarneq 40.12.35 taamaallaat Aasianni GUX-imut attuumassuteqarpoq.

Ilinniarnertuunngorniartit ingerlanneqarnerannut aningaasat immikkoortinneqartut ataatsimut isigalugu sulisutigut aningaasatigullu pisariaqartinneqartunut naleqquttut Naalakkersuisut naliliipput. Soorunami aningaasat amerlanerit atorluarneqarsinnaajuarpot, taamaattoqassappallu atuartut pitsaanerumik atugaqarnissaasa aammalu ilaatigut tarnikkut pissutsinik ilinniarsimasumit siunnersorneqarnissaasa qulakkeerneqarnissaa immikkut isiginiarneqassaaq.

- b) Ilinniarnertuunngorniartinnik amerlanerik pilersitsinissaq pilersaarutaava?

Akissut: Naamik

9.4 Konto pingaarneq 40.90.10 Copydanimut isumaqatigiissut

- a) Konto pingaarneq una aqutigalugu kikkut aningaasanik pissarsisinneqartarpat?

Akissut:

Copydanip piginnittussaataasunut pilersitaat atorluarneqarsimasut akornanni aningaasat agguataartarpat.

9.5 Konto pingaarneq 40.91.09 Issittumi Teknikimik Ilinniartik

- a) Ilinniarfiup ineriartornissamut periarfissai taakkulu aningaasalersorneqarnissaat qanoq ippat?
- b) Ineriartorneq taanna siuarsarniarlugu Naalakkersuisut sunik suliniuteqarpat?

Akissut a) aamma b):

Sisimiuni Arctic DTU-p, Ilinniarfeqarfik Sisimiut pillugu suleqatigiinneq DTU-p aammalu IKIN-ip akornanni ukiuni sisamani ingerlaavartumik atuuttussanngortinneqartoq 2020-mi upernaakkut atsiorneqarpoq. Isumaqatigiisummi aalajangersarneqarput pilersuinissamik pisussaaffiit, siunissami ungasinnerusumi aaqquissuusaanikkut ineriartortitsinissamik anguniakkat aammalu isumaqatigiisummi ilinniartitsissutinut tunaartarisat iluanni ukiumoortumik iliuusissatut pilersaarutit.

Tunngavissat pillugit isumaqatigiisut suleqatigiissitaliamit aqunneqarpoq, ineriartortinneqarpoq aserfallatsaalineqarlunilu, tamatumani isumaqatigiisuteqartut, pisortat aammalu inuussutissarsiornermik, ilisimatusarnermik ilinniartitaanermillu soqutigisaqatigiit – tassungalu ilanngullugu Ilinniartitaanermut, Kultureqarnermut Ilageeqarnermullu Naalakkersuisoqarfik peqataatitaqarluarlutik.

Sisimiuni Arctic DTU-p ilinniartitaanikkut suliaasa ingerlanneqarnerat danskit naalagaaffianit aningaasaliissutinit aningaasalersorneqarpoq taxameterimik tapiissutitut ilusilerlugu. Taxameterimik tapiissutinit matussuserneqartarput atuartitsisut akissarsiaat, illutat ingerlanneqarnerat atortussanillu pisinerit. Ingerlatat DTU-mit akilerneqartartut taakku saniatigut Namminersorlutik Oqartussanit akilerneqartarpoq atuartitsinerup Lyngbyymi pinnani Sisimiuni ingerlanneqarneranut aningaasartuutit assigiinngissutaat. Sisimiuni Arctic DTU-p KTI-mi illuutit attartugarai.

Assersuutigalugu ilisimatusarnermi ingerlatassat aningaasalersorneqarnissaannut aningaasaateqarfimmit aningaasanik qinnuteqarnissamut periarfissaqarpoq. Ilinniartitsinermi suliniutit nutaat aningaasalersorneqarnissaanni periuseq nalinginnaasoq malinneqassaaq aammalu aningaasanut inatsimmi siuarsarneqassalluni.

9.6 Konto pingaarnaq 40.91.27 Kalaallit Nunaanni Teknikimut ilinniarfik

- a) Saviminilerinermik Ilinniarfiup Sisimiunut nuunneqarnissaanik pilersaarutit qanoq ingerlappat?

Akissut:

Sisimiuni Saviminilerinermik Ilinniarfimmik nutaamik sananissamut pilersaarut aallartinneqarpoq. Piginnaaffiit siumoortumik nalilerneqarnissaannut qinnuteqaatit suliarineqarnerat naammassineqarpoq. Piginnaaffiit siumoortumik nalilerneqarnissaannut neqeroornissamut qinnuteqartut arfiniliupput. Naliliisussatut ataatsimiititaliap piginnaasallit nalilersoqqinnissaanni qinnuteqartut piukkunnarnerpaat pingasut toqqarpai. Toqqarneqartut pigasut neqerooruteqarnermi atortussanik nutaanik nassiussinissaat 2020-mi decembarip

naaneranut killilerneqarpoq, tamatuma kingorna naliliisussatut ataatsimiititaliap taakku nalilissavai aammalu suliffik suliamik ingerlataqartussaq toqqassallugu.

9.7 Konto pingaarneq 40.94.17 Kalaallit Nunaata Radiua - KNR

- a) Nuna tamakkerlugu radiumik- tv-millu kisermaassilluni ingerlatsineranut nunatta karsianit aningaasalersorneqartumik aningaasaliissutit pineqartillugit aningaasaliissuteqartut innuttaasullu ingerlatsivimmu KNR-itut ittumut naatsorsuutigisaasa eqquutsinneqarnissaat ataatsimiititaliamit assut pingaartinneqarpoq. Ataatsimiititaliap isumaa malillugu pisortat ingerlatsiviannut taama annertutigisumik aningaasaliineq pisussaaffiliivoq innuttaasunut kiffartuussinissamik pisussaaffik naapertorlugu aallakaatitanik sullissutinillu siamasissunik kalaallinut tamanut qulakkeerinninnissamik. Ataatsimiititaliap isumaa malillugu tamatuma nassatarissavaa aallakaatitassiat sullississutillu atuisut kissaataannut pisariaqartitaannullu nikerartunut naleqqussarneqarnissaat. Assersuutigalugu ataatsimiititaliamut pingaaruteqarpoq kalaallit timer-sornikkut unamminerannik meeqqat inuusuttullu nuna tamakkerlugu tv-kkut isiginnaarsinnaanissaat. Taamatuttaaq ataatsimiititaliaq isumaqarpoq kulturikkut ingerlatat allat, apeqqutaatinnagu paasisitsiniaanerunersut, ilinniartitsinerunersut, upperisamut aammalu eqqumiitsuliornermik ingerlatsineranut tunnganersut, aamma taama pingaaruteqartigisut. Tassunga atatillugu ataatsimiititaliaq isumaqarpoq sinerissamit nuna tamakkerlugu aallakaatitat sapinngisamik annertunerpaamik siuarsarneqartariaqartut.

Akissut:

Ataatsimiititaliap oqaaseqaatai Naalakkersuisunit tusaatissatut tiguneqarput.

- b) Ataatsimiititaliap isiginninnera malillugu siunertamut atugassat tv-kkut kanalit marluupput. Aallakaatitat ullumimut naleqqunnatillu taamungaannaq toqqakkat amerla-suut aallakaateqqinneqartarput. Naammattunik aallakaatitassaateqanngikkaanni marlunnik kanaleqarneq sumik siunertaqarpa?

Akissut:

Apeqqut tamanna pillugu KNR-imit naliliisummik Ilinniartitaanermut, Kultureqarnermut Ilageeqarnermullu Naalakkersuisoqarfik pissarsivoq. KNR maanna aningaasaliissutit atorlugit aningaasakilliulereerluni aammalu aningaasaliissutaareersut atorlugit aallakaatitassiat amerlineqarsinnaanaviannngitsut akissummi allassimavoq. Aammattaq KNR2 Inatsisartut ataatsimiinnerisa aallakaatinneqarnissaannut naatsorsuussaagaluortoq paasisutissiissutigineqarpoq. Inatsisartut ataatsimiinnerisa aallakaatinneqarnissaat KNR-imit ingerlanneqassasoq ulluinnarnilu isumagineqassasoq piffissap ilaani aalajangerneqarpoq. Ilanngutassiorfik soorlu timersornermi pisunut annernut atatillugu siunertanut allanut aamma atorneqartarpoq. KNR toqqorsivimmit aallakaateqqitanik aallakaatitsigaangat ulluinnarni aallakaatitsinermik annertusaaniarneruvoq, tamannalu aamma teknikikkut periarfissaammat. KNR-ip toqqorsivimmit aallakaatitat

unitsilluarsinnaavai, maluginiarneqarporli inuit amerlasuut aallakaatitaoqqat isiginnaassallugit nuannarigaat.

9.8 Konto pingaarneq 40.97.03 Kalaallit Nunaanni Ilageeqarneq

- a) Qangaanerusoq oqaluffik inuppassuit inuuneranni qitiusimavoq, tamatumani palasi amerlasuunut ikiorsiisarluni. Oqaluffik ullumi sumut atortarparput?

Akissut:

Ilagiit inuiaqatigiitsinni annertuumik atuuffeqarput. Innuttaasut 95%-ii sinnerlugit nunatsinni ilagiinni ilaasortaapput, taamaattumillu pingaarutilinnik pisoqartillugu aammalu alianartunik pisoqartillugu katersuuttarnitsinni katersuuttarfittut sulii pisariaqartinneqarluni. Tarnikkut aliasuuteqarnermi palasip pingaarutilittut inissisimanera allannguuteqanngilaq, taamaattumillu palasi amerlasuunut sulii pingaaruteqarluni.

Upperisarsiornermi ingerlatat saniatigut Ilagiit Namminersorlutik Oqartussat sinnerlugit allaffissornikkut arlalinnik ingerlataqarput. Meeraaqqat upperisaq apeqqutaatinnagu atisalu nalunaarsorneqarnissaat Ilagiit suliasaraat, soorluttaaq aqqit allannguutaat oqaluffimmi nalunaarsorneqartartut. Tamatuma saniatigut upperisat apeqqutaatinnagit Ilagiit ilisisarnermi oqartussaaffittut atuupput.

9.9 Konto pingaarneq 40.98.02 Nuna tamakkerlugu digitalinngortitsinissamut periusissiap atuutsilernera

- a) Suliap siuariartornera pillugu ukiumoortumik nalunaarusianik konto pingaarnermut 40.98.02-mut missingersuutinut ilanngussami allassimasunik Aningaasaqarnermut Akileraartarnermullu Ataatsimiititaliaq tigusaqarsimanngilaq. Tamatumunnga suna tunngaviua? Nalunaarusiat kingullit nassiunneqarnissaat ataatsimiititaliamit kissaatigineqarpoq.

Akissut:

Digitalinngortitsinissamut Aqutsisoqarfiup periutsini kukkuneqartoq paasivaa, tamatumani nassiussisoqarsimannginnera pissutaavoq. Taamaattumik tamanna Digitalinngortitsinissamut Aqutsisoqarfiup malitseqartinniarpaa, taamaalilluni nalunaarusiat nassiunneqarsinnaaqqullugit.

Taamaattumik Digitalinngortitsinissamut Aqutsisoqarfiup periusissatut suliniutai (imm. 5) aammalu Digitalinngortitsinissami periutsimi suliniutit allat killiffiat (imm. 6) pillugu PDA-mut, taamani FOIS-imut, ilimatitsissut ilanngunneqarput.

Tamanna aamma pillugu killiffik ukioq manna PDA-p decembarimi ataatsimiinneranut suliarineqassaaq, soorluttaaq tamanna kingornagut Aningaasaqarnermut Ataatsimiititaliamut tunniunneqassasoq.

- b) Suliniutit piffissaq ungasinnerusoq isigalugu malunnaatilimmik angusaqarfiunissaat imminnullu aningaasalersortuunissaat paasissutissiissutigineqarpoq. Suliniutit malunnaatilimmik angusaqarfiuneri imminnullu aningaasalersorneri Naalakkersuisunit qanoq

uuttortarneqassava? Angusanut taakkulu imminnut aningaasalersornerinut assersuutaagallartut pillugit paasissutissat ataatsimiititaliamit kissaatigineqarput.

Akissut:

Kalaallit Nunaanni digitalikkut isumannaatsuunissamut tunngavissat Digitalitalinngortitsinissamut periusissami piumasaqaatitut suliniutinik arlalinnik peqarpoq. Suliniutit taakku tassaapput tunngaviusumik paasissutissat, PITU aammalu Pisortat Digitalinngorsaanermik Aqutsisoqatigiivi.

Tunngaviusumik paasissutissatigit qulakkeerneqassaaq digitaliusumik sulianik ingerlatsinermi tamarmi inuit suliffeqarfiillu pillugit tunngaviusumik paasissutissat eqqortuunissaat nutarterneqartarnissaallu.

PITU-mi qulakkeerneqassaaq paasissutissat attaveqaatini isumannaatsuni avitseqatigiissutigisarnissaat aammalu aaqqiissutissat digitaliusut sanarfisassallu tunngavigineqarnissaat Pisortat Digitalinngorsaanermik Aqutsisoqatigiivinit qulakkeerneqarnissaat, taamaalilluni digitalimik ineriartortitsinerit assigiiaartinneqalersillugit, taamaalillunilu ineriartortitsinermi aningaasartuutit sapinngisamik annikinnerpaaqqullugit. Tunngavissat suliniutit taakku aningaasaliinerupput pisortat sulianik ingerlatsinerannik assigiissaarisussat sunnuteqarluartussallu aammalu digitalimik isumannaatsumik assigiiaartumillu ineriartortitsinissamik qulakkeerisussat.

Suliniutit sipaaruteqarnermik nassataqartussat pillugit maannamut assersuutissat aajukua marluk:

- **Pisortani digitalimik allagarsiaqartarneq** digitalimik pinngitsoorani aaqqiissutissatut assersuutaavoq, siunissami immiut aningaasalersortussa. Allakkanik allassimasunik nassiussisarnerup atuutsikkiartuaarunnaarneratigit Kalaallit Nunaanni pisortat allakkanik nassiussisarnermut sipaaruteqassapput. 1. januarimit innuttaasut digitalimik allagarsiat atuarnissaannut pisussaatinneqalissapput, oqartussaasulli nassiussaqaarnissaminnut pisussaatinneqalissanatik. Tamatuma nassatarisaanik pisortani oqartussaasut digitalimik allagarsianik atuilernerisigit sipaarutit malunnaateqalissapput.
- Kalaallit Nunaanni 2021-mi **NemKonto** atuutsinneqalissaaq inatsisitigit naleqqusaanissat aalajangersarneqassappata. Kalaallit Nunaanni NemKontop ineriartortinneqarnissaanut atuutsinneqalernissaanullu 1 mio. kr.-it immikkoortinneqarput aammalu sipaarutissat tassaassallutik innuttaasup oqartussaasullu akornanni automatiskiusumik nuussisarnerit. Taakkunani ilaapput checkiornernut taakkuninngalu nassiussisarnerit pingaartumik piffissani aalajangersimasuni sulisartut eqqarsaatigalugit atornerqartartunut aningaasartuutit. Taamaattoqalerpat innuttaasup checki sivisuumik nassiunneqartoq utaqqissanngilaa aammalu

oqartussaasut checkip tunniunneqarneranut
nassiunneqarneranulluunniit aningaasartuutit akilissanagit.

10. Suliassaqarfik 50 – 51 - Aalisarnermut, Piniarnermut Nunalerinermullu Naalakkersuisoq

10.1 Suliassaqarfik 50 - 51 Aalisarnermut Piniarnermut Nunalerinermullu Naalakkersuisoq

- a) Aalisarnerup saniatigut inuussutissarsiutinik arlalinnik ineriartortitsiniarluni ilungersuuteqartoqarnera ataatsimiititaliamik paasilluarneqarsinnaavoq. Ataatsimiititaliarli isumaqarpoq aalisarnerup suli inuussutissarsiutini pingaarnersaanera tulleriiaarilluni pingaarnersiuiinermi aamma ersersinneqartariaqartoq – taamaattumillu aamma taassuma ineriartortinneqarnissaanut aningaasanik pitsaasumik atugassaqartitsinissaq qulakkeerneqartariaqartoq. 2021-mi aningaasanut inatsimmi taama isumaqarnermut nikitsisumik pisoqarpa?

Akissut:

Naamik.

- b) Suliassaqarfimmi 50-51-imi karsip erseqqinnerusumik misissuiffiginissaa Naalakkersuisunit isumaliutigineqarsimava?

Akissut:

Suliassaqarfik 50 – 51 aningaasanut inatsimmut atatillugu misissuiffigineqarpoq, soorluttaaq suliassaqarfik AIS2021-mi sipaarutitut ilanngunneqartunut ilanngussaqaqrfiusoq.

- c) Akitsuutigut iluanaarutit qaffakkiartornerat malillugu inuussutissarsiutit pingaarnersaanni suli siuarsaaqqinnissaq inissaqartilluarneqarsinnaasoq Naalakkersuisunit isu-maliutigineqarsimava?

Akissut:

Aalisarnermi pisuussutitut akitsuutit ima ineriartortinneqarput ingerlatsivimmi atugassat ingerlalluartaqut akitsuutit qaffasinnerit akilerneqartassallutik – akerlianillu ingerlatsivimmi isertitat appasitsillugit akitsuutit appasinnerussallutik. Taamaattumik pisuussutitut akitsuutit iluanaarutit qaffakkiartuaarnerat pissutigalugu ingerlatsivinnut tapiissutit annertusineqarnissaat pissusissamisoornaviannngilluinnarpoq.

- d) Aalisakkat akitsuutaat. Akitsuutitigut iluanaarutissatut missingersuutit qaffariarnissaannik naatsorsuutiginninneq aalisarnermilu kinguarianeq qanoq ataqatigiippat?

Akissut:

8. november 2020-mi isumasioqatigiinneq naapertorlugu isertitassatut missingikkat Naalakkersuisunit innersuussutigineqarput.

10.2 Konto pingaarneq 51.01.17 Aalisartut piniartullu siunnersortinit sullinneqarnerat

- a) Aalisartut piniartullu kattuffiata KNAPK-p aammalu Aalisarnermut, Piniarnermut Nunalerinermullu Naalakkersuisoqarfiup akornanni angusassat pillugit isumaqatigiissut aqutugalugu aningaasaliissutit aqutsivigineqarput. Aqutsinissamik isumaqatigiissut Naalakkersuisunit naliliiffigineqarsimava aammalu allat suliasamik tamatuminnga kivitsisinnaanerit isumaliutigineqarsimava?

Akissut:

Suliasaqarfimmi angusat pillugit isumaqatigiissutit naleqqussarneqarnissaa pisariaqartinneqarnersoq Naalakkersuisunit ingerlaavartumik nalilersorneqartarpoq aammalu suliap ingerlanneqarnissaanut KNAPK pitsaasumik suleqatigineqartoq ataatsimut isigalugu isumaqarlutik.

- b) Siunnersortinit sullinneqarnerup ineriartortuarnissaa Naalakkersuisut kissaatigaat. Ukiuni missingersuusiortumik atuisunik ilaannakortumik akiliisitsisarnermik atuutilersitsinissaq piumasaqaatigalugu aningaasaliissutit atugassiissutigineqarput. Aningaasaliussat atugassiissutigineqarnissaanut piumasaqaat 2017-imut aningaasanut inatsimmili atuutilerpoq. Atuisut ilaannakortumik akiliuteqartinneqalernissaannik suliarfik Naalakkersuisut sumut killippaat?

Akissut:

KONFIFA-mit naatsorsuutit nalunaarusiarlu naapertorlugit assersuutigalugu pikkorissartoqartillugu atuisut ilaannakortumik akiliuteqartarput.

10.3 Konto pingaarneq 51.03.02 Nunalerinermik inuussutissarsiuteqartunut aningaasalersuinikkut tapersiisarneq

Imminut pilersornerulernissamik anguniagaqarnerup nukittorsarneqarneranik konto pingaarnermit matuminnga atugassiissutiginninnerup peqataaqataanissaa ataatsimiititaliamit pingaartinneqarpoq. Taamaattumillu konto pingaarnermik matuminnga atugassiissutiginninnerup tapiissutaannartut pinnani kaammattuutitulli atuunnissaa naapertuuttuusinnaavoq.

- a) Taamaattumillu nunalerinermi tunisassiat nunatsinni neqeroorutigineqartut annertussusiannut suussusiannullu sanilliullugu aningaasaliissutinik atugassanngortitsisarnerup sunniutaanik uuttortaanissaq ataatsimiititaliamit naleqquttutut isigineqarpoq. Tamanna Naalakkersuisunit isumaliutigineqarsimava?

Akissut:

Aningaasaliissutinut atatillugu sunniutinik uuttortaanerup ilagivaat savamit ataatsimit savaaqqat pissarsiarineqartartut. 2020-mi toqoraanermut atatillugu iluanaarutit tassaapput savaaqqat 1,12-mik amerleriaateqarnerit, 2019-imut sanilliullugu 0,05-imik qaffariaat. Immikkoortumut pilersaarut nutaaq ilaatigut imminut pilersornerulernissamut tapeeqataassaaq.

- b) Tunisinermut aamma savanut piaqqiortunut/savaaqqanut arnavissanut tapiissutit aningaasaliissutit pisortani oqartussaasunut akiitsunut

akilingitsugaasimasunut matussutaanissaat qulakkeerniarlugu tapiissutit tunniunneqartarnerini savaatillit Nunatta Karsianut akiitsorisinnaasaat akilingitsuumkat ilanngaatineqarsinnaasut konto pingaarnermut missingersuutitut ilanngussami allassimavoq. Matumani aningaasaliissutigineqartunik atugassanngortitsinerup imminut pilersornerulernissamut atornagu akiliitsiniarnermik siunertamut atorneqarnera ataatsimiititaliap isumaa malillugu eqqumiiginarpoq.

Akissut:

Nunalerinermi piffissamut 2021-2030-mut immikkoortumut pilersaarutip naammassineqarnissaa Naalakkersuisut sulissutigaat. Immikkoortumut pilersaarut novembarip naannginnerani suliarineqassasoq Naalakkersuisut naatsorsuutigaat, tamatumani nunalerinermik inuussutissarsiutinut sinaakkutitigut nalinginnaasumik atugassarititaasut ilaatinneqassallutik.

10.4 Konto pingaarneq 51.01.05 Kalaallit Nunaanni Aalisarsinnaanermut Akuersissutinik Nakkutilliisoqarfik aamma Piniarnermik Nakkutilliisoqarneq

- a) Nakkutilliisut aalisarnermik nakkutilliisussat, tulaassinermi nakkutilliisussat, eqqiluutsuunermik nakkutilliisussat aamma piniarnermik nakkutilliisussat allanngortinneqarnissaat pisariillisaavigineqarnissaallu pillugit KANUAANA-p sulinera qanoq ingerlava?

Akissut:

Kalaallit Nunaanni Aalisarsinnaanermut Akuersissutinik Nakkutilliisoqarfimmi ilinniartuutit arfineq marluupput 2021-mi decembarimi naammassineqartussamik ukiuni marlunni aallaaniarnermik aalisarnermillu nakkutilliinermik ilinniagaqartut. Tamatuma saniatigut Kalaallit Nunaanni Aalisarsinnaanermut Akuersissutinik Nakkutilliisoqarfimmi aqutsinermut aqqissuussineq nutaaq pilersinniarlugu ingerlanneqarpoq, tamatumani Ilulissani, Sisimiuni Nuummilu nunap immikkoortuani allaffinnik pilersitsisoqassalluni. Kvartalini tamani kilisaatip avataasiortup minnerpaamik ataatsip tulaasaanik nakkutilliisarnissaq atuutsinneqalerpoq.

- b) Konto pingaarnermi matumani aningaasaliissutit sunniutaat Naalakkersuisunit naliliiffigineqarsimappat?

Akissut:

Kalaallit Nunaanni Aalisarsinnaanermut Akuersissutinik Nakkutilliisoqarfiup aqqissuuteqqinneqarneranut maanna ingerlanneqartumut atatillugu suliaasaqarfimmi aningaasaliissutit qanoq pitsaanerpaamik atorneqarnerisut pillugu ingerlaavartumik naliliisoqartarpoq.

11. Suliassaqarfik 62-64 - Inuussutissarsiornermut, Nukissiuuteqarnermut Iisimatusarnermullu Naalakkersuisoq

11.1 Konto pingaarneq 64.01.05 Nunaqarfinni isorliunerusunilu inuussutissarsiutinik ineriartortitsineq

- a) Nunap immikkoortuinut taakkununga aningaasanik immikkoortitsisoqartoq ataatsimiititaliamit eqqumaffigineqarpoq. Siunnersortit nalunaarusaannut amerlasuunut atornagit suliniutinut tigussaasunut aningaasat atorneqartariaqartut ataatsimiititaliaq isumaqarpoq.
- b) Inuussutissarsiutinik ineriartortitsinerit suut maanna konto pingarnerup matuma ataani ingerlanneqarpat?

Akissut:

Nunaqarfinni ineriartortitsinissamut suliniutit pillugit kommunini tamani 2020-mi suliniutit nalunaarsukkami matuma kingulianiittumi takuneqarsinnaapput. Tassani allassimapput kommune, nunaqarfik, suliniutip qulequtaa aningaasallu.

Nunaqarfik/illoqarfik	Suliniut	Aningaasat kr.- inngorlugit
Avannaata Kommunian		
Qaanaaq	Inuussutissarsiutit pillugit isumasioqatigiinneq	195.000
Qaanaaq	Piniartunut illuaraq	105.638
Qaanaaq	Nakkutilliinermi qinnguartaat	49.995
Naajaat	Piniartunut takornarianullu illuaraq	10.638
Uummannaq	Juullip inuanut allakkat	15.000
Uummannaq	Piniarnermi atortunut ilitsiviit	20.455
Torsukattak	Piniartunut illuaraq	105.638
Qeqertaq	Sulliviup aserfallannikup iluarsaannera	238.842
Saqqaq	Sulliviup iluarsaannera	222.612
Illulissat	Aallarniisartut isumasioqatigiinnerat	222.372
Qqaatsut	Arfernik pilaavik / amutsivik	65.760
Qaanaaq	Aappariit isumasioqatigiinnerat / aappariinneq F&F	245.486
Uummannaq	Juullip inuata allagarsiisivianut ikaartarfik nutaaq	132.222

Illulissat	Piniartunut illuaqqat pingasut iluarsaannerat	250.000
Nutaarmiut, Niaqornat, Qeqertaq	Aputaajaammik pisineq	97.980
Ilimanaq	ATV inuussutissarsiornermi siunertanut	143.136
Ilimanaq	Aqquserngup iluarsaannera	60.000
Nunaqarfiit arfineq pingasut	Tummeqqat sanaartornissaannut atortut	249.097
Kommune Qeqertalik		
Qeqertarsuaq	Illuaqqap imermik ajoqusernikup piiarneqarnera, assartuineq ilanngullugu	130.250
Attu – Innuttaasunik sullissivik – Panersiivik nutaaq	Innuttaasunik Sullissivimmu Arctic Importimit panersiivik nutaaq assartuineq ilanngullugu	11.342
Niaqornaarsuit	Ikaartarfiup qalequtaata iluarsaannera	64.950
Qasigiannugit	Umiatsiaaqqanut, angallatinut puttasunik amutsiviliorneq	127.500
Kangerluk	Innuttaasunik Sullissivimmu Arctic Importimit panersiivik nutaaq assartuineq ilanngullugu	22.146
Niaqornaarsuit	Puttasunut aningaasartuutaanerusut	104.300
Qeqertarsuaq	Biilinit unittarfiup qaavanut ujaqqanik SF-inik ilioraaneq	115.000
Akunnaaq	Puttasuliorneq aqqusernillu aserfallatsaaliineq	24.315
Qasigiannugit	Sanaartugassap ilaa atortussat tamarmik kommunimit isumagineqartussaammata	140.000
Kommune Kujalleq		
Qassiarsuk	Puttasooq ataaseq sissigarlu	800.000
	Savaateqarnermi aqquserngit annertusarnerat	357.000
Qeqqata Kommunian		
Napasooq	Arsaattarfik	100.000
Atammik	Nunaqarfimmi fabrikkimi majuartarfiit	147.410
Kangaamiut	Errorsivik panersiivillu	99.331
Atammik	Umiatsiaaraleriffiup matuata allilenera	90.000
Sarfannugit	Takornariat ornittagaannut illuararsineq	73.990

Kangerlussuaq	Nunaqarfimmi allagartat nutaat	119.100
Ataatsimut	UNESCO-p nunarsuarmioqatigiit kingornussassaannut allattorsimaffia	20.600
Kommuneqarfik Sermersooq		
Tasiilaq	UNESCO-p nunarsuarmioqatigiit kingornussassaannut allattorsimaffia	350.000
Kapisillit	Puttasut	396.000
Tasiilaq	Naatsorsuutit pillugit pikkorissarneq	95.000

11.2 Konto pingarneq 64.10.12 Nioqqutissanik pilersuineq aningaaseriveqartitsinerlu

- Suliassaqarfimmi ajorseriartoqannginnissaa pingaaruteqarpoq. Minnerunngitsumik nunaqarfiit aammalu isorliunerusuni illoqarfiit mikinerit immikkut eqqumaffigisassaapput.
- Upernaaq karsimik misissuinermi ukiuni missingersuusiorfinni sinaakkutitut aningaasaliissutit 8 mio. kr.-inik ikilineqarput. Tamanna tigussaasumik qanoq piviusunngortinniarnearpa aammalu aningaasaliissutit ikilineri nioqqutissanik pilersuinerlut aningaaseriveqartitsinermullu qanoq kinguneqartussatut naatsorsuutigineqarpa?

Akissut: 11.2 a+b)


Nioqqutissanik pilersuineq pillugu KNI A/S-imik kiffartuussinissamik isumaqatigiinniarnert suli aallartinneqanngillat, taamaattumillu tamanna nunaqarfinnut isorliunerusunilu illoqarfinnut mikinerlut qanoq sunniuteqassanersoq maanna nalilerneqarsinnaanngilaq.

Kiffartuussinissamik isumaqatigiissusiorneq KNI A/S-ip ingerlanneqarneranut aammalu najugaqarfiit assigiinngitsut pilersorneqarnerannut qanoq sunniuteqarnissaa pillugu nassuiaammik 2021-mi upernaakkut saqqummiussisoqassasoq KNI A/S-ip Naalakkersuisunut paasisstissiissutigaa.

11.3 Konto pingarneq 64.10.30 Puisit amiinik tunisineq

- Great Greenlandimut kiffartuussinissamut isumaqatigiissutinut aningaasaliissutit sunniutaat sumut killippat?

Akissut: Aningaasaliissutit uku sunniutaat tassaavoq 2019-imi katillugit natserit amii aammalu aataap amii 28.204-t tunineqarsimammata. Kommunini assigiinngitsuni amerlassutsit agguataarneqarnerat takussutissiami matuma kingulianiittumi takuneqarsinnaavoq.



- b) Aningaasaliissutit sulissanut assigiinngitsunut atugassiissutigalugit agguataarnerat qanoq ippa? Atuineq sulissamilu kisitsisissatut naatsorsuutigisat skemanngorlugit agguataarneri ataatsimiititaliamit ujartorneqarpoq. Konto pingaarnermi matumani karsip misissorneqarnissaa pisariaqartinneqarpa?

Akissut: Great Greenland A/S-imik 2020-mut suleqatigiinnissamik isumaqatigiissut atsiorneqarpoq, taanna puisit amiinik tunisinermut aningaasat agguataarneqarnerata isumaqatigiinniutigineqarnerani KNAPK-mit peqataaffigineqarluni.

	Ataatsimut tunisinermi tapiissutit kr.- inngorlugit	Agguataarneranni procenti	2020— mi tunisat	2020-mi tunisat kr.- inngorlugit
Natserit 70 cm-erinit mikinerit	275	3%	904	248.600
Natserit 70 cm-init anginerit	300	46%	13.861	4.158.300
Aataat	400	51%	15.368	6.147.200
Tungaviumik tunisat			30.133	10.554.100
Iluaaarutit				1.000.000
Inuussutissarsiutigalugu piniartunut tunisinermut tungaviumik tapiissutit				11.554.100
Tungaviumik akiliutit - Great Greenland A/S-imik kiffartuussinissamik isumaqatigiissut				9.628.000
Tunisaqarnerunissamut kiisalu aningaasanit tigoriaannarnit amigartoorutaasinnaasut matussutissaattut sillimmatit. KNAPK-p, Great Greenland A/S-ip Namminersorlutillu Oqartussat akornanni ull. 1. maj 2020-mi				5.153.900

isumaqatigiissuteqartoqarneratigut
sillimmatit timitalerneqarput

- c) Aningaasaliissutit puisit amiinik tunisinerinnarmut atorneqarneq ajorput. Kontomut taaguummik eqqornerusumik Naalackersuisoq nassaarsinnaappat?

Akissut: Kontomut taaguut alla kissaatigineqassappat assersuutigalugu tassaasinnaavoq ”Tunisineranut tapiissutit ingerlatsinermullu tapiissutit”

11.4 Siunertamut konto 64.10 Inussutissarsiorneq

- a) Siunertamut kontoqarfik 64.10 ataatsimut isigalugu siunnersortit qassit suliassaqarfimmuut attuumassuteqarpat?

Akissut: Inuussutissarsiornermut kontoni 64.10-ni assigiinngitsuni siunnersortit imaattut atorneqarput:

- GEUS. Pingaartumik neqerooruteqartitsinissami sermeqarfiit imeqarfillu paasiniarneqarnerannut matussutissatut atorneqartarput
- Prografisk. Pingaartumik niuernikkut nittarsaassinermi atortut inissititernissaannut naqinneqarnissaannullu atorneqartarput
- Advokatfirmaet DLA. Inatsisilerinikkut siunnersorneqarnermut atorneqartarput
- Deluxus Studio. Pingaartumik ikiorsiissutit pillugit takussutissiornissamut videollu pillugit paasissutissiornissamut atorneqartarput
- BARK Studios. Isfjordscenterip pilersinneqarneranut atorneqarput
- JAC Studios. Isfjordscenterip pilersinneqarneranut atorneqarput

12. Suliassaqarfik 66 – 67 Aatsitassanut Suliffeqarnermullu Naalackersuisoq

12.1 Konto pingaarneq 67.01.08 Qaqqami sisoortoqarnissaanik misissuineranut Kalaallit Nunaata akiliutaa

Aningaasat ukiuanni 2021-mi taamaallaat 6 mio. kr.-it immikkoortinneqarsimasut aammalu ukiuni missingersuusiorfinni aningaasaliisoqarsimanngitsoq ataatsimiititaliamit maluginiarneqarpoq. Tamanna annikiginarpoq. Tamanna ima paasineqassava qaqqami sisoortoqarsinnaaneranik aalajangersaanissamut piffissamik annertunerusumik atuinnissaq pisariaqartinneqanngitsoq?

Akissut:

Aningaasat immikkoortinneqartut najukkani aalajangersimasuni 18-ini pisoqaratarsinnaanerata nassuiarneqarnissaa siunertaralugu ataatsimut iliuusissanut Kalaallit Nunaata aningaasaliissutigai. Misissuineq GEUS-imit ingerlanneqarpoq. Kalaallit Nunaata tapiissutai katillugit 9 mio. kr.-iupput aammalu Danmark 15 mio. kr.-it missaannik tapiissuteqarluni. Covid-19 pissutigalugu angalanikkut killilersuinerit pissutigalugit suliniut sivikinnerpaamik

ukiup affaaneq kinguaattoorpoq aammalu siusinnerpaamik 2022-p qiteqqunnerani naammassineqartussatut naatsorsuutigineqarluni. Kinguaattooruteqarnerit pissutigalugit 2020-mi kontomi aningaasartuuteqartoqassanngilaq. Taamaattumik ukiup tulliani annikinnerusumik atuinissamut Naalakkersuisut piginnaatillugit kontomut matumunnga oqaasertaliussaq Aningaasaqarnermut Akileraartarnermullu Ataatsimiititaliap akueraa. 2021-mut atugassanik 3 mio. kr.-inik nuussisoqassaaq. Taamaattumik 2021-mut aningaasaliissutiviit 9 mio. kr.-iupput.

13. Suliassaqarfik 70 – 72 - Ineqarnermut Attaveqaqatigiinnermullu Naalakkersuisoq

13.1 Konto pingaarneq 72.10.16 Inissiat attartortittakkat ingerlanneqarnerat, aningaasaliissutinit iluanaarutit

- a) Ineqarnermut akiliummik aalajangersaasarnermut atatillugu aammalu 40 mio. kr.-inik aningaasaliissuteqarnermut sanilliullugu oqariaatsip aningaasaliissutinit iluanaarutip erseqqinnerusumik itisilerneqarnissaa ataatsimiititaliamit kissaatigineqarpoq.

Akissut:

Aningaasaliissutinit iluanaarutit tassaapput aningaasat inissianik attartortittakkanik piginnittut inissianik atugassiissuteqarnermikkut pissarsiarisartagaat. Aningaasaliissutinit iluanaarutit Namminersorlutik Oqartussanut akilerneqartut Nunatta Karsianut tuttarput.

Inissianik attartortitsisarneq pillugu Inatsisartut inatsisaanni nr. 2, 12. maj 2005-imeersumi § 31 naapertorlugu ukiumoortumik Namminersornerullutik Oqartussat kommuniillu aningaasaliissutinit iluanaarutissaat illutip sananeranut akiusup 1,5%-iannik annertussuseqassaaq.

Sanaartukkat pisoqaanerusut nutaajunerusullu akornanni aningaasaliissutinit iluanaarutit assigiinngissutip annertuallaannginnissaa qulakkeerniarlugu peqqussummi § 31, imm. 2-mi aalajangersarneqarpoq illuutip sananeranut akiusoq minnerpaamik 7.000 kr.-iussasoq annerpaamillu 15.000 kr.-iussasoq.

- b) Innuttaasunut tassaarsuaqarneranik eqqugaasunut naatsorsuussanik Uummannami sanaartornermut atatillugu sanaartukkanik piginnittuunermet kiisalu aningaasaliinermet tunngasut ineqarnermut akiliutaasussanut sanilliullugit nassuiaatigineqarnissaat ataatsimiititaliamit kissaatigineqarpoq.

Akissut:

Taartissatut inissiat katillugit 40-t Uummannami nunaqarfiinilu agguataarneqartut sananeqarput. Aningaasartuutit tamarmiusut 111 mio. kr.-iupput, taakkunanit 80 mio. kr.-it Nunatta Karsianit aammalu 30 mio. kr.-it naalagaaffimmit tapiissutinit aningaasalersorneqarlutik.

Innuttaasut Nuugaatsiami Illorsuarniluunniit piginnittut inissiatillit aammalu nunaqarfiit taakku marluk avataatigut inissiamik imminnut pilersorsinnaanngitsut taartissatut inissianik tunineqarput.

Innuttaasut Nuugaatsiami Illorsuarniluunniit attartortittakkani najugaqarsimasut sumiiffinni allani ineqarnermut akiliiffiusussani inissiamik attartugassamik neqeroorfigineqarput. Ineqarnermut akiliutip annertussusia kommunimit inissianik piginnittumit aalajangersarneqarpoq. Tamanna inissianik attartortitsisarneq pillugu Inatsisartut inatsisaat nr. 2, 12. maj 2005-imeersoq naapertorlugu pivoq.

Taartissatut inissiat illunut sanaqataaffiusunut taarsigassarsiat pillugit Inatsisartut inatsisaat nr. 28, 3. december 2018-imeersoq naapertorlugu innuttaasunut tunniunneqarput. Taarsigassarsiaritineqartut ukiuni 20-ni ernialersugaanatillu taarsersugassaangitsutut tunniunneqarput. Taarsigassarsiaritineqartut piffissap taarsigassarsiffiusup ingerlanerani assigiiaartumik nalikillilerneqassapput ukiut tamaasa annertoqatigiiaanik annertussusilerneqartunik.

13.2 Konto pingaarneq 72.20.02 Kalaallit Nunaanni TV-kkut radiukkullu aallakaatitanik siammarterineq

- Namminersorlutik Oqartussat Tele Greenland A/S-illu akornanni aallakaatitsisarneq pillugu ingerlatsinissamik isumaqatigiissut taaneqarpoq, tassungalu ilaapput KNR-ip TV-mut radiumullu kiisalu Nuummi DR TV-p nassitsissutai.
- Suunuku aningaasaliissuteqarfigivut? Aningaasat qanoq agguataarneqarsimappat?
- Isumaqatigiissutit qanoq sivisutigisumik atuutissappat?
- Kanalit amerlanerit periarfissaasut oqaatigineqarpoq, taakku pillugit qanoq pilersaaruteqarpa?

Akissut:

Aningaasaliissutit digitaliusumik aallakaatitsiffiusumik pilersitsinissaq pillugu isumaqatigiissuteqarnissamut akiliutit atussapput. Isumaqatigiissummi ilaatigut siunertarineqarpoq analogimik aallakaatitsissutit digitalimik aallakaatitsissutinngorlugit allanngortinneqarnissaat. Isumaqatigiissut 31. december 2019-imi atorunnaartussat 2010-mi isumaqatigiissutigineqarpoq, tamatumali kingorna tamanna pillugu isumaqatigiissummi siunertarineqartut naapertorlugit marloriarlugu sivitsorneqarluni. Taamaalilluni 31. december 2021-mi atorunnaassaaq aamma sivitsoqqinneqarsinnaanani. 2020-mi sivitsorneqarnerata ilagisaatut isumaqatigiissutigineqarpoq Tele-Greenland HD-tut pitsaassuseqartumik aallakaatitsinissamut aallakaatitsissutini pitsanngorsassagaa. TV-kkut aallakaatitsissut pitsanngorsagaq ulloq 21. juni 2020-mi inuiattut ullorsiornermi atorneqarpoq. Isumaqatigiissut malillugu akiligassat immikkoortunut pingasunut agguataarneqarput; aallakaatitsinermut, imartat pillugit aallakaatitsinermut aammalu satellitumut aningaasartuutunut. Tele-Greenlandip atortunut aqutsinermullu aningaasartuutai akiliummi ilaatinneqarput. Kanalit amerlineqarnissaat maanna pilersaarutaanngilaq.

13.3 Konto pingaarneq 72.20.05 Ilaasunik angallassinermut tapiissutit

- a) Kiffartuussinissamik isumaqatigiissutinut 1. januar 2021-mi atuutilersussanut Naalakkersuisut missingiutaat Aningaasaqarnermut Akileraartarnermullu Ataatsimiititaliamit qaqugu naatsorsuutigineqarsinnaava?
- b) Mittarfiit nutaat kiffartuussinissamik isumaqatigiissutinut nutaanut qanoq sunniuteqartussatut naatsorsuutigineqarpat?
- c) Paasissutissanik nutaanik aningaasanik nutaamik nalilersueqqittariaqalersitsisunik saqqummertoqarpa?

Apeqqutinut a aamma c-mut akissut:

Kiffartuussinissamut nutaanik isumaqatigiissusiortoqarpoq. Taakku Aningaasaqarnermut Akileraartarnermullu Ataatsimiititaliamit ulloq 6. november 2020-mi akuerineqarput, tak. ataatsimiititaliap suliaa 20-905.

13.4 Konto pingaarneq 72.20.07 Ineriartortitsineq nakkutiginninnerlu, angallannermut suliassaqarfik

- a) Oqariartaatsit ineriartornerup nakkutiginninnerullu konto pingaarnermut matumunnga sanilliullugit atorneqarnerisa erseqqinnerusumik itisilerneqarnissaat ataatsimiititaliamit kissaatigineqarpoq.

Akissut:

Attaveqatigiinnermut immikkoortortap ingerlataanut, tassungalu ilanngullugu silaannakkut angallannermut, nunami assartuinnermut, imaatigut angallannermut umiarsualiveqarnermullu suliassaqarfimmik akisussaaffiup aningaasalersorneqarnissaannut aningaasaliissutit atorneqarput. 'Ineriartorneq' pillugu oqariaaseq eqqarsaatigalugu nunatsinni attaveqatigiinnerup ineriartortinneqarnissaatut isigineqarsinnaasunik suliniutinik assigiinngitsunik immikkoortortaq ingerlataqartuarpoq. Ukiuni kingulliunerusuni mittarfiit assut sammineqarput, tamatumalu saniatigut umiarsualiviit pillugit suliassaqarfik annertuumik aallunneqarluni. Maannakkut attaveqatigiinnermut ataatsimut periusissiaq sularineqarpoq. Oqariaatsimut 'nakkutillineq' atatillugu immikkoortoqarfiup umiarsualiveqarnermut suliassaqarfimmi ingerlaavartumik aserfallatsaaliinissaq/nakkutilliinissaq akisussaaffigaa, tamatumalu saniatigut Mittarfeqarfiup ingerlatai immikkoortoqarfimmit ingerlaavartumik nakkutilliivigineqarlutik. Kiisalu suliassaqarfiit nunatsinnit suli tiguneqanngitsut pillugit Danmarkimi oqartussaasut immikkoortoqarfimmit ingerlaavartumik attavigineqartarput.

13.5 Konto pingaarneq 72.26.02 Mittarfeqarfiit

- a) Kangerlussuarmut naalagaaffiup tapiissutai qanoq amerlatigippat, taakkulu naalagaaffiup iluaqutissarsineranut naapertuuppat?

Akissut:

Aningaasat immikkoortitat ataatsimoortut sumiiffinnut naatsorsorneqanngitsut pineqarput. Tapiissutit annertussusiata taakkulu iluaqutaanerisa akornanni pissutsinut naatsorsukkanik peqanngilaq.

14. Suliassaqarfik 73 – 77 – Suliffeqarnermut, Ilisimatusarnermut Avatangiisinullu Naalakkersuisoq

14.1 Konto pingaarneq 73.07.02 Piginnaasanik ineriartortitsiviusumik pikkorissarnerit

- a) Aningaasat ukiuanni 2021-mi ukiunilu missingersuusiorfinni suliassami kisitsisit appasinnerunissaat naatsorsuutigineqarpoq. Suliassat appasinnerunissaannik tamanna naatsorsuutiginninnerua?

Akissut: Pikkorissarnerit sivikinnerusut ikiliartorput, pikkorissarnerillu immikkoortukkuutaartut ineriartortinneqarlutik. Tamatuma nassatarisaanik pikkorissartunut aalajangersimasumik amerlassuseqartunut pikkorissartitsinerit sivisunerusumik ingerlanneqassasut. Tamatuma aalajangersimasumik kingunerissavaa sulisartut ilinniarsimannigitsut piginnaasaat qaffariaateqassammata. Tamanna pissutigalugu ingerlatat annikiliartunngillat.

- b) Ukiuni qaangiuttuni pikkorissarnerit qanoq ittut neqeroorutigineqarsimanersut aammalu pikkorissarnerit qanoq ittut piffissami aggersumi qitiutinneqartussat naatsorsuutigineqarnerisut nassuiaatigineqassasoq ataatsimiititaliamit kissaatigineqarpoq?

Ukiuni qaangiuttuni pikkorissarnerit makku neqeroorutigineqarlutillu ingerlanneqarput:

Qitiusumik Ilinniarfik	Pikkorissarnerup suunera
Perorsaanermik Ilinniarfik (SPS)	1) Meeqqat inuusuttuaqqallu pissusilersornikkut ajornartorsiutillit pillugit modul 1, 2 aamma 3 2) 3-6-inik ukiullit pillugit (ulluunerani paaqqinnittarfeqarneq meeqqanillu paaqqinniffiit)
Peqqissaanermik Ilinniarfik,	Piginnaasanik naliliiffiusumik piginnaasanik ineriartortitsineq modul 1,2, 3, 4 aamma 5
Imarsiornermik Ilinniarfik	Imaani isumannaatsuunissaq pillugu pikkorissarnerit
Campus Kujalleq	1) Takornariartitsineq pillugu pikkorissarnerit 2) Nittarsaassineq naatsorsuuserinermillu paasisimasaqarneq pillugit pikkorissarneq, 3) Pisortatut ineriartorneq modul, 1, 2 aamma 3 4) Ilitsersuusseriaaseq paasisutissanillu ujarlerneq 5) Naatsorsuuserinermik paasisimasaqarneq

INUILI	1) Eqqiaaneq 2) Fish Tech 3) Toqoraanermik suliallit eqqiluisaarnissaat 4) Suut tamaasa pillugit sullissineq 5) Pingaarnertut tunisassioortut eqqiluisaarnissaat
KTI-Oqaatsinik Ilinniarfik	Takornariartitsinermi tuluit oqaasii atorneqartut
KTI-Sanaartorneq	1) Krympemuffe 2) Ivigaasat aserfallatsaaliineqarnerat 3) Asbest, PCB aamma eqqagassalerineq 4) Qalialiineq /Qalissialerineq 5) Betonimik iluarsaaneq
KTI- Aatsitassarsiornermik Ilinniarfik	1) Maskiinanik aqutsineq, piginnaangorsarnek 2) Maskiinanik aqutsisoq 3) Allunaasalersuineq lifterinerlu 4) Ujaqqanik aserorterineq immikkoortiterinerlu 5) Qillerineq 6) Borevogn
KTI-Saviminilerineq	1) Aaquterlalerineq 2) Krøll/Kran 3) Truck 4) Semimobilkran 5) Gaffeltruck

2020mi makku neqeroortigineqarlutillu ingerlanneqassapput:

Qitiusumik Ilinniarfik	Pikkorissarnerup suunera
Perorsaanermik Ilinniarfik (SPS)	1) Ikorfartortit 2) 13-19-inik ukiullit pillugit 3) Perorsaasutut ikiortit
Peqqissaanermik Ilinniarfik	1) Piginnaasanik naliliiffiusumik piginnaasanik ineriartortitsineq modul 1,2, 3, 4 2) Nuummi paaqqutarinnittartunut RKV
Imarsiornermik Ilinniarfik	Imaani isumannaatsuunissaq pillugu pikkorissarnerit
Campus Kujalleq	1) Aallarnisaaneq 2) Naatsorsuuserinermik paasisimasaqarneq 3) Pisortatut ineriartorneq modul, 1, 2 aamma 3

	4) Mellemladerinut ilinniarsimangitsunut ineriartorneq pisortatut
INUILI	1) Eqqiluisaarneq 2) Fish Tech 3) Suut tamaasa pillugit sullissineq
KTI-Oqaatsinik Ilinniarfik	Aatsitassat pillugit tuluit oqaasii
KTI-Sanaartorneq	1) Systemforskalling 2) Mutforskalling 3) Arbejdsmandskursus 4) Asbest, svamp, PCB aamma eqqagassalerineq 5) Betonimik iluarsaaneq
KTI- Aatsitassarsiornermik Ilinniarfik	1) Maskinføreri, annertusarneq 2) Maskinføreri 3) Rigging aamma liftning 4) Ujaqqanik aserorterineq immikkoortiterinerlu 5) Qillerineq 6) Borevogn
KTI-Saviminilerineq	1) Krøll/Kran 2) Truck 3) Semimobilkran 4) Gaffeltruck

2021-mi pilersaarutaavoq pikkorissarnerit 2020-misulli neqeroorutigineqartunut assingussasut, tamatumani allaanerussutaassalluni INUILI-p Fish Techimik periuseq atussammagu, taannalu aallarnisarneqarunnaarluni immikkoortukkuutaatut aallartinneqarluni.

Immikkut suliniutaasutut taaneqarsinnaapput:

- 1) Qaanaap eqqaani pikkorissartitsinermi iliuusissat aalajangersimasut Dundasimi titaniumimik suliniummut atatillugu sulisussat piginnaanngorsarneqarnissaannik siunertallit. Taanna sunut tamanut atatillugu sullissinermut, hydraulikimut maskiinanillu aqutsinermut atavoq.
- 2) Nuummi isumassuineramik sulisut ilinniarsimangitsut piginnaasaannik annertusaaneq. 2020-mi Peqqissaanermik Ilinniarfik utoqqarnik paaqqutarinnittunik piginnaanngorsaasuusaaq. 2021-mi Perorsaanermik Ilinniarfik innarluutilerinerlut meeqqanillu paaqqutarinninnermut atatillugu sulisunik ilinniarsimangitsunik piginnaanngorsaasuusaaq
- c) Konto pingaarnermi siunertarineqartumut pikkorissarnerit imarisaasa attuumassuteqarnerisalu ingerlaavartumik nutarterneqartarnissaat Naalakkersuisunit pikkorissartitsisunillu qanoq qulakkeerneqartarpa? Tamatumunnga akisussaaffik sumiippa?

Akissut: Qitiusumik Ilinniarfiit sngusaqarnissamik
isumaqatigiissuteqarfiginerinut atatillugu missingersuutit Namminersorlutik
Oqartussanit akuerineqarput. Malitassat malinneqarnissaat Suliffeqarnermut
Naalakkersuisoqarfimmit qulakkeerneqassaaq aammalu qitiusumik ilinniarfiit
pikkorissartitsinernik neqeroortugineqartunik ingerlatsinerannik
malinnaassalluni.

- d) Pikkorissarnernik atuisut nunatsinni suminngaanneernerat kisitsisitigut
paasissutissiorfiusimava?

Akissut: Aap. Pikkorissartut pikkorissarnerup aallartinnerani sumi
najugaqarnersut pillugu kisitsisitigut paasissutissanik Suliffeqarnermut
Naalakkersuisoqarfik suliaqarsimavoq. Paasissutissat 2019-imeersuupput.
Pikkorissarnerit arlallit immikkoortukkuutaarput, tamatumalu nassatarisaanik
inuup ataatsip modulit tallimat tulleriisiinnarlugit ingerlassinnaallugit,
taamaalilluni paasissutissanik passussinermi tamanna eqqumaffiginarneqarpoq
aammalu kisitsinermi inuit normui ataasiakkaat malinneqarlutik.

Nanortalik:6, Qaqortoq: 25, Narsaq:21, Paamiut:10, Nuuk:31, Maniitsoq:34,
Sisimiut:100, Aasiaat: 22, Qasigianguit:11, Qeqertarsuaq:20, Ilulissat:84,
Uummanaq:13, Upernavik:13, Qaarsut:2, Qaanaaq:26, Tasiilaq: 9 aamma
Ittoqqoortoormiut: 16.

- e) Missingersuutininut ilanngussami allassimavoq PKU-mut immikkoortitani
pingaarnertut sammineqartut tassaasut ilinniagaqarsimanngitsut,
suliffissaaleqisut imaluunniit inuussutissarsiutini ingerlanerliortuni sulisut
kiisalu inuit immikkoortuni siunissami siuariartornissaannik
naatsorsuutigineqartuni pikkorissarnissamik pisariaqartitsisut.
Pikkorissarnerni peqataasut suliffissaaleqisuunersut, inuussutissarsiutini
ingerlanerluttuneersuunersut imaluunniit immikkoortuni siunissami
siuariartornissaannik naatsorsuutigineqartuni pikkorissarnissamik
pisariaqartitsisuunersut pillugit kisitsisitigut paasissutissiortoqarsimava?

Akissut: Pikkorissarnerit sunniteqarlutillu suliffeqavilernermik nassataqarnissaat
siunertaavoq. Piffissaalluartillugu iliuseqarnissaq allaffeqarfinnit
aalajangerneqarsinnaanngilaq. Piffissaalluartillugu iliuseqarneq pisut ilaanni
qitiusumik ilinniarfinnit inuussutissarsiutinillu ingerlatsivinnit
aalajangerneqarsinnaavoq. Oqaatigilluarlugu ingerlatsiveqarsinnaavoq
suliniummik aallartitsinerminnit ingerlatsilernissamik tungaanut
ikaarsaariarnermik nalaanni ilinniarnerminnik naammasseqqammersut kisiisa
piumasinnaavaat. Taamaattumik qitiusumik ilinniarfiit sulisussat
pisariaqartinneqartut pissarsiarineqarsinnaaqqullugit suliniutinik
aalajangersimasunik ingerlatsisut ingerlaavartumik isumaqatigiissuteqarfigaat.
Assersuutigalugu Aatsitassarsiornermik Ilinniarfik maanna mittarfiliornermik
suliniummumut atatillugu maskiinanik aqutsisussanik ulapputeqarpoq, taamaalilluni
mittarfiliortiternermi sulisussanik pisariaqartitsineq appariarpat pikkorissartut
piginnaasaat aatsitassarsiornermi aamma atorneqarsinnaaqqullugit.

- f) Naalackersuisut misigisimappat nalinginnaasumik isumaqartoqartoq aaqqissuussineq suliffissaaleqisunuinnaq atuuttoq aammalu suliffeqaraanni pikkorissartoqarsinnaanngitsoq?

Akissut: Naamik.

14.2 Konto pingaarneq 73.07.05 Majoriaq aamma 73.07.07 Ilinniartunut tapiissutit - Majoriaq

- a) Aningaasat ukiuanni 2021-mi aammalu ukiuni missingersuusiorfinni aningaasaliissutit ukiuni pineqartuni suliasmami kisitsisissatut naatsorsuutigineqartullu imminnut sooq ingerlaqatigiinngillat?

Akissut: Majoriaqarfiiit sulisunut, innaallagiamut, kiassarnermut internetimillu atuinnermut il.il. aalajangersimasumik aningaasartuuteqarput. Innuttaasulli Majoriamit neqeroorutinit atuisut amerlassusiat ukiut tamaasa nikerarpoq. Taamaattumik aningaasaliissutit ukiumit ukiumut allanngortinneqartarnerannut pissutaasoq tassaavoq innuttaasut Majoriamit neqeroorutininik pisariaqartitsisut ukiumit ukiumut allanngortarnerat. Inuussutissarsiornermut Suliffeqarnermullu Naalackersuisoqarfik angusat pillugit kommuninik ukiut tamaasa isumaqatigiissuteqartarpoq. Naalackersuisoqarfik angusat pillugit isumaqatigiissusioraangat ukiup siuliani kommunini ataasiakkaani ineriartorneq naatsorsorneqartarpoq.

- b) Suliffeqarnermi ineriartorneq, tassungalu ilanngullugu sulisartut suliatigut piginnaasaannik aammalu nunami nuttarsinnaanerannik nukittorsaaneq siuarsarniarlugu Majoriami ingerlatsiviit nuna tamakkerlugu salliullutik sullissisuunissaat Naalackersuisunit qanoq qulakkeerneqartarpa?

Akissut: Suliffissanut, ilitsersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. december 2015-imeersoq naapetorlugu kommunit Majoriamik ingerlatsinissamik akisussaaffeqartut Inuussutissarsiornermut Suliffeqarnermullu Naalackersuisoqarfimmit angusassat pillugit isumaqatigiissuteqarfigineqartarput. Kommunit angusassat pillugit isumaqatigiissuteqarfiginerisigut Majoriamik ingerlatsiviit suliffeqarnerup ineriartortinneqarnera siuarsarniarlugu, tassungalu ilanngullugu sulisussat suliatigut piginnaasaat nuttarsinnaassusiallu nukittorsarumallugit nuna tamakkerlugu namminneerlutik sullissinissaat angusassat pillugit kommuninik isumaqatigiissuteqarnermigut naalackersuisoqarfiup isumagaa. Angusassat pillugit isumaqatigiissutip malinneqarnera pillugu Majoriamik ingerlatsiviit tamaasa pillugit kommunit naalackersuisoqarfimmut nalunaarusiortassapput aammalu naalackersuisoqarfik nakkutilliinissaminut pisinnaatitaallunilu pisussaaffeqarpoq. Naalackersuisoqarfiup nakkutilliinini ingerlappaa akulikitsumik nalunaarutigineqartartut IT-kkullu nalunaarsukkat eqeersimaartumik malinnaaffiginerisigut aammalu naalackersuisoqarfik ukiumoortumik illoqarfinnut angalluni Majoriamik ingerlatsiviit alakkartarnerisigut nakkutilliinerminik ingerlataqarpoq.

- c) Apeqqut b-mi apeqqutigineqartunut tunngatillugu nalunaarusiortoqartarpa?

Akissut: Takuuk b)-mi akissut.

- d) Najukkani, nunap immikkoortuini nunalu tamaat inuussutissarsiortunut suliffeqarnikkut Majoriami ingerlatsiviit salliullutik suliaqarnerat Naalackersuisunit qanoq qulakkeerneqartarpa?

Akissut: Takuuk b)-mi akissut.

- e) Tigussaasumik atorfinitsitsinissaq siunertaralugu suliffissarsiortut sulisisullu akornanni attassuteqartoqarnissaanut Majoriami ingerlatsiviit salliullutik suliaqarnerat Naalackersuisunit qanoq qulakkeerneqartarpa?

Akissut: Takuuk b)-mi akissut.

- f) Apeqqut d-mi e-milu apeqqutigineqartunut tunngatillugu nalunaarusiortoqartarpa?

Akissut: Takuuk b)-mi akissut.

14.3 Konto pingaarneq 77.05.02 Pinngortitaleriffik

Nunatta avannaani immikkoortortamik pilersitsinissaaneq Naalackersuisunit qanoq isumaqarfigineqarpa?

Akissut:

Nunatta avannaani Pinngortitaleriffiup immikkoortortaanik pilersitsinissaq Naalackersuisut ataatsimut isigalugu isumaqatigaat. Taamaattorli maanna Covid-19-imik ajornartorsiut eqqumaffiginiarneqassaaq piffissami ajornartorsiorfiusumi iliuusissat aningaasartuuteqarfiusariaqartut killilersimaarniarlugit.

14.4 Konto pingaarneq 77.05.08 Avatangiisinut Aningaasaateqarfik

Aningaasaateqarfiup isertitaqarnissaa qulakkeerumallugu Naalackersuisut maanna qanoq pilersaaruteqarpat?

Akissut:

Aningaasaateqarfik ukiut tamaasa aningaasanut inatsimmit aningaasaliiffigineqartarpoq. Tamatuma allanngortinnissaa pilersaarutaanngilaq. Tamatuma saniatigut avatangiisinut atatillugu akitsuutit immikkut ittut aningaasaateqarfimmut ilanngunneqarsinnaanerat inatsimmi tunngavissaatinneqarpoq. Avatangiisit pillugit akitsuutinik atuutsitsilernissamut Naalackersuisut maanna pilersaaruteqanngillat.

9. Ilasutitut apequtit

9.1 Suliassa qarfiit assigiinngitsut

- a) Kommunit bloktilskudimut isumaqatigiinni arfigineqarnerannut killiffik qanoq ippa? Aporfeqarsimappat suut isumaqatigiinngissutaappat?

Akissut:

Borgmesterit isumaqatigiisummik atsiorumanatik nalunaaruteqarmata isumaqatigiissut allaffissornikkut naammassillugu suliarineqareerpoq. Tamanna 2021-mi akit akissarsiallu iluarsii ssutaannik ataatsimut isigalugu atorunnaarsitsinissap ajorineqarneranut pingaarnertut tunngavigineqarpoq. Kommunit tapiissutit amerlineqarnissaat kissaatigineqarpat tamanna aningaasanut inatsisip isumaqatigiinni utigineqarnerani ilaatinneqassaaq. Kommunit ataatsimoortumik tapiissutit amerlineqarnissaat Aningaasaqarnermut Ataatsimiititaliap aningaasanut inatsimmik oqimaaqatigiisummik piumasqaataanut naapertuutinnilaq.

- b) Maanna AIS21-mi kommunit bloktilskud aqutigalugu ilannganneqarfissaat soorlu kto. 20.05.20 aamma kto. 20.11.51-imiittut pillugit kommunit paaseqatigineqarsimappat?

Akissut:

Konto pingaarneq 20.05.20, kommunit ataatsimoortumik tapiissutinut tunngasoq eqqarsaatigalugu aningaasaliissutit allannguutissaasa annertussusiat isumaqatigiinngissutigineqarsimannilaq.

Konto pingaarnermi 20.11.51-imi, Isumaqatigiissutinut tunngasunik aningaasartuutissanut sillimatinut tunngasumi ingerlatseqatigiiffinnut akileraarutip annertussusaata appartinneqarnerata kingunerisaanik iluanaarutinit annaasat matussutissaannut aningaasat killissarisaannik immikkoortitsisoqarpoq. Kommunit isertitaannut sunniutinut kommunit isumaqatigiinni arnerit malillugit tamakkiisummik ilaannakortumilluunniit taarsiiffigineqarsinnaasut Namminersorlutik Oqartussat kommunillu akornanni missingersuutit pillugit isumaqatigiissut nutaaq tunngavissii voq. Aatsaat isumaqatigiinni uteqartoqaaqqarluni taarsiisoqarsinnaavoq. Isumaqatigiinni arnerit nalaanni apeqquteqartoqannilaq.

Kommunit akileraartarnikkut allannguinermi sunniutinut ataatsimut isigalugu taarsiiffigineqassanngitsut Naalakkersuisut isumaqarput. Tassunga atatillugumi eqqaamaneqassaaq akileraarutini appaernerup taaneqartup nassatarisaanik aningaasaliinissamut tunisassiornissamullu periarfissiineq kommuninit iluaqutaassammat.

- c) Kommunit Namminersorlutillu Oqartussallu iluanni ingerlatsivinnut, akit qaffakkiartorneranut nalimmassaanissamut (PL-regulering) Naalakkersuisut qanoq pilersaaruteqarpat? Kommunellu qanoq piumasqaateqarpat?

Akissut:

Akinut akissarsianullu iluarsiiissutissanik AIS 2021-mi ilanngussisoqanngilaq. Tamatumani aningaasartuutit tamarmik eqqarsaatigineqarput.

Ukiuni siuliini akinut akissarsianullu iluarsiiissuteqartoqarpoq, pingaartumik peqqinnissamut suliassaqarfimmi kommuninullu ataatsimoortumik tapiissutini suliassaqarfinnut allanut tamanut sanilliullugu akinut akissarsianullu qaffasinnerusumik iluarsiiissuteqartoqarluni.

Kommunit aalajangersimasunik piumasqaateqanngillat, oqaatigaluguli aningaasartuuteqarfitik annertuut tatineqarfigissallugit, taakkulu peqqinnissaqarnermut suliassaqarfimmut sanilliukkusullugit.

Aamma eqqaasitsissutigineqartariaqarpoq kommunit akileraarutip annertussusilernissaanut piginnaatitaaffeqarmata aammalu kommunini akileraarutit tassaammata kommunit annertunerpaamik isertitaqarfigisartagaat.

- d) Akit qaffakkiartornerannut (PL-regulering) nalimmassaanissaq pissutsit piviusut malillugit 1,85-iusoq Naalakkersuisup, 08.11.20 siunersiorneqarnermini oqaatigaa. Tamanna aningaasanngorlugu qanoq naleqarpa?

Akissut:

Iluoorpoq akinut akissarsianut 2021-mi iluarsiiissutitut naatsorsorneqartoq 1,85 %-iummat. Taama annertussuseq atornerqaraluarpat tamanna ataatsimoortumik tapiissutit 26 mio. kr.-inik amerlanerulernerannik nassataqarsimassagaluarpoq.

Tassunga atatillugu innersuussutigineqarpoq ukiuni siuliini akit akissarsiallu ineriartornerannut aningaasanut inatsimmi tamakkiisumik matussusiisoqartarsimannginnera ataatsimiititaliamit eqqumaffigineqarmat. Tamanna Namminersorlutik Oqartussani tamani atuussimavoq – aammalu kommuninut ataatsimoortumik tapiissutitut. Periutsip tamatuma takutippaat pilersitsisinnaassutisip ineriartortinneqarnissaa pisariaqartoq.

- e) Ingerlatseqatigiiffiit akileraarutaasa Naalakkersuisooqatigiinniit appartinneqarnera kinguneralugu, kommunit ukiumut isertitassaat 25 mio. kr.-inik ajorseriassaaq. Ajorseriaat kommunenut annertuumik sunniteqarnerluttussaavoq pingaartumik ukiuni siullerni. Tamanna

tunngavigalugu Naalackersuisut kommunenut tamakkiisumik ilaannakortumilluunniit annaasaqaataasunut matussusiiniarpat?

Akissut:

Siuliani b-mut akissut innersuussutigineqarpoq.

- f) Ukiuni kingullerni tallimani akisussaaffiit suut kommunenut tunniunneqarpat qanorlu aningaasartaqartinneqarpat?

Akissut:

Piffissami 2016-2020-mi suliassaqaarfiit makku kommuninut tunniunneqarput:

- Nunaqarfinnut isorliunerusunullu ineqarnikkut pilersaarut nuunneqarpoq 2017-imi 25,3 mio. kr.-inik aammalu 2018-imit 26,5 mio. kr.-inik aningaasartalik.
 - Ilaqutariinnut sullissivinnut ilaqutariinnullu højskolinut tapiissutit nuunneqarput 2018-imit 13,3 mio. kr.-inik aningaasartallit.
 - Atualertussanut atuarfinnik atuarfinnillu sanaartorneq nuunneqarpoq 2018-imit 90 mio. kr.-inik aningaasartalik.
 - Inuinnaat inissialertiternerannut tapiissutit nuunneqarput 2018-imit 35 mio. kr.-inik aningaasartallit.
 - Ineqarnermut tapiissutit, iluarsaassinermut tapiissutit nuunneqarput 2020-mit 10 mio. kr.-inik aningaasartallit.
- g) Sanaartugassanut aningaasaliissutit kommunenut tunniunneqartut aningaasartai atorneqanngitsoortartut pillugit Naalackersuisut iliuuseqalersaarlutik allagaqarnikuupput. Tassunga tunngatillugu qanoq pilersaaruteqartoqarpa?

Akissut:

Kommunit ataasiakkaat Sanaartugassanut Iluarsagassanullu Aningaasaateqarfittut ittunik naatsorsuuserinermi aningaasaateqarfinnik pilersitsisinnaanerannut inatsisisitigut tunngavissat qulakkeerneqarnissaat ilaatigut sulissutigineqarpoq. Tamatuma saniatigut apeqqutip isumasioqatigiiffinni susassaqaarfiusuni, tassunga ilanngullugu assersuutigalugu Naalackersuinikkut Ataqaatigiissaarisoqatigiinni (PKG) aammalu ataatsimoortumik tapiissutit pillugit isumaqatigiinniarnerni saqqummiunneqarnissaa Naalackersuisut naatsorsuutigaat.

- h) Qasigiannugit Aasiaallu erngup nukissiorfittaarnissaanut kiisalu Nuummi Utoqqarmiut Kangerluarsunnguanni nukissiorfiup allineqarnissaanut pilersaarutit qanoq killiffeqarpat?

Akissut:

Aalajangiinissamut tunngavissap pisariaqartumik
pitsanngorsarneqarnissaa siunertaralugu naalakkersuisoqarfiit
akimorlugit suleqatigiissitaliortoqarpoq.

- i) Kangaatsiap Atuarfiata Namminersorlutik Oqartussanit
aningsaliissutaareersut qaavisigut aningsaliiffigineqaqqinniarpa?
Soorlu Qassiarsuup atuarfissaanut assingusumik aqqiisoqarluni?

Akissut:

Naamik. Suliassaqaqarfirmut aningsaliissutit kommunit
nuunneqareerput. Taamaattumik atuarfinnik sanaartorneq kommunit
kisimik oqartussaaffigaat.

- j) Perorsaasut akissaataasa qaffanneqarnissaanut isumaqatigiinniarnermut
killiffik suua, aningsaallu qanoq amerlatigisut sinaakutigineqarpat?
Perorsaasut qanoq piunasaqaateqarpat piunasaqaataallu
Naalakkersuisunit naammassiniarneqarpat?

Akissut:

Perorsaasunut isumaqatigiissut pillugu isumaqatigiinniarnarit suli
ingerlanneqarput. Tamanna pissutigalugu Naalakkersuisut apeqqut
oqaaseqarfigisinnaanngilaat. Maanna killiffimmut atatillugu
inussiarnersumik innersuussutigineqarpoq borgmesterit aammalu
Aningsaqaqarnermut Naalakkersuisup ataatsimut tusagassiorfitsigut
nalunaarutaat. Taanna linkimi uani takuneqarsinnaavoq:

Kalaallisut:


<https://naalakkersuisut.gl/kl->

[GL/Naalakkersuisut/Pisut/2020/11/1011_ReplikPaedagogerne](https://naalakkersuisut.gl/kl-GL/Naalakkersuisut/Pisut/2020/11/1011_ReplikPaedagogerne)

Danskisut:

https://naalakkersuisut.gl/da/Naalakkersuisut/Nyheder/2020/11/1011_ReplikPaedagogerne

Inussiarnersumik inuulluaqqusillunga
Med venlig hilsen


Vittus Qujaukitsoq

Ilanngussaq:

- Naalakkersuisut isummernissaannut tunngavissiaq (Peqqinnissaq pillugu
Ataatsimiititaliarsuarmut suliaqkiut pillugu 8.2b-mut ilanngussaq)

Peqqissutsimut, Isumaginninnermut Inatsisinillu Atuutsitsinnermut Naalakkersuisoq

28-01-2020

Suliap normua: 2019 - 24820

Oqaluuserisassani imm.: _____

Naalakkersuisut isummernissaannut tunngavissiaq

Peqqinnissaq pillugu ataatsimiititaliarsuarmut suliakkiissutissanut siunnersuut

Inassuteqaat

Peqqinnissamut, Isumaginninnermut Inatsisinillu Atuutsitsinnermut Naalakkersuisup inassutigaa

- Peqqinnissaq pillugu Ataatsimiititaliarsuarmut suliakkiissutissanut siunnersuut una Naalakkersuisut akuersissutigissagaat
- Ataatsimiititaliarsuup katitigaanera, tamatumunnga ilanngullugu siulittaasoqatigiit, Naalakkersuisut akuersissutigissagaat
- Ilaqutariinnermut Peqqissutsimullu Ataatsimiititaliaq suliakkiissutit imaannik ilisimatinneqassasoq.
- Peqqissutsimut, Isumaginninnermut Inatsisinillu Atuutsitsinnermut Naalakkersuisoq Ilaqutariinnermut Peqqissutsimullu Ataatsimiititaliap nalunaarutai tunngavigalugit oqaasertanik allanngortitsinissaminut piginnaatinneqassasoq.

Aallaqqaasiut

Inatsisartut 2019-imi ukiakkut ataatsimiinneranni, immikkoortoq 98-imi, aalajangerneqarpoq Naalakkersuisut kingusinnerpaamik 2020-mi upernaakkut ataatsimiinnermi Peqqinnissaq pillugu Ataatsimiititaliarsuarmut suliakkiissutitut siunnersuummik saqqummiussissasut.

Ataatsimiititaliarsuup siunertaraa peqqinnissaqarfimmi ataatsimut isigalugu pitsanngorsaatisanik naleqqussaatisanillu inassuteqaasiornissaq, tamatumunnga ilanngunneqarlutik peqqinnissaqarfiup aqqissuussaanaera tamarmiusoq, sulisussarsiortarneq sulisullu sulisoriinnarnissaat kiisalu Danmarkimik nunanillu allanik suleqateqarneq. Inassuteqaatit Inatsisartunit peqqinnissaqarfimmi aqqissuusseqqittoqarnissamut politikikkut tunngavigineqassapput, aqqissuusseqqinnermilu siunissami peqqinnissaqarfiup sullissinera sinaakkuserneqassaaq. Ataatsimiititaliarsuup inassutigaa immikkoortoqarfiit akimorlugit pingaarnersiuneq aningaasallu atugassarititaareersut aallaavigineqassasut.

Tunngavigisaq

Peqqinnissaq pillugu Ataatsimiititaliarsuarmut suliakkiissutitut siunnersuut maanna saqqummiunneqassaaq.

Suliassat angusallu

Naatsorsuutigineqarpoq ataatsimiititaliarsuup suliniutit arlallit, aningaasatigut sinaakkutit iluanni aqqiissutaasinnaasut, tulluartaunersut misissuiffigissagai nalilersuiffigalugillu aamma qulequttanut, nalaatsornikkut tulleriiaarneqartunut, makkununnga periusissamik ujartuissasoq:

1. Inuiaqatigiit agguarneqarnerisa iluani, nunap aqqissuussaanaera, najugaqariaaseq, ilinniagaqarneq, kulturikkut attuumassutillit il.il. aqqissuussaanaikkut ineriartornermut suliaqarnermi aallaavigineqassapput.
2. Sulisunik atorluanerup pitsanngorsarneqarnissaa – tamatumunnga ilanngullugu qarasaasiatigut atortorissaarutininik il. Il. Pisiariaqartunik atuineq.
3. Nammattunik sulisussaqaqumalluni atuartaanikkut sulisussarsiortarnikkullu suliniutit.
4. Peqqinnissaqarfiup kommunillu suliaqarfissaa akornanni suleqatigiinneq.
5. Danmarkimut nunanullu allanut suleqateqarneq nukittoq
6. Peqqinnissaqarfiup iluani aningaasaqarnikkut isummersuutit tamakkiisumik ilaatinneqarnissaat.
7. Ilisimasanik toqqammaveqartumik paasissutissanik pisariaqartunik qulakkeerinninneq, aqut-sinermi paasissutissanik pitsanngorsaaneq anguniarlugu pitsaanerumik aqutsinissamut, aqutsisoqarfinnut naalakkersuisoqarfinnut politikikkullu sulinermit atorneqarsinnaasunik.
8. Ataatsimiititaliarsuup sulinera pillugu innuttaasunut ilisimatitsineq.
9. Oqaloqatigiinneq aallaavigalugu innuttaasut / napparsimasut isumaat ilaatinniarlugit taamaasilluni imminut isumagininneq aamma peqqinnissaqarfimmut piginneqataaneq ukkatarineqarluni

Ataatsimiititaliarsuup isumaliutissiissutaani peqqinnissaqarfimmi suliassanut pitsaassutsinullu tunngasut nassuiarneqaannaratik aamma tamatuma pisortanut innuttaasunullu aningaasaqarnerup allaffissornerullu tungaasigut malitsissai nassuiarneqassasut. Naatsorsuutigineqarpoq naammassisassatut ilimagisat qularnartortaqaarsinnaassasut aamma ataatsimiititaliarsuup inassuteqaataasa kinguneri pisariaqartumik qulaajarneqassasut. Aammattaaq naatsorsuutigineqarpoq isumaliutissiissut peqqinnissaqarfimmut immikkoortortanullu attuumassutilinnut immikkoortortamut pilersaarutit pioreersut kiisalu peqqinnissaqarfimmi pingaarnersueqqinnissaq pillugit inassuteqaatinik imaqassasoq. Naatsorsuutigineqarpoq peqqinnissaqarfimmi suliniutit aallartisarneqareertut maannakkutut ingerlatiinnarneqassasut, ataatsimiititaliarsuup sulineranit kinguarsarneqassanngitsut, aatsaalli Naalakkersuisut allatut isumaqarlutik nalilerpassuk, .

Peqqinnissaq pillugu Ataatsimiititaliarsuup katitigaanera

Peqqinnissaq pillugu Ataatsimiititaliarsuup 9-nik ilaasortaqqarpoq. Naalakkersuisut siulittaasoqatigiinnik 3-nik ilaasortalinnik toqqaassapput, taakkulu peqqinnissaqarfimmi aaqqissuussinernik ingerlatsinermik suliatigut ilisimasaqassapput, kiisalu inuiaqatigiit kalaallit ilisimasaqarfigissallugit. Ilaasortat 6-it peqqinnissaqarfimmik ilisimasaqartut soqutigisaqatigiit inassuteqarnerisigut toqqaarneqassapput.

Ataatsimiititaliarsuup siulersuisuinut ilaasortat:

Naalakkersuisut siulersuisunut ilaasortassatut makku toqqaarpaat:

Siulittaasoq: Ulrik Blidorf, eqqartuussissuserisoq, eqqartuussissuserisoqarfimmillu Inuit Law-imik piginnittoq. Royal Arctic Line A/S-ip siulersuisuinut siulittaasoq. Tele Greenland A/S-ip siulersuisuinut ilaasortaqq.

Siulittaasup tullia: Keld Møller Pedersen, peqqissutsimut aningaasaqarnermi peqqissutsimilu politikkeqarnermi professori, Syddansk Universitet. Ataatsimiititaliarsuarni siulersuisunilu suliaqarnermik ukiorpassuarni misilittagalik kiisalu peqqissutsikkut isumaginninnikkullu pissutsit tungaasigut politikikkut siunnersuisartoq.

Siulittaasup tullia: Tine Aagaard. Issitumi Ilisimatusarnermi Ph.d. – Ilisimatusarfimmi Peqqissutsikkut Inuiaqatigiinnilu pissutsit. Tarnip pissusnaanik Ilinniartitaanermillu ilisimatusarnermi Cand. Mag. Peqqissaasoq. Piginnaanngorsaaqqinnermi napparsimasunillu peqataatitsinermi ilisimatusartoq.

Ilaasortat soqutigisaqatigiinnit ukunanga inassutigineqartut:

- 1 sinniisuutitaq kommuninit ataatsimut toqqaarneqartoq
- 1 sinniisuutitaq Neriuffimmit toqqaarneqartoq
- 1 sinniisuutitaq Nunatsinni Nakorsat Peqatigiiffiannit toqqaarneqartoq
- 1 sinniisuutitaq PPK-mit toqqaarneqartoq
- 1 sinniisuutitaq SIK-mit toqqaarneqartoq
- 1 sinniisuutitaq Kigutit Nakorsaasa Peqatigiiffiannit toqqaarneqartoq

Naalakkersuisoqarfiit uku immikkut ilaasortaaitatut) peqataassapput:

- Peqqissutsimut Naalakkersuisoqarfik
- Aningaasaqarnermut Naalakkersuisoqarfik
- Isumaginninnermut Inatsisinillu Atuutsitsinnermut Naalakkersuisoqarfik
- Ilinniartitaanermut, Kultureqarnermut Ilageeqarnermullu Naalakkersuisoqarfik
- Kalaallit Nunaanni Innuttaasut Peqqissussaannut Centeri
- Nakorsaaneqarfik siulittaasoqatigiinni immikkut ilaasortaaitaassaaq

Soqutigisaqaqatigiit inassuteqaateqartassapput maleruagassat, angutit arnallu naligiissitaanissaat pillugu Inatsisartut inatsisaanni nr. 3-mi, 29. november 2013-imeersumi kapitali 3-miittut, malillugit.

Siulittaasoqaatigiit suliassap qanoq ittuunera naapertorlugu immikkut ilaasortaaitanik ilanngutsitsisinnaapput, assersuutigalugu kattuffinniit pisortaniillu il.il. naleqquttuneersunik.

Politikkikkut malinnaasartoqatigiit

Politikkikkut malinnaasartoqatigiinnik pilersitsisoqassaaq Ilaqutariinnermut Peqqissutsimullu Ataatsimiititaliameersunik ilaasortaartumik. Politikkikkut malinnaasartoqatigiit politikikkut aalajangiinernik qanimut malinnaasarnissaasa qularnaarneqarnissaa siunertarineqarpoq, tamannalu ilutigalugu malinnaasartoqatigiit partiinut allanut Inatsisartunilu ilaasortanut paasissutissiisartuusassapput.

Allattoqarfittut ikiuunneq

Peqqissutsimut Naalakkersuisoqarfik aamma Aningaasaqarnermut Naalakkersuisoqarfik ataatsimiititaliarsuup allattoqarfikkut sullissineranik isumaginnittuussapput, ilaatigut suliassat makkuussallutik:

- Suliassaqarfiit pillugit nassuiaasioorneq, tamatumunnga ilanngullugu paasissutissanik katersuineq.
- Suliniutit kingunerisinnaasaannik naatsorsuineq aamma periarfissatut takorluukkanik allattuineq.
- Ataatsimiititaliarsuup suliaanik immikkoortoqarfiit assigiinngitsut akimorlugit atuutilersitsineq.
- Allatsi suliamik ilisimasalik – oqaluserisassanik allattuineq, imaqarniliuineq il.il.
- Allattoqarfiup nalinginnaasumik suliarissavai angalanissanik akunnittarfirmiinnissanillu inniminniineq, angalanerit pillugit naatsorsuusiorneq, akissarsisitsineq aamma sulinikkut isertitassaraluanik annaasanik akiliineq.

Aningaasaqarnikkut kinguneri

2020-mut aningaasanut inatsisissaq pillugu isumaqatiginninniarnerni naalakkersuisoqatigiit partiillu tapersersortaaq akuersissutigaat peqqinnissaq pillugu ataatsimiititaliarsuarmik

2020-mi pilersitsisoqassasoq, aningaasanullu inatsimmi 6 mio. kr.-nik ukiunut pingasunut immikkoortitsisoqarpoq.

Aningaasat ima agguataarneqarput: 2020: 2 mio. kr., 2021: 3 mio. kr., 2022: 1 mio. kr.

Ilaasortanik akissarsisitsisarneq

Ataatsimiititaliarsuup siulittaasua kiisalu ilaasortat immikkut ilisimasallit marluk akissarsiaqartinneqassapput aningaasarsiaqartitaasarnermik inatsit malillugu, tak. *Inatsisartuni Naalakkersuisunilu il. il. ilaasortat aningaasarsiaqartitaanerit il. il. pillugit Inatsisartut inatsisissaat nr. 22, 18. december 2003-meersoq* kingusinnerusukkut allannguutitalik.

Aningaasarsiassat annertussusaat Aalisarneq pillugu Ataatsimiititaliarsuup annertussusiliisimanagera malillugu aalajangersarneqassapput, taamaalilluni siulittaasooq *Inatsisartut inatsisissaanni nr. 22-mi, 18. december 2003-meersumi § 18, imm. 2* malillugu qaammammut kr. 30.000-it missaannik akissarsiaqartinneqassaaq.

Ataatsimiititaliarsuarmut ilaasortat, peqqinnissaqarfimmi atorfeqartut, ataatsimiititaliarsuarmi sulinerminni akissarsisinneqartassanngillat, sulisitsisuminniilli nalinginnaasumik akissarsiaqassallutik.

Ataatsimiititaliarsuarmut ilaasortat sinneri, akissarsisinneqartanngitsut, uppersaatinik tunniussillutik sulinikkut isertitassaraluanik annaasanik utertitsivigineqarnissamik qinnuteqarsinnaapput.

Attaveqqaqatigiinneq

Peqqissutsimut, Isumaginninnermut Inatsisinillu Atuutsitsinnermut Naalakkersuisup Ilaqutariinnermut Peqqissutsimullu Ataatsimiititaliaq Peqqinnissaq pillugu Ataatsimiititaliarsuaq pillugu ilisimatissavaa, aalajangiiffigisassatut siunnersuutip matuma nuutsinneqarneranik nassiussaqarnermigut.

Tusarniaaneq

Naalakkersuisoqarfiit tamarmik peqqinnissaq pillugu ataatsimiititaliarsuarmut suliaakkiissutissanut siunnersuut pillugu tusarniaavigineqarput.

Tusarniaanermi akissuteqaat Naalakkersuisoqarfimmiit ukunanga tiguneqarpoq: Pinngortitamut Avatangiisinullu Naalakkersuisoqarfik, Aningaasaqarnermut Naalakkersuisoqarfik, Aatsitassanut Naalakkersuisoqarfik, Aalisarnermut, Piniarnermut Nunalerinnermullu Naalakkersuisoqarfik, Isumaginninnermut Inatsisinillu Atuutsitsinnermut Naalakkersuisoqarfik aamma Ilinniartitaanerit, Kultureqarnermut Ilageeqarnermullu Naalakkersuisoqarfik. Tusarniaanermi akissuteqaatit naleqquttumik pisariaqarnerat malillugu ilanngunneqarput.

Isumaginninnermut Inatsisinillu Atuutsitsinnermut Naalakkersuisoqarfimmit tusarniaanermi akissut tunniunneqartoq naapertorlugi, suleriaatsit aamma piffissamut pilersaarut pillugit immikkoortumut tusarniaanermi akissut tulliuuttoq tunniunneqarpoq:

Naleqquttuuvog naatsorsuutigissallugu, ataatsimiititaliarsuup sulinissanut piffissamut pilersaarummik piviusuunerusumik imaqarnissaa, tassunga ukiuni arlalinni mio. kr.-it arlallit illuartinneqarmata. Naammangilluinnarpoq ukiumut ataatsimiinnerit sisamat ingerlanneqartarnissaat. Tamatuma saniatigut sulinermi suliassat piviusut erseqqissarneqartariaqarput.

Peqqissutsimut Naalakkersuisoq isumaqarpoq ukiumut minnerpaamik sisamariarluni ataatsimiittoqartarnissaa naammaginnartuusoq. Naatsorsuutigineqarpoq ataatsimiititaliarsuup nammineq piffissaq eqqarsaatigalugu sulinertik aalajangersassagaat, pisariaqartitsinermilu minnerpaaffissamit amerlanerusunik ataatsimiissinnaapput.


Martha Abelsen


Tine Pars

Ilanngussat

Peqqinnissaq pillugu ataatsimiititaliarsuarmut suliakkiissummut najoqqutassiaq

Peqqinnissaq pillugu ataatsimiititaliarsuup sulinissamut tunngavissaa

Tunuliaqut

Ukiaanerani Inatsisartut ataatsimiinneranni 2019-imi, immikkoortoq 98-imi, peqqinnissaq pillugu ataatsimiititaliarsuup sulinissamut tunngavissaanik siunnersuusiornissaq kingusinnerpaamik upernaakkut 2020-mi ataatsimiinnissamut Naalackersuisunit saqqummiunneqassasoq aalajangiunneqarpoq.

Naalackersuisooqatigiit tapersortasullu 2020-imut aningaasanut inatsisissap isumaqatigiinnu-tigineqarnerani 2020-mi peqqinnissaq pillugu ataatsimiititaliarsuarmik pilersitsisoqassasoq akuersissutigaat, aningaasanullu inatsimmit ukiunut pingasunut 6 mio. kr.-inik immik-koortitsillutik. Aningaasat imatut agguarneqarput: 2020: 2 mio. kr.. 2021: 3 mio. kr.. 2022: 1 mio. kr.

Ataatsimiititaliarsuarmi ilaasortaasussat aningaasanut inatsisip akuersissutigineqarnerata kingor-na toqqarneqassapput. Ataatsimiititaliarsuup imai pillugit Inatsisartut Ilaqutariinnermut Peqqis-sutsimullu ataatsimiititaliaa ilisimatinneqassaaq. Ilaasortat peqqinnissaqarfiup iluani suliaasaqar-finnit assigiinngitsunit taavalu allat peqqinnissaqarfimmi sulianut ilisimasalinnik inuttaqassap-put.

Ataatsimiititaliarsuup sulinissamut tunngavissai Naalackersuisunit suliarineqassaaq. Tunngavis-sat ilaatigut ataatsimiititaliarsuarmi ilaasortat qanoq toqqarneqartassanersut pillugit najoqqutas-sanik aalajangersaassallutik, allattoqarfimmik pilersitsineq taavalu suliat naammassineqarnis-saannut ulluliussat sulinissamut tunngavissap aalajangersassavai.

Tassunga atatillugu aningaasat illikartinneqartut naalackersuisoqarfinni attuumassuteqartuni il.il. taavalu avataaniit immikkut ilisimasalinnik allaffissornikkut suliasat suliarineqarnissaannut atorneqarsinnaapput.

Peqqinnissamut ataatsimiititaliarsuup siunertaa sinaakktissaalu

Peqqinnissaqarfiup iluani tulluarsaanissamut pitsanngorsaannissamullu innersuusiornissaq ataatsimii-titaliarsuup siunertarivaa, taassuma ataani peqqinnissaqarfik ataatsimut aaqqissuussaanaera ataatsimut isigalugu, sulisussarsiortarneq sulisullu sulisoriinnarnissaannut taavalu Danmarkimut nuna-nullu allanut suleqateqarneq. Siunissami peqqinnissamut suliat sinaakktissaasa isumannaar-nissaanut innersuussutit peqqinnissaqarfimmi aaqqissuusseqqinnissamut Inatsisartut politikkikkut tunngavigissavai. Immikkoortortaqrifiit akimorlugit pingaarnersiuneq aningaasallu atugassa-rititaasut iluanni pioreersut suliasat ataatsimiititaliarsuup innersuussutaanit aallaavigineqassapput, taassuma ataani suliat naammassineqarnissaannut piffissaliussat pisariaqartut ilanngunneqarnissaat.

Suliassat inernerilu

Ataatsmiititaliarsuaq suliniutit arlallit pissusissamisoornersut misissussallugit nalilersussallugillu naatsorsuutigineqarpoq, immikkoortunut tullinnguuttunut sularinninnissamik aningaasaliissutini sinaakkutigineqartuni aaqqiissutissatut periarfissanik periusissanillu ujartuissallutik:

1. Inuiaqatigiit agguarneqarnerisa iluani, nunap aaqqissuussaanera, najugaqariaaseq, ilinniagarneq, kulturikkut attuumassutillit il.il. aaqqissuussaanikkut ineriartornermut sulararnermi aallaavigineqassapput.
2. Sulisunik atorluanaanerup pitsanngorsarneqarnissaa – tamatumunnga ilanngullugu qarasaasiatigut atortorissaarutinik il. Il. Pisiariaqartunik atuineq.
3. Nammattunik sulisusaqarumalluni atuartitaanikkut sulisussarsiortarnikkullu suliniutit.
4. Peqqinnissaqarfiup kommunillu sulariaqarfissaa akornanni suleqatigiinneq.
5. Danmarkimut nunanullu allanut suleqateqarneq nukittoq
6. Peqqinnissaqarfiup iluani aningaasaqarnikkut isummersuutit tamakkiisumik ilaatinneqarnissaat.
7. Ilisimasaniq toqqammaveqartumik paasissutissaniq pisariaqartunik qulakkeerinninneq, aqut-sinermi paasissutissaniq pitsanngorsaaneq anguniarlugu pitsaanerumik aqutsinissamut, aqutsisoqarfimmut naalakkersuisoqarfimmut politikkikkullu sulinermi atorneqarsinnaasunik.
8. Ataatsmiititaliarsuup sulinera pillugu innuttaasunut ilisimatitsineq.
9. Oqaloqatigiinneq aallaavigalugu innuttaasut / napparsimasut isumaat ilaatinnissaat taamasilluni imminut isumagininneq aamma peqqinnissaqarfimmut piginneqataaneq ukkatarineqarluni

Ataatsmiititaliarsuup isumaliutissiissutaani peqqinnissaqarfimmi sulariassanut pitsaassutsinullu tunngasut nassuiarneqaannaratik aamma tamatuma pisortanut innuttaasunullu aningaasaqarnerup allaffissornerullu tungaasigut malitsissai nassuiarneqassasut. Naatsorsuutigineqarpoq naammassisassatut ilimagisat qularnartortaqsinnaassasut aamma ataatsmiititaliarsuup inassuteqaataasa kinguneri pisariaqartumik qulaajarneqassasut. Aammattaaq naatsorsuutigineqarpoq isumaliutissiissut, peqqinnissaqarfimmut immikkoortortanullu attuumassutilinnut immikkoortortamut pilersaarutit pioreersut kiisalu peqqinnissaqarfimmi pingaarnersiueqqinnissaq pillugit inassuteqaatinik imaqqassasut. Naatsorsuutigineqarpoq peqqinnissaqarfimmi suliniutit aallartisarneqareertut maannakkutut ingerlatiinnarneqassasut, ataatsmiititaliarsuup sulineranit kinguarsarneqassanngitsut, aatsaalli Naalakkersuisut allatut isumaqarlutik nalilerpassuk,

Suleriaaseq piffissaliussarlu

Ataatsmiititaliarsuup suleriaasissani nammineq aalajangissavaa, minnerpaamilli ukiumut sisamari-arlutik ataatsimeeqatigiittarnissaat naatsorsuutigineqarpoq. Minnerpaamik ukiumut ataasiaq najuul-

luni ataatsimeeqatigiittoqartassaaq. Ataatsimiititaliarsuup sulinermini immikkoortortat peqatigiiffiillu attuumassuteqartut sapinngisamik amerlanerpaat ilanngunneqarnissaat ataatsimiititaliarsuup qulakkiissavaa.

Peqqinnissaqarfiup suliaanut tunngatillugu ataatsimiititaliarsuaq qaqugukkulluunniit apeqqutinik tunniussinissaminut pisinnaatitaaffeqarpoq. Apeqqutit tamarmik ataatsimiititaliarsuup allattoqarfianut tunniunneqartassapput, akissutissallu Peqqissutsimut Naalakkersuisoqarfimmit naalakkersuisoqarfinnillu allanit attuumassuteqartunit aaneqartassapput.

Pingaarnertut piffissaliussatut siunnersuut

2020

Peqqinnissaqarfiup minnerpaamik ukiut qulit siumut isigalugit ineriartortitsinissaaq ataatsimiititaliarsuaq sulissaaq, ukiorlu 2030-imi peqqinnissaqarfimmut takorluugartik ilusilersussallugu. Takorluukkat piviusunik naatsorsuutigisanik aningaasaqarnerullu iluani suliarisinnaasat iluini inuiaqatigiillu agguarneqarneri pillugit paasissutissanik tunngaveqassapput. Ataatsimiititaliarsuup pilersinneqarnerata kinguninngua Peqqissutsimut Naalakkersuisoqarfimmit, Peqqinnissaqarfimmik aqutsisunit taavalu Nakorsaannermit saqqummiisoqarneratigut Kalaallit Nunaanni peqqinnissaqarfimmut ataatsimiititaliarsuaq saqqummiunneqassaaq. Aammattaaq peqqinnissaqarfiup iluani 2019-imi aningaasartuutitut misissuinerup inerneru innersuussutitaalu ataatsimiititaliarsuup piareersarnermini saqqummiutissagai naatsorsuutigineqarpoq. Taassuma avataatigut paasissutissat attuumassuteqartut, taassuma ataani peqqinnissaqarfik pillugu siusinnerusukkut ingerlasullu nassuiaatit, misissuinerit ataatsimiititaliarsuarmut tunniunneqassapput.

2021

Ukiup affaata siulliup iluani ataatsimiititaliarsuup suliai pillugit soqutigisaqartunut innuttaasunullu, suleriaqqinnissamut oqaloqatigiinneq isummersoqatigiinnerlu siunertaralugit attuumassuteqartunut saqqummiussisoqassaaq. Tamanna nalunaarusiaagallartumi aallaaveqassaaq.

Ukiup affaata kingulliup iluani sulineq tulluussarneqassaaq, peqqinnissaqarfiup sullissineranut aaq-qissuussinermut tunngavissanut siunnersuutitalinnik. Nalunaarusiaq naammassine-qassaaq.

2022 (kvartali siulleg)

Ataatsimiititaliarsuup suliai Naalakkersuisunut Inatsisartunullu saqqummiunneqarneri.

Peqqinnissaq pillugu Ataatsimiititaliarsuup katitigaanera

Peqqinnissaq pillugu Ataatsimiititaliarsuaq 9-nik ilaasortaqarpoq. Naalakkersuisut siulittaasoqatigiinnik 3-nik ilaasortalinnik toqqaassapput, taakkulu peqqinnissaqarfimmi aaqqissuussinernik ingerlatsinermik suliatigut ilisimasaqassapput, kiisalu inuiaqatigiit kalaallit

ilisimasaqarfigissallugit. Ilaasortat 6-it peqqinnissaqarfimmik ilisimasaqartut soqutigisaqaqatigiit inassuteqarnerisigut toqqarneqassapput.

Siulittaasuni ilaasortat peqatigiiffinnut assigisaannullu attuumassuteqassanngitsut piumasqaataavoq. Siulittaasuni ilaasortat immikkut ataatsimullu peqqinnissaqarfik pillugu suliassanut ilisimasaqarlutillu misilittagaqarsimanissaat naatsorsuutigineqarpoq.

Siulittaasut allatseqarfimmik suleqateqarnissaq, ataatsimiititaliarsuup sulinerani siuarsaanissaq piukkunnarsaanissarlu, sulinissamullu tunngaviit naapertorlugit sulinissaq suliassarissavaat.

Tulliuttut soqutigisaqaqatigiinniit innersuunneqarnerat tunngavigalugu toqqarneqassapput:

Ilaasortat soqutigisaqaqatigiinniit ukunannga inassutigineqartut

- 1 sinniisuutitaq kommuninit ataatsimut toqqarneqartoq
- 1 sinniisuutitaq Neriuffimmit toqqarneqartoq
- 1 sinniisuutitaq Nunatsinni Nakorsat Peqatigiiffiannit toqqarneqartoq
- 1 sinniisuutitaq PPK-mit toqqarneqartoq
- 1 sinniisuutitaq SIK-mit toqqarneqartoq
- 1 sinniisuutitaq Kigutit Nakorsaasa Peqatigiiffiannit toqqarneqartoq

Oqartussaasunit immikkoortortat uku immikkut ilaasortaaitatut peqataassapput

- Peqqissutsimut Naalackersuisoqarfik
- Aningaasaqarnermut Naalackersuisoqarfik
- Isumaginninnermut Inatsisinillu Atuutsitsinnermut Naalackersuisoqarfik
- Ilinniartitaanermut, Kultureqarnermut Ilageeqarnermullu Naalackersuisoqarfik
- Kalaallit Nunaanni Innuttaasut Peqqissussaannut Centeri
- Nunatsinni Nakorsaaneq siulittaasooqatigiinnut peqataatinneqassaaq

Siulittaasooqatigiit suliassap qanoq ittuunera apeqqutaatillugu assersuutigalugu peqatigiiffinnit oqartussaasunillu attuumassuteqartunit assigisaannullu peqataatsisisinnaapput.

Soqutigisaqaqatigiinniit innersuussutit malittarisassat malillugit innersuussutigineqartassapput, taanalu angutit arnullu naligiissitaanissaat pillugu Inatsisartut inatsisaat nr. 3, 29. november 2013-meersoq kapitel 3 malippaa. Ataatsimiititaliat pisortatigoortut Naalackersuisunit pilersinneqarsimasut pillugit inuiaqatigiinnut sunniuteqarsinnaasut pillugit malittarisassanik imaluunniit pilersaarusiornissamik piareersaanissamut malittarisassat annerpaamik suaassutsip aappaa aappaanit annerpaamik ataatsimik amerlanersusinnaaneranik malittarisassaq innersuussutigineqarpoq. Taamaasillutik Naalackersuisut peqqinnissaq pillugu ataatsimiititaliarsuarmi ilaasortat annerpaamik suaassutsip aappaanit annerpaamik ataatsimik amerlanerusunik ilaasortaqaarsinnaatillugu.

Soqutigisaqaqatigiinnit peqqinnissaq pillugu ataatsimiititaliarsuarmi ilaasortassatut innersuussutigineqartut angut ataaseq arnarlu ataaseq Naalakkersuisunit toqqagassanngorlugu siunnersuutigissa-vaat. Ilaasorta q toqqarneqanngitsoq sinniisussatut toqqarneqassaaq.

Ilaasortassatut innersuussutit aalajangersagaq malinngippassuk, immikkut peqquteqartoqartillugu naammassineqarsinnaanngippat innersuussut pineqartoq Naalakkersuisunit malinneqassanngilaq. Taamaattoqarneratigut soqutigisaqaqatigiit Naalakkersuisunut tunngavissalimmik nassuiaateqas-sapput.

Kommuunit ataatsimoorlutik ilaasortamik ataatsimik innersuussinissaminut periarfissaqarput. Kom-munit ataatsimoorlutik ilaasortassamik innersuussinissaminut isumaqatigiissinnaanngippata, kommunit immikkut angummik ataatsimik arnamillu ataatsimik innersuussissapput. Taava inner-suussutit malillugit Naalakkersuisut toqqaassapput.

Naalakkersuisuni/Inatsisartuni ilaasortat peqqinnissaq pillugu ataatsimiititaluarsuarmut ilaasortas-satut innersuunneqarsinnaanngillat. Peqqissutsimut Naalakkersuisoqarfimmi, Peqqissutsimut Pitsaa-liuinernullu Aqutsisoqarfimmi taavalu Nakorsaaneqarfimmi sulisut peqqinnissaq pillugu ataatsi-miititaliarsuarmi ilaasortassatut innersuunneqarsinnaanngillat.

Ilaasortaajunnaartoqartillugu taarsiinissaq pisariaqartoq peqqinnissaq pillugu ataatsimiititaliarsuup innersuussineratigut pisassaaq, soqutigisaqaqatigiinnit siuliani innersuussisimasut tunuliaqutaralugu nutaamik innersuussineq Naalakkersuisunit akuerineqassalluni.

Politikkikkut malinnaasartoqatigiit

Politikkikkut malinnaasartoqatigiinnik pilersitsisoqassaaq Ilaqutariinnermut Peqqissutsimullu Ataatsimiititaliameersunik ilaasortaqaqatigiinnik. Politikkikkut malinnaasartoqatigiit politikikkut aalajangiinernik qanimut malinnaasarnissaasa qularnaarneqarnissaa siunertarinearpoq, tamannalu ilutigalugu malinnaasartoqatigiit partiinut allanut Inatsisartunilu ilaasortanut paasissutissiisartuusassapput.

Allattoqarfittut ikiuunneq

Peqqissutsimut Naalakkersuisoqarfik aamma Aningaasaqarnermut Naalakkersuisoqarfik ataatsimiititaliarsuup allattoqarfikkut sullissineranik isumaginnittuussapput, ilaatigut suliasat makkuussallutik:

- Suliassaqarfiit pillugit nassuiaasioqarpoq, tamatumunnga ilanngullugu paasissutissanik katersuineq.

- Suliniutit kingunerisinnaasaannik naatsorsuineq aamma periarfissatut takorluukkanik allattuineq.
- Ataatsimiititaliarsuup suliaanik immikkoortoqarfiit assigiinngitsut akimorlugit atuutilersitsineq.
- Allatsi suliamik ilisimasalik – oqaluuserisassanik allattuineq, imaqarniliuineq il.il.
- Allattoqarfiup nalinginnaasumik suliarissavai angalanissanik akunnittarfimmiinnissa-nillu inniminniineq, angalanerit pillugit naatsorsuusiorneq, akissarsisitsineq aamma sulinikkut isertitassaraluanik annaasanik akiliineq.